

میت ما زال حیاً

عنوان الكتاب: ميت ما زال حيًا
الموضوع: روايات
التأليف: محمود كمال
مراجعة لغوية: ندى محمد
إخراج فني: محمد منصور
تصميم الغلاف: إسلام مجاهد
رقم الإيداع: 2020/16637
الترقيم الدولي: 978-977-6639-12-6
الناشر: دار تويته للنشر والتوزيع

www.facebook.com/Tweetforpublish

tweetpublishing2017@gmail.com

أش محمد أبو العطا - محطة العريش - فيصل - الجيزة

رئيس مجلس الإدارة: م/ أحمد عبد العزيز

المدير العام: أ/ رشا العمري



01017799799

01225762066

تويته
Tweeta
للنشر و التوزيع

جميع حقوق الطبع والنشر محفوظة

ميت ما زال حيًا

رواية

محمود كمال

دار تويقة للنشر والتوزيع

الإهداء

إهدائي الأول:

إلى أمي إيلي هي سبب كل خير ليا واني واقف على رجلي حفظها الله، وإلى
الحاجة فاطمة التي كانت أمًا ثانيةً لي.. والحاجة حياة أسأل الله أن يرحمهم
برحمته.

وإلى شيخي العزيز الذي علمني الكثير وكلامه يدخل القلب مباشرةً
وبسببه حفظت أجزاء من كتاب الله تعالى الشيخ: سيد أسأل الله أن يُبارك
في عمره.

وإلى أخي العزيز أحمد إيلي واقف جنبي وبيساندني ديمًا ربنا يديمك سنّد
وظهر ليا ويحفظك من أي سوء.

وإلى رفيق دربي صديقي العزيز محمد داوود، صاحب الجدعنة والمواقف
الصعبة إيلي بعتبره أخ وليس صديق أدامك الله سنّد وظهر ليا دايماً يارب.

وإهدائي الثاني:

إلى مُعلم الناس الخير الميث الذي لا زال حيًا بأعماله؛ دكتور إبراهيم
الفيقي .

وإلى كاتب الإنسانية.. الميث الذي لا زال حيًا بأعماله؛ الدكتور أحمد
خالد توفيق.

وإلى الرجل الذي كان لا يعرف المستحيل: دكتور نبيل فاروق.

وإلى كل شهيد قدم نفسه فداء لهذا الوطن، من أجل أن يعيش آخرون
بحرية وسلام.

وإهدائي الثالث:

إلى كل غائب ما زال حاضرًا في وجداننا وسيظل حضوره هو سبب
أنفاس حياتنا والصمود أمام تحديات الحياة.

وإهدائي الأخير:

إلى نفسي عندما تتوارى في التراب، أسأل الله أن يجعل هذا العمل نافعًا
لي بعد موتي، أسألكم وقتها بالدعاء لي بالرحمة، وأن يعفوني، ويرحمني
برحمته.

لا تتعجّب مما سوف تقرأه بهذه الرواية؛ لأن أحداثها مقتبسة من
الواقع

فقط انتبه

لما سوف تراه ينطبق عليك في الحاضر والمستقبل واسعَ جاهداً لتغييره
لأنه ليس لديك وقتٌ كافٍ لتعيش جميع أحداث الحياة، لتحاول فيما بعد
تغييرها.

فالوقت حان الآن لتعلم ما تُريد تغييره وتُغيّره قبل فوات الأوان.

أُعرِّفكم نفسي:

أنا سامح محمد أحمد فؤاد الحسيني، واسم الشهرة سامح الحسيني،
أبلغ من العمر سبعة وثلاثون عامًا

أعمل بشركة دعاية وإعلان....

مُتزوج من ثلاثة عشر عامًا ولديّ من الأبناء: عمر، وسارة، وأنا أعتبرهما
هما سبب نجاتي..

لكل شخص مِنّا أوقات تمنّى فيها الموت، وقال على نفسه أنه حيّ ولكنه
ميت

والحقيقة أن الكلام شيء، وأن تموت بالفعل وتعود مرة أخرى شيء آخر
تمامًا.

الذي يُحدِّثك الآن قد لا يكون حيًّا بل ميتًا في نظر الجميع..

أرجو أن لا ترفع حاجبيك، ولا تنظر خلفك، وتحاول أن تراقب أصوات
قد تسمعها أذنك لأنه في الحقيقة، أنت تسمع ما تُريد سماعه، وتشعر بما
تريد أن تشعر به، فإن شعرت بشيء غريب يحدث لك فهو قد حدث
حقيقة، وإياك أن تُغمض عينيك لأن ما سوف تراه أسوأ بكثير من
الحقيقة، ومن الممكن أن يأخذ روحك لو غفلت لحظة عنه...

قصتي هي أغرب من الخيال، وقد لا تُصدّق وتقول أنني أكذب عليك، ولكنها حقيقة.. والذي يعيش بها غير الذي يسمع عنها ويراهها، ولأجل ذلك أريد منك أن تُعيرني إنتباهك جيدًا وتحيا معي في هذا التاريخ، هذه أول مرة مُت بها وهما ٢٧\١١\٢٠١٧، وثاني مرة مُتُ بها حقًا ولكن لا زلت حيًا كانت بتاريخ ٢٧\١١\٢٠١٩ .

نسيت أن أقول لكم أن الذي ستعيشون معه لحظة بلحظة هذا هو ميت ما زال حيًا؛

وللعلم أنا حي الآن من أجل أن تصلك أنت رسالة من الله عز وجل. هل تعلم أن اليوم الذي يفكر به الشخص أن يبوح بأسرار عالم المجهول، أو بالأصح عالم الموت، هذا يكون آخر يوم له في هذه الحياة؟ وبالضبط لا بد أن تعلم أن اليوم الذي ستتكلم فيه، وتحكي فستكون آخر أنفاس تلفظها، وأنت بنفسك شاهدت أناسًا تكلموا عن الموت، وماتوا بعدها..

فأنا الآن لا يهمني إلا أن أعلمك الحقيقة كاملة، التي لم ترها أنت، وقد لا يكون من الممكن أن تراها إلا ومَلِك الموت مُقبِل عليك، ومن أجل ذلك.. قررت أن أموت من أجل أن تعيش أنت؛

تعيش الحقيقة، وتكون لديك بصيرة بكل شيء، وتختار بذات نفسك مصيرك!

ماذا تريد؟؟؟

إعلم عزيزي أن هذه الحياة أحوال، ولا يدوم شيء على نفس الحال..

أنت روح تعيش بها، وروح تعيش بك، وروح تسكنُ بها، وروح تسكنُ بك... حتى المكان الذي أنت بداخله الآن به روح تسكنك، وكل مكان تذهب إليه عبارة عن أرواح!!

أقول لك شيء؛ الكرسي الذي تجلس عليه هذا روح، الحائط الذي أمامك هذا روح، المكتب، الأوراق، السيارات التي منها فرحٌ، ومنها حزينٌ، ومنها شريرٌ، ومنها الطيب...، القلم، الكتاب الذي تمسك به الآن هذا روح، الشيء الذي يتوافق معك ولا يزعجك هذا مُشابه لروحك، والشيء الذي يقف أمامك ويزعجك هذا ضد روحك، مثال أكثر: القلم الذي تمسك به وتكتب.. ترى أقلام تكتب بخط جيد بها، وأقلام تكتبُ بها عكس ذلك.

كل شيء حولك له عالم آخر وروح بها تحيا وتتكلم، ولكن كل عالم له لغته الخاصة به.

الأهم أن تعرف كيفية التعامل مع كل عالم بلغته. وإياك أن تصبح سبب حُزن لأي روح تحيا معك في هذا العالم؛ لأن وقتها فقط سينقلب كل شيء ضدك.

سأعطيك مثالاً: أحياناً عند استيقاظك في الصباح وتكون متأخراً تظل تُسبّ وتلعن في هذا اليوم، ويصبح كل شيء حولك وكأنه ضدك، وتكتشف أن الملابس لم تُكوى، ثم تصيبك العصبية أكثر وتظلّ تصرخ في من حولك، وعند خروجك تصير الطرقات في زحام شديد وتذهب للعمل تجد المدير في إنتظارك، وتأخذ خصم نصف يوم وتجد وكأنّ اليوم متأمرٌ كُلُّه عليك، وكل هذا بسبب أنك أغضبت هذه الأرواح منك فتعمل كلها ضدك.

هل تريد الراحة وأن تصبح أمورك كلها على ما يرام؟

إذن:

كُن صديق لكل شيء حولك، كُن صديق لنفسك في المقام الأول، وكُن صديق لبيتك، لمكتبك، لملابسك، كُن صديق للحيوانات، وكُن صديق لأفضل رفيق على وجه الأرض؛ القرآن.. ستجد حياتك تغيرت، ولن يُصيبك منهم شيء،

وهذا ما أنا وقعت به: أنني لم أكن صديق لأي أحد غير شيطاني..
فخسرت كل شيء.

اعلم أن هذه الأسرار التي أقولها لك لن تجد مخلوقاً يُبلغك بها، لأنه لا يوجد مخلوق على وجه الأرض ميت ولكنه ما زال حيًا، وهذا هو أنا.

سنبدأ الحكاية من البداية.. وأرجو أن تعطيني تركيزك جيدًا وإياك أن تخاف؛ لأنه ببساطة الذي سوف تخاف منه هو ما سيحدث لك، ويوم أن تجد كل شيء يضحك لك، إياك أن تفرح بذلك وتأخذك الجلالة لأنها قد تكون إشارة النهاية!!

ولا تتعجب من أن تقرأ وترى أشياء غالبًا أنت تعيشها، لأن ما ستقرأه جميعنا يعيش به ولكن بطريقته الخاصة.

(١)

نظرة واحدة قادرة على تحويل حياتك رأسًا على عقب

فللحُب أسرار خفيّة لا يعلمها إلا مَنْ وقع أسيرًا به

نعم يا صديقي يوجد حُب من نظرة واحدة فقط.

فنظرة واحدة قادرة على أن تجعلك مجنونًا قادرًا على قلب موازين
قوانين حياتك.

فلا تسأل كيف

لأن مَنْ قبلك كانوا لا يعترفون بذلك

حتى أتى اليوم الذي فعلوا ما كانوا به لا يؤمنون.

البداية سنة ٢٠٠٥

دخلت فتاة على الصيدلية لاسترجاع دواء لوالدها المريض بسبب قُرب إنتهاء صلاحيته، ثم وقفت ناظرة للدكتور الصيدلي قائلة:

- لو سمحت يا دكتور، كنت عايزة أرجع الدواء ده، لأن صلاحيته قريت تنتهي، ووالدي مش هiestخدمه دلوقتي لأن لسه إالي عنده ما خلصش. نظر إليها الدكتور بحنقة قائلاً:

- طب وأنا المفروض أعمل إيه حضرتك؟ حد قالكم تشتروا الدواء وأنتم عارفين إنه لسه ما خلصش؟ وقبل أن تنطق الفتاة كان قطع كلامهما من يُلقي السلام قائلاً:

- السلام عليكم
ردوا جميعاً: وعليكم السلام

ثم أكملت الفتاة قائلة:

- هو إحنا لازم نشترى الدواء لما يخلص ولا إيه يا دكتور؟ بقول لحضرتك الدواء صلاحيته عندك قريت تنتهي، وأنا مش مُجبرة إني آخذ دواء من صيدليتك وهو قرب ينتهي، والمفروض إني آخذ دوا يكون قدامه مش أقل من ست شهور. لكن آخذ دواء ليه فاضل له شهرين، وأجيبه على الفاضي؟

رد الدكتور عليها قائلاً:

- طيب أستاذن حضرتك هعمل مكاملة لصاحب الصيدلية وأبلغه.

- طيب مفيش مشكلة، أنا في إنتظار حضرتك.
- ثم التفت الدكتور للشاب الذي يقف مُتابع لهم قائلاً:
- حضرتك عايز إيه أجهولك على السريع عشان ما أعطلكش؟
- عايز شريط كيتوفان وكومتركس لو سمحت.
- تمام
- دخل الدكتور ليأتي بالدواء وبينما ظل الشاب محملاً لعين الفتاة ذات اللون العسلي الفاتح التي كانت تقف على إستحياء وهي ترتدي عباءة كُحلية اللون ذات زركشة بيضاء.
- ثم أتى الدكتور من الداخل وهو معه الدواء المطلوب للشاب وقال له المبلغ المطلوب، وأثناء دفعه الحساب وبانتظار المتبقي، سألته الفتاة قائلة:
- هو في حد عندكم يقدر بيعي البيت عشان يعطي حقنة لوالدي؟
- للأسف ما عندناش الخدمة دي بالصيدلية..
- تغيَّر وجه الفتاة بعدها للحزن وقلة الحيلة، وأخذ الشاب المتبقي من الحساب وهو يراقب تعبيراتها وخرج بجسده ولكن ظلَّ قلبه مُعلَّق بشيء ما بالداخل ووقف بالخارج منتظرًا على بُعد.
- بعد دقائق من مكالمة الدكتور لصاحب الصيدلية نظر للفتاة قائلاً لها:
- تمام هنرجع لحضرتك الدواء وآسفين جدًّا على العطلة، ولكن عذراً إحنا ساعات في ناس بتيجي الصيدلية تعمل حركات مش كويسة ترجع دواء وتبدله بمُنتهي وحاجات ربنا ما يورمهالك.
- شكراً ليكم، وربنا يكون في عونكم.

أخذت الفتاة نقود الدواء المرتجع ووضعتة في حقيبتها واستدارت للخروج، بينما كان آخر ذو شكل مريب يراقبها بالخارج ثم وهي خارجة من الصيدلية، وجدت مَنْ يخطف حقيبتها بشدة ليطرحها أرضاً ويركض مسرعاً باتجاه الشاب الذي كان يقف بالصيدلية مراقباً لها، وبينما هي وقعت على الأرض تبكي قفز الشاب مسرعاً نحو هذا السارق ليعترض طريقه بلكمة على الوجه مصطدماً بحائط الطريق، ثم ألقى السارق الحقيبة وأخرج من جيبه سكيناً لتُصيب الشاب بجرح خفيف ويفر الآخر هارباً.

كل هذا الحادث دار بأقل من دقيقة، ليتفاجأ الشاب والفتاة بكل ما حدث، ثم أخذ الشاب الحقيبة الملقاة على الأرض وأخذ يمشي ببطء نحو الفتاة قائلاً:

- إنتي بخير؟

نظرت له نظرة دهشة وامتنان وتقدير لما فعله معها، وقامت وهي تُلملم نفسها ووقفت قائلة:

- أنا بخير، لكن أنت إللي مش بخير وفي دم بيسيل منك.

نظر لها وهو لا يصدق ما حدث وكيف حدث، مَنْ تلك الفتاة التي جعلته يتهوّر لأول مرة بحياته ويفعل مثل هذا؟ وأخذت الفتاة تقول في نفسها:

- هو ده إزاي حصل؟ أنا في علم ولا في حلم! مين الشخصية دي؟
ثم تحدث الشاب قائلاً لها:

- أنا بخير ما دام إنتي بخير، وده جرح خفيف شوية شاش ومكروكروم وكله هيكون تمام، ولكن تسمحي لي أعرف اسمك؟ نظرت الفتاة باستغراب قائلة له:

- ليه هو أنت ناوي تطلّع ليا بطاقة؟ ولا قول إنك عملت كل ده علشان في الآخر تتعرف عليّ وتعمل زي الشباب إياهم وجو الأفلام وتفتكرني واحدة سهلة من إياهم تقضي معها وقت، لاء فوووق مش أنا.

قطع الشاب حديثها قائلاً:

- إيه إلهي بتعمله ده كله؟ كل ده علشان بقولك اسمك إيه، يا نهار أبيض! ده أنت دماغك من الأفلام إلهي بتشوفها واضح إنها خلتك تفترضي إفتراضات في مُخّك عجيبة.

يا ست الحُسن والجمال أنا عايز أعرف اسمك علشان أندهلك بيه مش أكثر، وأعرف تكون اسمها إيه صاحبة الوجه الملائكي إلهي خلتني لأول مرة في حياتي أعمل حاجة زي كده.

- شوفت بقى؟ علشان تعرف إن غرضك مش كويس بتقول عايز تندهن ليه بقى؟ وإنت تندهن بتاع إيه؟ وهتقول كلام أفلام، وإنك أول مرة، يا عم مُتشكرة على موقف الرجولة إلهي عملته وأسفة إنك خليتك لأول مرة تبقى راجل.

نظر لها الشاب بتعجّب قائلاً:

- أنتِ إيه إيلي بتقوليه ده؟ لأول مرة أبقى راجل!! لاء بقى ده أنتي مجنونة، يعني إيه أول مرة أبقى راجل؟ قصدك إني أنا إيه مثلاً؟ ها؟
ابتسمت الفتاة، ثم ضحكت على الموقف وما قالته بدون قصد ثم
قالت:

- بجد أنا أسفة يا حضرت والله ما أقصدش، أنا كل صاحباتي
بيقولوا عليا إني دبش كده، والله ما أقصد يا سيدي، وعلشان ما ندخلش
في أعراض، ونتوه في تحديد جنسك راجل ولا مش راجل.
نظر لها الشاب رافعاً حاجبيه قائلاً:

- لاء بقى ده أنتي لمضبة بجد!
قاطعته الفتاة قبل أن يكمل كلامه قائلة:

- اسمي أميمة
ابتسم الشاب قائلاً:

- هو أنا أول مرة بصراحة أقابل الاسم ده، هو أه اسم قديم شوية بس
جميل عشانك بس.
نظرت له في كسوف وابتسامه قائلة:

- أول مرة تقابل الاسم ده ليه؟ هو أنا كشف أسماء قصادك؟!
ضحك الشاب قائلاً:

- مش بقولك إنك أنتِ مصيبة!
ابتسمت في خجل قائلة:

- طب ممكن تسيبني بقى أمشي يا حضرت علشان لو اتأخرت شوية،
كمان هتبقى مُصيبة بجد وبابا مستنيني.. ولسه هدور على صيدلية فيما حد
يقدر يبجي يعطي والدي الحقنة.
رد عليها الشاب في عفوية قائلاً:

- لاء مش هسيبك

نظرت له الفتاة محدّقة عينها، ثم أكمل قائلاً:

- اه قصدي.. ما أقصدش أقول كده.

- أنت بتقول إيه أنت؟

- بقول إني عايز آجي أوصّلك للبيت.

- لاء بقى ده أنت شكلك كده مجنون، وعايز تاخذ حاجة فوق دماغك

علشان تفوق.

- يا أميمة ما تفهمنيش غلط، أنا مجنون جايز.. يمكن اتجننت أول ما

شوفت عينيكي الجميلة دي، وعايز أفوق أه فعلاً أنا عايز أفوق علشان

حاسس إني لأول مرة أحس بإحساس غريب أوي.

أدارت أميمة وجهها لتُخفي ابتسامتها عنه، ثم حاولت أن تُخفي

ابتسامتها واستدارت له قائلة:

- ده أنت شكلك ضربة الوش أثرت عليك أنت مش على الحرامي.

- أي حاجة هتقولها أنا مُتقبّلها، بس بجد أنا عايز أوصّلك.

- لاء أنت مجنون! وأنت أصلاً توصلني بتاع إيه؟

- عايز أطمّن على والدك.

- اه وأنا بقى أقول له إيه؟ جايبة واحد من الشارع معايا يظمن عليك؟!

- لاء هتقوليلُه جاي من الصيدلية.

- رحمتك يا رب بيا من الشخص المجنون ده!

ثم تنحَّت عنه لتذهب، ثم أوقفها قائلاً:

- إنتي مش كنتي بتدوِّري حد يدِّي الحقنة لوالدك؟

- أنا الشخص ده بقى.. إيه رأيك؟

- هو إنت كمان هتعمل نفسك بتدِّي حقن عشان تيجي البيت

وخلص؟ وكمان تجرَّب في والدي! أنت عبيط في دماغك؟

- لاء بقى ما أسمحكيش تقولي كده لزوجك المستقبلي .

- لاء ده أنت خرَّفت خالص.

ثم قاطعها قائلاً:

- يا فتاتي الجميلة أنا حقيقي بدِّي حقن عشان عندي قريب ليَّا تعبان

وأنا إللي بدَّيله الحقنة ومش بقول كده وخلص، أكيد يعني مش هضرِّ حد

وكمان لما يبقى غالي عليكي، ممكن بقى تبطلي لماضة وسوء ظن وتسيبيني

أمشي معاكي؟

- اممم أنا آسفة إني تطاولت عليك، بس إنت فعلاً شخص غريب،

وعلى العموم الحمد لله إنك طلعت بتدِّي حقن لأن الحقنة دي مهمة أوي

لبابا، ولو كده بقى إمشي ورايا من بعيد علشان محدش يفهم غلط، ولما

أدخل البيت بعدها تبقى تدخل، وتخبَّط على الباب.. إحنا الدور الأرضي

الشقة إللي على اليمين، سلام يا مجنون.

ثم أدارت نفسها، وخطت خطواتها وهي تبتسم فرحًا ولا تصدق هل كل هذا حقيقي، أم حلم سينتهي بكابوس.

نظر لها الشاب وهي تخطو خطواتها قائلاً:

- على فكرة اسمي سامح علشان باباك لو سألك يعني تبقي عارفة اسم الممرض إللي جاي، وأنا وراكي أهو.. إوعي تتوهيني.. أموت فيها. عاد سامح من شروده، وهو ببتسم لأميمة، وهو على كوشة الفرح هامسًا لها في أذنها قائلاً:

- بحبك يا مجنونة.

نظرت له هي أيضًا، وهي تبتسم قائلة:

- وأنا كمان بموت فيك، ياللي منك إتعلمت الجنان، ياللي غيّرت حياتي كلها في ثانية، بجد النهاردة أسعد يوم في حياتي، كان نفسي أوي بابا يكون موجود في يوم زي ده، مش مصدقة إنه سابني من سنة واحدة بس، وكأنهم سنين.

- ربنا يرحمه يا حبيبتي.. باباكي ده من أفضل الناس إللي اتشرفت بهم، ما أنساش إنه هو إللي طمّني، وقاللي إللي يقف مع واحدة ما يعرفهاش، ويعمل كده ده إنسان أكون مطمّن على بنتي وهي معاه، وما أنساش إني كنت داخل خايف وأنا بتكلم معاه ولأني قولت ممكن يطردني ويعمل فيكي حاجة، ووقتها قاللي يابني أنت خايف ليه كده؟ إوعي تفتكر إني أب غبي، علشان أضيع بنتي زي إللي بيرفضوا إللي جاي وطالب الحلال وبعديها يتصدموا إن بنتهم وقعت في أي حاجة غلط تغضب ربنا، وبعدين

إنت واحد جاي البيت من بابهُ، يبقى إنت من حَقك عليا إني أشيلك فوق راسي من فوق.

بجد يا أميمة أبوكي عُمري ما هنساها، وربنا يقدرني وأحفظك وأشيلك في عنيا.

دخل عليهما سامي مُقاطعًا حديثهما قائلاً:

- أخويا حبيبي أخيراً هفرح فيك.
 - والله لو دي فرحة فيا فيا أجمل فرحة في حياتي.
 - ربنا يسعدك يا رب ويجعل أيامكم جميلة دائماً، ولما نشوف بقى هتفضل كده على طول ولا بعد الجواز هنشوف واحد تاني.
 - لاء إنسى، مش أنا إللي أتغير.. أنا حياتي غير أي حد.
 - كلهم بيقولوا كده في الأول يا أخي.
- دخل عليهم الحاج والدهم ومعهُ والدتهما قائلاً:

- بقى قاعدين تتودودوا وسابيتنا كده.. إيه مش هتهيصوا بقى كده؟ قام سامح من مكانه مقبلاً يد والدهُ ووالدتهُ قائلاً:
 - وهو إحنا ينفع نسيبكم برضو؟ ده أنتم الخير والبركة كلها يا حاج أنت وأمي.
- نظرت له أمهُ قائلة:

- ماشي يا بگاش أنت.. ربنا يسعدك يا رب، وخلي بالك من عروستك، عارف لو زعلتها أنا إللي هشد ودتك.
- ثم قامت أميمة وأخذت حماتها بالحضن قائلة:

- ربنا يباركلنا فيكي، والله أنتِ أجمل حماة في الدنيا دي.
- ربنا يسعدكوا يا بنتي
- ثم لحظات دخلت عليهم أم أميمة قانلة:
- إيه يا أمّ سامح أنا حاسة إنك بقيتي أمها وأنا اتركنت على الرف..
ينفع كده؟
- لاء طبعا ده أنتي الأصل يا أم أميمة
- أنا بهزر معاكي، ده أنا مطمئنة عليها علشان بجد مع ناس زيكم أصيلة، وابنك ربنا يكرمه زي ابني بالظبط، ربنا يباركلهم يا رب همّا الإثنين ويهدّي سرهم.
- قالوا جميعا في نفس واحد:
- آمين يا رب
- ثم سمعوا جميعهم أغنية "النهاردة فرحي يا جدعان" والتي تم صدورها منذ أيام، وكانت أول ما يُبدأ بها في الأفراح، وتحولت قاعة الفرح لمكان للرقص، أخذ سامي يد أخيه ليرقص معه، وقبل أن يقوم جاءت البنات، ليأخذن أميمة لترقص هي الأخرى، ولكن مانع سامح أن تقوم أميمة لترقص، وقال لها:
- ما ينفعش إن زوجتي حبيبي تقوم ترقص.
- ليه بس يا حبيبي؟ ده فرح.. يعني مرة في العمر.
- أميمة النقاش في النقطة دي مرفوض، مش أنا إللي أخلي زوجتي ترقص قدام الناس والعيون عليها، ليه شايفاني خرونج ولا إيه؟ عايزة تُرقصي إرقصي في البيت، إن شاء الله لكن هنا كله على بعض سايح ما

ينفعش، لو في مكان وكنتوا بنات مع بعضكم كنت أقولك عيشي حياتك
وارقصي.

- إيه إيلي بتقوله ده يا سامح؟ عيب.

- عيب إيه يا هبلّة؟! أنا جوزك.

- ماشي يا حبيبي إيلي أنت شايفه خلاص، وأنت فعلاً صح مش هقدر
أناقش في غلط يعني.

ثم قام سامح مع أخوه سامي وأخذوا جميعهم يرقصون على أغنية
"النهاردة فرحي يا جدعان عايز كله يبقى تمام".

بينما جلست أميمة مشاهدة لزوجها الذي يرقص مع أخيه وأصدقائه.

(٢)

لماذا تُغَيِّرنا الحياة وتجعلنا ليس كما كُننا في سابق عهدنا؟

هل السبب ضغوط الحياة والمسؤوليات التي تقع على عاتقنا؟

أم السبب في أنفسنا ذاتها؟؟

أقول:

أنه من الأفضل أن لا نحكم على الحياة وأن لا نتعاهد على أشياء لم نعرف ماهيتها ماذا ستكون؛ حتى لا نقع في فخ عدم الوفاء بكلماتنا.

جلست أميمة مرتدية إسدالها الأسود المُحَبَّب لها على كرسي التسريحة المقابلة، لسرير نومها الذي ينام عليه زوجها سامح بعد أن صلَّت الفجر حاضر، وهي بالطبع حاولت أن تُيقظ سامح، ولكن لا حياة لمن تنادي.. فهو غارق بالنوم، وكيف لمن يخرج في الثامنة صباحًا ولا يعود إلا في الحادية عشر مساءً أن لا يأخذ النوم العميق!، فأخذت تتأمله وهو نائم...

وتتذكر أيام الزواج الأولى أجمل أيام بالنسبة لها، فجلست تتذكر كيف كان رومانسيًا لا يهْمُه سوى إسعادها فقط، ولكن الحال تبدَّل بعد السنة الثانية، فموت الحاج محمد الحسيني وبعده زوجته أم سامح أثار كثيرًا في نفسية سامح، وبعد الإنجاب أصبح الإهتمام معدوم بالمرّة، فهي الآن تتحرَّس على الحالة التي وصلت لها، من المشقة والروتين وعدم إهتمامه بها حتى قالت في نفسها أنَّه أصبح لا يحبها.

وأكثر من مرة فكرت أن تطلب الطلاق، ولكن تتراجع بسبب أبناءها عمُر وسارة، فهُم الآن (عمر) اثني عشر عامًا، و(سارة) عشرة سنوات، عادت أميمة من شرودها، ونظرت يمينها على الساعة المُعلَّقة أعلى الحائط الأزرق السماوي التي اختارتها بعناية يوم تجهيز شقة عرسها قائلة:

- يا نهار أبيض! الساعة سبعة الصبح!

قامت أميمة من على الكرسي، ووقفت بجوار السرير الملقى عليه سامح، ونادت بصوت هادئ قائلة:

- بتقول إيه يا حبيبي؟
- سَعَلَ سامح سَعَال خفيف قائلًا:
- هو أنا قولت حاجة حبيبي؟ ولا حاجة خالص.

وقف سامح أمام باب الشقة، وهو يرتدي البدلة السوداء، ومعها القميص الرصاصي بعد أن قام بتسريح شعره الناعم ذا اللون الكستنائي للوراء متأقِّفًا لانتظاره لسارة وعُمر لإيصالهما للمدرسة في طريقه، ويعلم أنهما سبب تأخيره كل يوم، ثم نظر إلى الساعة التي يرتديها والتفت قائلًا:

- يا أميمة حرام عليكي، أحرَّتيني يلا بسرعة حضَّريهم.

جاءت أميمة وخلفها سارة وعمر وهما يرتديان زي المدرسة الكحلي، ويحملان شنطة مدرستهم، قائلة:

- خلاص أهُم جهزوا أهُم، إتفضل.
- أخذت سارة تصرخ قائلة:
- يلا يا بابا خلاص خلصنا، إيه كل يوم تسربعنا كده؟ وإمبارح نسيت الساندوتشات بسببك وفضلت قاعدة جعانة.
- نظر لها سامح في تعجَّب قائلًا:
- ماشي يا لمضة هانم يلا بينا.
- ثم نظر لعُمر قائلًا:

- وأنت أخذت الساندوتشات؟
نظر له عُمر، وهو يضع يده في جيبه قائلاً:
- ساندوتشات إيه يا بابا؟ أنا كبرت على الجوده.

تدخّلت أميمة قائلة:

- كبرت كمان؟! طب يلاً يا حبيبي إنزلوا مع بابا لأحسن ما أضمنش
كلمة زيادة يسيبكوا ويخليني أنا أنزل.
نظر لها سامح في حنقة قائلاً:
- ما هو ده إللي هيحصل بعد كده بالضبط.
ضغطت أميمة على أسنانها، وكتمت ما بداخلها لأنها تعلم أنها لو
انفجرت في سامح من بعد عدم تحمُّله أي مسؤولية من الممكن أن يحدث
كوارث، وهي لا تُريد أن تجعل الأولاد يشاهدوا شيئاً من مشاكلهما أمامهم.

سار سامح بسيارته بعد أن أوصل الأولاد للمدرسة، ونظر للطريق باستياء على ما به من زحام، وكثير هائل سيارات تكاد أن تكون فوق بعضها البعض، ثم نظر لساعته، فوجدها الآن في تمام التاسعة، ثم قال في نفسه وهو يقود سيارته:

- هو يوم باين من أوله، أدينا إتأخرنا على الشغل.
فضلاً يضرب كلاكس، ويجهر بصوته في من يقف أمامه ويطرق على الدريكسون في عصبية قائلاً:

- يلاً يا ولا ااد التيت عندنا شغل، حاجة ترقف!
وبعد صراع مع الطريق وضربائه للدريكسون الذي لم يكن له أي ذنب في شيء إلا أنه في خدمته يُحرّكه كيفما يريد.

وصل شركته التي هي من أكبر شركات الدعاية والإعلان في مصر، وإذ به وهو داخل مقر الشركة اصطدم بمدير الشركة في وجهه؛ المهندس (عماد السيوطي)، وعلى وجهه علامات الغضب قائلاً له:

- أنت شرفت يا أستاذ سامح؟ ما لسه بدري! بقى كل الموظفين بقالهم ساعة على مكاتهم، وإنت لسه جاي؟

- يا باشمهندس عماد الطريق صعب جداً، وغصب عني هعمل إيه يعني؟

- ولا حاجة يا أستاذ سامح، خصم نص يوم بس تأخير علشان بعد كده تخلي بالك إن الطريق هيكون زحمة، وتنزل بدري.

نظر له سامح بغضب ونظرة تحديّ ثم تركه ودخل المكتب وهو في قَمّة عصبيته رغم إن المكتب واللاب توب والكراسي لونها أبيض، إلا أنها لم تُهدئ مِمَّا بداخل سامح.

جاء حسن مُسرّعًا لتهدئة صديقه سامح، فهو صديق منذ عشر سنوات لسامح، يعرف عنه ما لا يعرفه الآخرون، ورغم أن حسن متزوج أيضًا لكنه مُلتزم بمواعيده، فهو حتى الآن لم يرزقه الله بأولاد وحياته مستقرة. ومُرتبة أكثر من سامح وباله طويل، على عكس سامح الذي تتملّكه الضغوطات، وتؤثر عليه وتتملكه العصبية الزائدة، وأقل شيء ينفزه.

نظر له حسن وهو على مقربة من سامح قائلاً:

- روق يا سامح بس كده، ما أنت عارف باشمهندس عماد، هو دايماً كده معاملته مع الكل زفت، والكل بيدعي عليه ومفيش حاجة بتأثر فيه.

- يا حسن أنا على آخري، وربنا يعلم أنا جاي إزاي... والأولاد آخروني، ده أنا كنت هتخناق مع أميمة بسبب تأخيرهم ليا، وقولت لهما بعد كده إنتي تبقى توصّلهم، هعمل إيه بس؟ الواحد خلاص بقى طهقان من كل حاجة، بنحت في الصخر وبستحمل كلام يحرق الدم علشان الجنيه علشان ما أخليش أميمة ولا الأولاد محتاجين لحاجة، وعلشان مستقبلهم بعد عمر طويل، وهما ولا في دماغهم كل ده، فاكريتي بمزاجي، حاجة تقصّر العمر.

- ما تقولش كده بس وإستهدي بالله. وأنا هبلّغ الساعي يعمل لك قهوة إنما إيه.. تعدل مزاجك كده، يا راجل ده إحنا يومنا طويل لسه، من أولها كده؟ ده إحنا نموت.

- على رأيك.. هي مش طالبة العملية موت أكثر، كده كده إحنا عايشين
ميتين.. يبقى نعدل مزاجنا، وننطش لأي حاجة تعكّر يومنا.

جلس حسن على مكتبه بعدما أفرغ سامح كل ما بداخله من غضب،
وأمسك بالتليفون الذي تركه عندما وجد صديقه في قمة غضبه، ووجد
ثلاث مكالمات لم يردّ عليها من زوجته (إيمان عاشور)، فهي زوجته منذ عدة
سنوات من بعد قصة حب فاقت الحدود، ضغط على الإتصال بها، ثم بعد
أن ضغطت على الزر الأخضر تفوّه قائلاً:

- قبل ما تقولي أي كلمة عايز أقولك حبيبة قلبي وحشتيني جدًّا!!!!
- يا سلام!! أيوة بقى خدني بالصوت علشان تداري مصيبتك إني
كلمتك ثلاث مرات وما تردش عليا.

- وهو أنا أقدر يا حبيبتى أشوف مكالمتك وما أردّش، أنا والله نسيت
الموبايل على المكتب، ولأني كنت قومت أشوف سامح لأنه كان متضابق
شوية.

- هو دايماً صاحبك ده في كل حاجة تحصل كده؟
- ما إنتي عارفة لازم كل يوم يحضر متأخر شوية ويُلطّش مع المدير
كده.

- ماشي يا حبيبي، أنا كنت بس بظمن عليك، وأقولك تبقي تفتكرني
- وهو أنا نسيتك علشان أفتكرك يا حبيبتى؟ ده أنا لو نسيتك لحظة
أموت، ده أنتي روح بعيش بيها، المهم طمنييني إنتي عاملة إيه؟
- الحمد لله.. صداع كل يوم بس مزودها شوية معايا

- ما قولتلك أودِّيكي لدكتور نشوف إيه الصداع ده
- وهو في حد يروح لدكتور علشان صداع؟ بس يا حبيبي رَوِّق كده،
وبعدين ده بيبيجي ويروح عادي يعني تلاقيه إرهاب.
- طب خلي بالك من نفسك يا حبيبي.

أغلقت إيمان المكالمة مع حسن، وجلست على الأريكة التي في صالة منزلهم، وضغطت على زر التسجيل لتعاود سماعها لأغنية أم كلثوم والتي تقول بها:

يا سلام على الدنيا وحلاوتها في عيون العشاق
يا سلام يا سلام وأنا خدني الحب لقيتني بحب
لقيتني بحب، وأدوب في الحب
اه أدوب في الحب، وصبح وليل، وليل على بابه.
ياللي ملّيت بالحب حياتي أهدي حياتي إليك

ابتسمت إيمان ورجعت بالذاكرة لتتذكر أجمل أيامها، عندما سافرا إلى الإسكندرية ليقضيا شهر العسل، وبعد أن دخلا الشقة التي استأجراها على البحر بميامي جلسا سوياً، ثم نظر لها حسن في ابتسامة وسعادة قائلاً:

- دلوقتي بس أنا أسعد إنسان في الدنيا، اه إحنا إتجوزنا عن قصة حب عجيبة، فضلت أراقبك خمس سنين من بعيد لبعيد وأبص عليك

- هو إنتي كده بجد ولا بتهزري!؟
نظرت له إيمان ببراءة طفولية قائلة:

- مش فاهماك بجد! أنت غريب ليه؟ وبتقول لو غاريتات
- لاء ده إنتي بجد مبييح خالص، وأهو علشان كده أنا حبيتك أوي
ولأنك مش زي كل البنات بتوع الزمن ده الجريئة في كل حاجة، تعالي بقى
ندخل الأوضة دي، وأنا بقى هفهمك كل حاجة، ها موافقة تفهمي؟
- طبعاً أنا معاك في أي حاجة.. ما هو أنت حبيبي وأخويا، وصديقي
وأبويا كمان.
ابتسم لها قائلاً:

- وإنتي صاحبتني وأمي وبنتي وكل حاجة ليا، ربنا ما يحرمني منك، ووعد
عليّا يا إيمان أعيش علشان أسعدك وبس.
عادت إيمان من شرودها وهي تبتسم وتضحك بشدة على إنها كانت مثل
الأطفال لا تعي أي شيء وعلى أن الله رزقها بمن عوّضها عن كل شيء،
وظلت تسمع أم كلثوم وهي تقول:

يَالِي مَلِيَت بِالْحُبِّ حَيَاتِي أَهْدِي حَيَاتِي إِلَيْكَ

رُوحِي قَلْبِي عَقْلِي حُبِّي كُلِّي مِلْكَ إِدِيكَ

صوتك، نظراتك، همساتك.. شيء مش معقول شيء خلى الدنيا زهور
على طول وشموع على طول الله يا حبيبي على حبك وهنايا معاك الله يا
حبيبي الله الله.

ولا دمعت عين جرحت قلبي ولا قوله اه ما بقولش في حبك غير الله الله.

استيقظ سامي على أذان الظهر، ونظر باشمئزاز لزوجته نوال التي ما زالت نائمة بجانبه، ودار في عقله حواراً قائلاً:

- إزاي دي اتجوزتها نفسي أعرف، فعلاً كان عندك حق يا أبويا يوم ما قولت ليا: يا سامي.. الحب مش كل حاجة، في حاجات بعد الجواز أهم؛ إنك ترتاح، ده أهم من الحب، إنك تلاقي واحدة بتخاف عليك ده بحب الدنيا كلها

الحب مش كلام بيتقال على الملأ وخلص

الحب فعل، إخلاص، أمانة، مودة، رحمة، إلهي بيحبك بيعيش معاك في كل ظروفك وأوضاعك وهو سعيد مش بيصطنع السعادة.

- اه والله يابا كان عندك حق، دي واحدة مش بيهمها إلا نفسها وراحتها وبس،

صدق إلهي قال مراية الحب عميا.

نظر سامي لزوجته قائلاً بصوت عال:

- مش ناوية تقومي يا هانم ولا إيه؟
ردت عليه نوال وهي في حالة بين النوم واليقظة قائلة:

- سبني أنام شوية بس

- نامت عليك حيلة، قووووومي إحنا بعد الظهر، إنتي إيه؟ ما بتحسيسش إن في كائن اسمه زوجك ليه حقوق إنه يلاقي حاجة يفطر بيها والمفروض إنك إنتي إللي تصحيه مش هو إللي يصحيك!

فتحت نوال عينها، وانتهت وسندت ظهرها على السرير، ونظرت لسامي
قائلة:

- يعني أنا بستناك لغاية ما تقفل المحل بالليل، وترجع ليا الساعة
إثنين وش الفجر ومش عايز تهنييني بالنومة؟ ده إيه الجبروت ده!
- والله ما حد عنده جبروت غيرك يا شيخة، على أساس إنك قاعدة
طول اليوم بتعملي إيه؟ محمد ابنك وكبر وبقى في جامعة، وأنت مالكيش إلا
في التلفزيون والقاعدة مع الستات تنموا على خلق الله، والبيت ولا في
دماغك حاجة تانية، بلاهم وغم.
- ماشي يا سامي بقى هو أنا بقى كده في نظرك؟ مفيش أي تقدير؟
طيب أنا هكمل نوم وشوف مين هيفطرك؟
- وهو أنا عاجز ولا عاجز؟ معرفش أفطر نفسي؟ نامي يا ست هانم
نامي.. بس في يوم هاخذ حقي منك وهتعرفي وقتها مين إللي بيفتري على
التاني.
ثم قام سامي غاضبًا ليُجِيزَ ملابسه، ليذهب لمحلّه.

وقف كل منهما أمام محل الآيس كريم الذي يقع على ناصية شارع
مدرستهما، يأكل ويستمتع بالطعم اللذيذ، وإذ بهم بدون سابق إنذار يجثو
عليهم رجل عجوز ذو ملابس ممزقة قائلاً لأميمة:

- حاجة لله.. عايز أكل جعان ربنا يحفظهملك.
تبسمت أميمة ثم أدخلت يدها في حقيبتها، ثم أخرجت نقود، وأعطت
جزء لعُمر وجزء لسارة ثم قالت لهم:

- كل واحد فيكم يعطي للراجل الغلبان ده الفلوس إلي إديتهاله.
ذهبا سوياً وأعطيا ما في أيديهم للرجل العجوز، ثم تفوّه قائلاً:
- ربنا يُسْتَرْكُ دنيا وأخرة ويكرم لك أولادك ويحفظهم يا رب.
ثم عادا، ووقفت سارة متسائلة:

- إحنا ليه إدينا الراجل ده فلوس وإحنا ما نعرفهوش يا ماما؟
- علشان يا حبيبتي رسولنا الكريم (ص) وربنا قالنا لو شوفنا محتاج
لازم نديله، ونتصدق لأن الصدقة دي أعظم حاجة في الدنيا وحسنات كثير،
وإحنا أصلاً الفلوس إلي بنطلّعها هي أصلاً ملك لربنا، فلازم نعطي المحتاج،
ولأن لما بنطلّع لله ربنا بيردّه لنا أضعاف ويعليّننا درجات في الجنة.
- ياه يا ماما أنا عمري ما هشوف محتاج وما أساعدهوش خالص، أنا
عايزة أكون في أعلى درجات الجنة علشان أكل آيس كريم، ثم أردف عمر
قائلاً:

- وأنا كمان يا ماما.
- ربنا يحفظكم يا حبايبي،
ودايماً إعرفوا إن الخير هو إلي باقي للإنسان وبس.

(٣)

يردّدون دائماً كلمات الإشتياق والإحتياج لنا

ونحن لا نُلقِي لهم بالأ ولا نفهم المغزى،

إلا بعد فوات الأوان...

هكذا الورود تذبل عندما لا تجد مَنْ يرويها، ويعتني بها.

جلست أميمة بعد أن نيمت الأطفال وهي تفكر مع نفسها في حالها،
ووحدها التي تشعر بها بسبب عدم إهتمام سامح لها، ثم أمسكت بقلها
وحاولت أن تلتقط أنفاسها بصعوبة، فهي تشعر من حين لآخر بنغزة في
قلها ولا تعلم ما السبب لهذا.
أمسكت أميمة بالتليفون، ثم اتصلت بسامح..

سمع سامح رنين هاتفه على المكتب ثم أخذه ونظر له قائلاً في نفسه:

"يا رب خير.. عايزة إيه دي دلوقتي؟"،

ثم رد قائلاً:

- ألو
- أيوة يا حبيبي عامل إيه؟ وحشتني.
- وده وقته برضو يا أميمة؟ أنا في الشغل وإنتي فايقة ورايقة.
- أنا بتصل بيبك علشان أقولك لو تحاول تيجي بدري شوية علشان
حاسة بتعب في قلبي، ومش عارفة من إيه؟
- سلامة قلبك، تعب إيه بس؟ فُكِّك من الهواجس إالي عندك دي.
- بقولك تعبانة تقولي هواجس؟! الله يسامحك.
- ربنا يسرّل يا أميمة. وهبقي أودّيكى لدكتور.. حاجة تاني.
- شكرًا يا سامح مش عايزة حاجة، كتر خيرك.. سلام.
- سلام
- ألقي سامح التليفون على المكتب قائلاً:
- حاجة تطهق، وكلام نسوان فاضي.

- أغلقت أُميمة الهاتف بعد أن أنهت مكالمتها مع سامح، وانتهالت
دموعها على خديها من مجافاة سامح لها، وأخذت تتفوّه بكلام قائلة:
- يا رب أنا تعبت من دي حياة، بجد ليه سامح بيعمل معايا كده مع
إني بعمل أي حاجة علشان أسعده! ده المقابل لِحبي ليه.
ثم أخذت نفسها، وأمسكت بقلبيما بشدة من الوجد الذي تشعُر به، ثم
أردفت قائلة:

- ما هو أنا إنسانة، ولازم أحس بألم من تجاهل زوجي ليا، وعارفة يا
رب إني ما ينفعش أحب حد أكثر منك وكلام الشيوخ إلي بيقلوه، وأنت
فوق الدنيا كلها يا رب،

بس أنا بشر وغصب عني بتعب، ولأن النفس ميّالة دايمًا لرفيق لها
يهتم بيها، والدليل إن سيدنا آدم لم يجلس وحيدًا وخلق حواء لتكون
بجانبه، ويكون بجانبها. فالحياة مشاركة من الطرفين، ومش من طرف
واحد بس، وبدون الحب مكنش هيكون فيه حياة أصلًا.

في منزل حسن مساءً..

في تمام الساعة الحادية عشر مساءً، وبعد رجوع حسن من عمله
وبعدما أخذ حمام دافئ ليغسل ضغوط اليوم بأكملها، جلس حسن في
البلكونة الخاصة بمنزله على كُرسيه الهزاز ذي اللون البني، وأمامه منضدة
صغيرة مدورة، وبالمقابل كرسي هزاز أيضًا ويحاوطه الزرع من كل جانب،
فهو عاشق للزرع، ومحِب للطبيعة والتأمل، ثم لحظات وجاءت رفيقة دربه
إيمان وهي تحمل القهوة الخاصة به وبها أيضًا، ووضعتها على المنضدة،

وجلست بالمقابل له ليتها مسا سوياً، ثم أخذ حسن يغمض عينيه، ويشم رائحة القهوة التي يتلذذ بها قائلاً:

- تسلم إيديك يا حبيبي.

- الله يسلمك يا حبيبي.

ثم أخذت إيمان تنظر لحسن نظرة إشتياق، وقالت:

- عارف يا حسن إللي بيهون عليا غيابك طول اليوم إيه؟

- إيه يا حبيبي؟

- إني لما بحتاجك بلافيك، وكفاية إنك بترجع في عز تعبك وبتبقى

نفسك تنام، وتفضي نفسك نص ساعة مخصوص تقعد معايا نشرب

القهوة، بجد رغم إننا لحد دلوقتي ربنا ما رزقناش بأولاد بس بجد أنت مالي عليا كل حياتي ومعوضني عن الدنيا كلها.

نظر لها حسن وهو مُبتسم بكل أريحية وحب قائلاً:

- يا حبيبي، ولو أنا ما فضضيتش نفسي ليكي يبقى مين يفضي نفسه؟

ده أنتي إللي كُنتي دايمًا بحلم بيها، وإللي طلعت بيها من الدنيا، ربنا يحفظك

ليا، وزى ما إحنا متجمعين في الدنيا يا رب نتجمع بإذن الله في الجنة..

وعشان نتجمع في الجنة يلا بينا على موعد مع الجنة، يلا نصلى ركعتين

قيام الليل إللي إحنا متعودين عليها قبل ما ننام.

ابتسمت له وقالت:

- يلا حبيبي.

قام كلاً منهما ليقفا بجانب بعضهم مُتحرّين القبلة ثم قال حسن:

- الله أكبر

مُعلناً بذلك دخوله في الصلاة ثم ركع وهي تركع معه، ثم سجد وهي تسجد معه، ثم قام من السجدة، ولكن فوجئ بأنه هو فقط مَنْ قام، وهي ما زالت ساجدة!!!

دخل سامح البيت مُهنگاً من العمل طوال اليوم، ثم وجد أميمة تنتظره واستقبلته بابتسامة وترحاب شديد، وكأنه لم يكن أحزنها في شيء، وأسرعت نحوه وأخذته بالحضن قائلة:

- حبيبي وحشتني أوي.. ينفع الغياب ده كله؟

نظر لها سامح بضيق قائلاً:

- يعني أعمل إيه؟ ما إنتي عارفة شغلي، وبعدين إنتي كمان وحشتيني. تغيّرت ملامح وجه أميمة من فظاظلة ردهُ عليها ومن ردهُ الذي لا يوجد أي إحساس به بل هو مُجرد واجب..

وما أصعب أن تشعُر المرأة أنك تعاملها مُجرد واجب، فهذا أصعب قتل

لها

ثم أردفت قائلة:

- الحمام جاهز حبيبي، ادخل خد دُشّ، وأنا بانتظارك.

(٤)

ما أصعب أن تشعُر بالوحدة وسط مَنْ تُحب

فصدق مَنْ قال

أن الحياة مشاركة، وأن الجنة بدون أناس لا تُداس.

وما قيمة مَنْ حولك

إذا كانوا يتجاهلونك دائماً، ولا يُقدِّمون يد العون لك،

أو حتى أبسط قدر من المشاركة البسيطة، ولو بكلمة،

فللكلمة سحر خاص، فيكلمة ممكن أن تُقيم حرياً

وبكلمة مُمكن أن تجعلها سلاماً،

وبكلمة ممكن أن تُميت إنساناً

وبكلمة تُحيي إنساناً.

فهلَّا نظرنا لكلماتنا وتحسَّسناها قبل أن نُسرِع في نُطقها؟

في اليوم التالي وقبل أن يذهب سامح إلى عمله، أخذ أميمة، وتوجّه بها إلى أقرب مُستشفى بقرْبهم، وبعد أن قطعاً تذكرة الدخول وانتظرا بضع دقائق، دخلا سوياً للدكتور ثم جلس كل منْهم أمام الآخر، وتكلم سامح وهو ناظر للدكتور قائلاً:

- كنت عايز أظمن يا دكتور على المدام لأنها كل شوية تشتكي من وجع بقلها.
نظر له الدكتور قائلاً:

- خير إن شاء الله.. ممكن أعرف إيه إيلي بتحبي بيه بالضبط؟
نظرت أميمة للدكتور قائلة:

- فجأة كده يا دكتور بيجيلي نغزة في قلبي، وببقى مش عارفة أخذ نفسي.

- طيب نعمل فحص رسم قلب، ونشوف النتيجة.
وبعد أن انتظر سامح بضعة من الوقت تم عمل رسم القلب،
والفحوصات ونظر كل من سامح وأميمة وهما مترقبين كلام الدكتور ثم نظر لسامح قائلاً:

- الحمد لله اظمن يا أستاذ سامح المدام بخير، ومفيش أي حاجة تقلق.

نظرت أميمة باستغراب قائلة:

- طب وإيلي بحس بيه يا دكتور ده إيه؟

- الفحوصات بتقول إنك سليمة، وقلبك زي الفل لكن إللي بتحيتي بيه ده مُمكن يكون تعب نفسي أكثر أو ضغوط بتفكري بيها، وكل ده بيأثّر ومش كل التعب بيكون سبب عضوي، عادي إن الشخص يحس بتعب عضوي ويلاقى إن عضوه سليم، أهم حاجة تبعدني عن أي أفكار سلبية لأنها بتكون أكثر مليون مرة للأسف من التعب العضوي، التعب العضوي بيتعالج أما التعب النفسي مالهوش علاج حقيقي بالدواء، والدواء ده بيكون مجرد مُسكن، لكن الحل بيكون في الأسباب إللي مؤدية لكده، وخلي بالك يا أستاذ سامح التعب النفسي ما تستهترش بيه لأن عواقبه بتكون صعبة أوي.

نظر سامح للدكتور مبتسمًا قائلاً:

- شكراً يا دكتور علشان طمنتني، وإن شاء الله هي تريح نفسها وتفكيرها إللي تاعمها ده وتكون زي الفل.
وبعد أن خرج سامح وأميمة من غرفة الدكتور تفوّه الدكتور قائلاً للممرضة:

- الناس فاكرة إن التعب النفسي ده شيء هين، ده لو يعرفوا إنه موت للشخص مش هيفكروا يزعلوا أقرب الناس ليهم لحظة واحدة.

خرج كُل من سامح وأميمة من المستشفى، ثم نظر لها سامح قائلاً:

- أديني عملت إلي عليًا وخذتك للدكتور، وطلعتي زي الفل، ومفيش أي حاجة، وقلبك حديد.. بطّلي بقى الأوهام إلي إنتي عايشة فيها دي، وإرحميني وإرحمي نفسك من تفكيرك إلي مودّيني في داهية ده. نظرت أميمة لسامح، وهي تتحسّر على أن الأمر أصبح بالنسبة له إراحة ضمير ليس إلا، وتذكرت أيام ما قبل الزواج أثناء خطوبتهما، وهما يتنزهان، عندما أخذها سامح إلى مدينة ألعاب دريم بارك، وركبا سويًا لعبة الصاروخ، وعندما انتهى من اللعبة، أحسّت أميمة بتعب شديد ودوار، وقالت لسامح:

- مش قادرة يا سامح، حاسة إن روحي بتروح مني من اللعبة المهيّبة دي.

نظر لها سامح نظرة حنين قائلاً:

- بعد الشر عليكي حبيبتي، يا ريتني أنا.. قوليلي مالك آخذك للدكتور حالاً لو تعبانة.

- بعد الشر عليك، أنت حبيبي.. ما تقولش على نفسك كده، ده أنا عمري كله ليك وأفديك بعمري بس أنت تكون بخير.

- وأنا عمري ما أكون بخير لو إنتي حاجة تاعباكي يا أميمة، ده إنتي أغلى حاجة ليا في الدنيا دي، وإذا ما كُنْتش أخاف عليكي من الهوا مين يخاف عليكي غيري؟ واعرني إني طول حياتي هعيش أسعدك وأحقق لك كل إلي تتمنيه، ولا عمري أملّ منك.

عادت أميمة من شرودها وعينها تدمع، كيف لهذا الشخص أن يكون هو الآن من يقف أمامها.

- حبيبتك مش ناسياكي أبدًا، كل سنة وأنتي طيبة يا روح ماما. استغربت أميمة وقالت:
- على إيه يا أمي؟
- وكمان ناسية ومش فاكرة؟ يومك النهاردة ٢٧/١١/٢٠١٧ بقى كده عندك ٣٣ سنة يا خيبة كبرتني والله والأيام جريت.
- ياااااااااااااااااا ده أنا نسيت خالص.
- إللي واخذ عقلك يا حبيبتي بقى هنياله، سامح حب في حب بقى. قالت أميمة في نفسها لأنها تعلم أن البيوت أسرار وهي تعلمت من أمها أن لا تفشي أي شئ بعلاقتها وبيتها للخارج لأن
- عندما تشكو البنات لأهلها وقتها فقط إعلم أن هذه الحياة الزوجية على وشك التدمير.
- اه لو تعرفي حياتي يا أمي وتعرفي إللي مخبياه عليكي إننا وصلنا لطريق سدّ وما بقاش في معنى للحب في حياتنا. ثم عادت أميمة قائلة:
- طب بقى يا أمي يا حبيبتي بما إن النهاردة عيد ميلادي... عدّي أنتي على عمروسارة خديمهم خليمهم عندك النهاردة بقى.
- ماشي يا ست أميمة علشان الجويروق ليكم، عنيا الإثنين.
- تسلم عيونك يا ماما.
- ثم أغلقت أميمة المكالمة وقالت في نفسها:
- "أكيد هيفتكرني، أكيد ما هو لو ما افتكرش يبقى انتهى الأمل خالص."

دخل سامح إلى مكتبه بالشركة، وظل ينظر إلى مكتب صديقه حسن بالغرفة المقابلة له، ولكن لم يجده جالسًا، وتعجّب من غيابه عدة أيام حتى الآن، والأكثر من هذا أنه كلما يرن على هاتفه لا يُجيبه!! وعندما أتى الساعي بالقهوة لسامح سأله قائلاً:

- بقولك يا عم صادق.. ما شوفتش حسن؟
- لا والله يا بني.. ما جاش بقاله كام يوم ومفيش خبر عنه.
تعجب سامح، وأخذ الموبايل، وطلب رقمه على الهاتف... ثم أخذ يرن، ولكن دون رد أيضًا، ثم عاود الإتصال مرات ومرات، وأخذ يرن ولكن أيضًا لا إجابة!!

ثم قال في نفسه:

- أول مرة يا حسن تغيب كام يوم من ساعة ما اشتغلت في الشركة وكمان ما تردش على التليفون، يا رب يكون خير يا رب.
وبينما هو في قمة تركيزه في تصميمه الذي يُصمّمه على جهازه، سمع صوت تليفونه ينّبهه بوصول رسالة أتت، ثم نظر للهاتف وأمسك به، وفتح الرسالة وجدها من أميمة تقول بها:

"مستنياك بدري النهاردة.. ألاقيك موجود قبل ثلاثة" وإيموشن ابتسامة وقلب..

ثم تفوّه قائلاً:

- والله أنتي ما حاسة بحاجة وعايشة في عالم تاني.
ثم كتب رسالة لها يقول فيها:

- والله إنتي عايشة في الترابي خالص، وعلى العموم ربنا يسرّل لما
أخلص شغل هبقى آجي، وغالبًا متأخر.

تلقت أُميمة الرسالة وما أن قرأت تغَيَّر وجهها، من الابتسامة إلى
العبوس وخاب أملها وازدادت سوءًا، وقالت في نفسها:

- بقي النهاردة عيد ميلادي ويردّ عليّ الرد ده!
ده أصلًا مش فاكربي، هو إيه خلاص ما بقاش يحس بيا خالص كده؟!
فين أيام ما كُنت أنا كل إهتماماته؟ دلوقتي ما بقيتش في الحُسبان.

ثم أخذها تفكيرها للماضي، ثم أخذت تبكي، وتبكي بحرقة، ثم أحسّت
بوجع في قلبها، ولكن هذه المرة غير كل مرة.. فكان بزيادة وقسوة شديدة
حتى ظل يزداد ويزداد إلى أن أصبحت غير قادرة على أخذ أنفاسها، ثم
أمسكت بالهاتف وهي تصارع نفسها بشدة، وضغطت على اتصال بسامح،
ثم جاءها رد سامح قائلاً:

- خيري است أُميمة؟ مش رديت عليكي بالرسالة، عايزة إيه تاني؟
بصوت خافت قالت:

- سامح تعالي دلوقتي.. أنا تعبانة بجدي، وقلبي واجعني جدًا.
- مش هتبطلني الدلع ده بقي؟ كل ده علشان أجيلك بدري؟؟ بقولك
عندي شغل وإنتي عمّالة تخترعي تعب علشان أجيلك.

- سامح أنا مش بخترع.. أنا تعبانة وقلبي واجعني، ومش قادرة آخذ نفسي حقيقي.

- إن شاء الله هخلّص وأجيلك بسرعة، يلا سلام علشان مشغول دلوقتي.

ثم أغلق سامح المكالمة، وعيناه جاءت على تاريخ اليوم ٢٧/١١/٢٠١٧
أمسك برأسه قائلاً:

- ده النهاردة عيد ميلاد أميمة.. نهاري مش فايت ومطّين فوق دماغني،
ده أنا خربتھا كده أكثر.. هحاول أنجز وأرّوح بدري.

أخذت أميمة تصارع وجع قلبها، وتبكي وهي تتنفس بصعوبة جداً، ثم حاولت أن تخطو خطوات إلى المكتب بهدوء، وهي تتعكّز على الأشياء التي حولها حتى استطاعت أن تستند على المكتب وأحضرت ورقة وقلم، ثم كتبت:

إلى زوجي العزيز: سامح الحسيني.. أكتب إليك الرسالة الأخيرة....

(٥)

اللحظات الأخيرة تكون قاسية دومًا ولكن الأقسى من ذلك؛
هو جفاء مَنْ نَجَّيْهُمْ لَنَا
المرض لا يُحَطِّمُ الإنسان، ولكن المُحَطِّمُ الحقيقي هو أن لا تجد مَنْ
تَجَّيْهُمْ بجانبك في أكثر وقت تحتاج إليهم.

أنجز سامح عمله بسرعة، ثم دخل على مكتب المهندس عماد السيوطي
رئيس الشركة قائلاً له:

- بعد إذن حضرتك يا باشمهندس عماد محتاج إذن ضروري أمشي
دلوقتي.

نظر له المهندس عماد السيوطي بعبوس قائلاً:

- هيتخصص منك لو مشيت دلوقتي.. كمّل يومك أحسن.
نظر له سامح وزفر هواء ضيق بداخله قائلاً:

- إخصم إللي إنت عايزه، سلام.

خرج سامح مُسرِعاً إلى متجر حلويات مشهور وابتاع منه تورتة وكتب
عليها اسمها وعمرها للإحتفال بها، ثم أخذ سيارته مسرعاً للمنزل وهو في
الإتجاه إلى المنزل أخذ يتصل بأميمة ولكن لا رد!

توتر سامح لأول مرة وقال: "أميمة ما بتردش على التليفون!!".

أخذ يقود بسرعة جنونية وأحسّ بانقباض في قلبه وخفقان، شيء ما
يحدث شعر به سامح في نفسه، وأحسّ أن الدنيا تُظلم أمام عينيه وظل
يقاوم هواجسه إلى أن وصل أسفل العمارة، ثم ركن سيارته على عجلٍ،
أخذ التورتة وخرج من السيارة مُسرِعاً، وهو يركُض ويقفز على السلالم
قفزاً، ثم وقف أمام باب الشقة، وأخرج المفاتيح ثم دخل الشقة قائلاً:

- أميمة حبيبتي.. جيتلك مفاجأة، إنتي فين؟

ثم عاود قائلاً: أميمة أنتي فين !!

أخذ يتلفت لم يجد أي همس، فلا أولاد بالشقة ولا أي شيء يُشعره بالأمان، فذهب إلى عُرفتهم لم يجدها.. ثم إلى غرفة الأولاد لا أحد أيضًا، ثم دخل إلى غرفة المكتب التي يعتبر مكانها في أقصى مكان بالشقة، فهو قد اختارها بعنايه لتصبح غرفة مكتبة بعيدة عن الضوضاء وضجيج أطفاله، ثم ما أن دخل فجأة تسمّر مكانه في ذهول شديد لم يقوَ على القيام بأي شيء!!

جلس سامي في دُكَّانُه من بعد تعب شديد من خدمته للزبائن والبيع والشراء، وتذكر أخاه الصغير سامح الذي تجاهله ولم يسأل عنه كثيرًا بسبب انشغاله بالدُكان، وبسبب زوجته نوال التي أبعدهم كثيرًا عن بعضهما البعض، بسبب طمعها، وتذكر والدُه قبل أن يموت وهو يقول:

- سامي يا بني خلّي بالك من أخوك.. أنتم مالكوش إلا بعض.. إياك تنشغل عنُه، ما تخلّيش زوجتك تفرّق بينكم، أنت عارف إني ما كُنْتش راضي عن الزواج ده، وأنت اكتشفت ده بنفسك بعد الجواز لأنها إنسانة طماعه وما بتفكرش غير في نفسها، وصيتي ليك خلّي بالك من أخوك لأن يا بني الزوجة تتعوّض إنما الأخ ما يتعوّضش. ولو بكنوز الدنيا لأنكم دم واحد خليك فاكر الكلام ده كويس.

دمعت عين سامي وأخذ يبكي على تقصيره في حق أخيه الصغير، وتذكر أنّه هو من استأمنه في زمن لا يأمن أحد حتى على نفسه عندما قال له
سامح:

- يا سامي أنا من بعد أبويا مش عايز حاجة، وبالنسبة للدُكان أنت عارف أنا ماليش في التجارة، دبره أنت ويا سيدي تبقى تديني نسبة سنويًا من الأرباح وحلال عليك أنا والله ما يفرقش معايا الكلام ده.

- يا سامح ده حقك، ولازم تكون على علم بكل حاجة وأنا هبقى أبعثلك التقارير كلها كل شهر، تعرف إيه الداخِل والخارج.

- يا سامي أنت أخويا، وأنا مستأمنك، ومش هدقق في حاجة، عيب تقول كده.. إحنا هنخون بعض؟ ده أنا استأمنك على حياتي كلها وبيتي.. أنت دمي يا سامي، وأنا قولتلك أنا ما يهمنيش كل ده.. أهم حاجة الحب والود هو إلهي يفضل ما بينا.. مش نتكلم في فلوس وكلام فاضي، وإيه لازمة الفلوس لو النفوس شايلة من بعضها؟ ثم إن الحب والود والأمانة أهم من مليون حسابات وأرقام.

عاد سامي من شروده وما زالت عيناه تبيكي ثم شعر بشعور غريب يراوده.. شعور بالفقد تعجب من هذا الشعور ووجد نفسه يقرر أن يقوم بزيارة أخيه بنهاية هذا الأسبوع.

ذهب سامح إلى غرفتهم فلم يجد أميمة، ثم إلى غرفة الأولاد لم يجد أحد أيضًا، وما أن دخل غرفة المكتب تسمّر مكانه في ذهول شديد لم يقوَ على القيام بأي شيء!

أخذ ينظر وهو مُحَدِّق العينين ليرى أميمة مُلقاة على الأرض لا تُحرِّك ساكنًا وبيديها قلم وورقة ساقطة بجانبها، ووجد نفسه يتصبَّب عرقًا وينظر في ذهول شديد، وأحسَّ بخفقان قلب وضربات شديدة السرعة تنتابه، ثم

أخذ يقترب منها في توجُّس وخيفة من المجهول إلى أن لمس جسدها وأخذ يُحرِّكها بيديه لتفيق، ولكن لا حراك.. لا إستجابة... نظر إلى الورقة الملقاة على الأرض بجانبها، وأخذها ليقراً ما المكتوب بها...

إلى زوجي العزيز: سامح الحسيني

أكتب إليك الرسالة الاخيرة وأنا على مشارف اللحظات الأخيرة حابه أقولك إني كثير كلمتك، وأنت ما حسّنتيش.. بل كانت معاملتك للأسوأ دايماً، وأنا كان كل همّي إني أحسّ معاك بالإهتمام.. وإني أهم من أي حاجة عندك،

لو تفتكر في أيام خطوبتنا الأولى، وأول الزواج إحنا كُنا على قدنا أوي وكانت خروجتنا على الكورنيز مُجرد تمشية، وكنت بتجيبي سميطة بدقّة والله أنا كُنت أسعد واحدة في الدنيا، وللعلم الفلوس مش كل حاجة يا سامح علشان تبقى عارف.. وأديك هتشبع بيها مع نفسك؛ مع إنك في يوم مكش بيهمك الماديات، ومعرفش ليه اتحوّلت فجأة واتغيرت..

إعرف يا سامح إن

الواحدة مننا بتحب إن حبيبها يكون دايماً مشاركها في كل حاجة.. يكون حنين عليها مش يقسى عليها، يقعد معاها ولو دقائق، بس يكون جسمه وعقله وقلبه معاها، مش مشغول بحاجات تانية..

وعلى فكرة أنا لما كنت بقولك تعبانة أنا ما كنتش بمثل ولا حاجة، ولا أنا من النوع إللي يستعطف حد بالتعب لأن ده أسلوب رخيص وأنا عمري ما كنت كده.

أنا بس كُنت ببقى محتاجك جمبي تحبّسني بوجودك، والدكتور قالك
إن مش لازم يكون التعب عضوي، وإن التعب النفسي أصعب وأكبر من
التعب العضوي، يا ريتك كنت فهمت الكلام ده...
أنت بسم الله ما شاء الله نفسيتي معاك في الأيام الأخيرة ربنا إلهي يعلم
بمها..

أنا اليوم سايباك للأهم مني يمكن تستريح كده وضميرك يرتاح، وعلشان
ما تتعيش نفسك وتطلب تشريح الجثة سبب موتي يا سامح؛
هو إهمالك ليّا.. احفظها كويس جدّا وعارفة إنك هتحبّي أكثر وهتندم
كثير ولكن بعد إيه للأسف؛

إحنا دايمًا ما بنفوقش إلا لما الشيء إلهي بنحبّه يضيع مِنّا.. سواء حب
أو شخص أو روحنا إلهي بنعيش بمها، ما بنفوقش لها إلا لما تروح مِنّا..
وأتمنى إنك ما تهملش أولادنا.. علشان هما كمان ما يموتوش، وإن
أهملتهم فأنا إلهي هتوتّى أمرهم يا سامح، إوعى تفكر إن إلهي بيموت
بينقطع عن كل حاجة.. لاء ده بيكون معاك في كل وقت، وعارف أخبارك
وآخر حاجة حابة أقولها لك إني كُنت

ليه دايمًا ما بنفوقش

إلا لما الحاجة تروح مِنِّنا

ليه دايمًا ما بنحسش بآلام بعضنا

كلنا رايعين وسايينها

بس الحاجة إلي ما حسبناش

إننا ممكن يروح مِنِّنا

إلي حياتنا عشائُه بتتعاش

كلنا رايعين وسايينها

بس الحاجة إلي ما حسبناش

إننا ممكن يروح مِنِّنا

إلي حياتنا عشائُه بتتعاش

طب وليه بقى

نكون سبب في حزن لحد بجد بيحبنا

وفجأة يروح مِنّا
ونبكي طول عمرنا
إننا قصّرنا في حقه
وهو ما قصّرش، وهو ما قصّرش
ياللي بتحبوا بعضكم
قربوا وما تبعدوش
دي الدنيا أيام ولحظات
أرجوكم ما تفترقوش
مفيش حاجة تستاهل
ده الحب هو الحياة
وايه يعوض الحب
غير قلوب بينا تحس

(٦)

قوة الإهتمام تُحطِّم المستحيل وتجعله مُمكنًا فقط عندما
نُصدِّق أنه لا مستحيل مع يقيننا بالله سبحانه وتعالى.

أخذ الدكتور يقرأ نتائج التحاليل، ثم تغيّرت ملامحه للحزن، ونظر لإيمان سائلاً وهي تجلس مُقابل حسن زوجها قائلاً:

- إنتي كان بيجيلك تعب قبل كده؟ أي أعراض غريبة؟
- اه كنت بحس بصداع شديد أوي، وكنت بقول عادي يعني.
التفت الدكتور إليهما وهما يجلسان أمامه في انتظار معرفة التشخيص،
وبنبرات هادئة متقطعة أردف قائلاً:

- أستاذة إيمان إنتي أكيد مؤمنة، وعندك يقين بالله
- ونعم بالله يا دكتور
نظر إليه حسن قائلاً:

- خير يا دكتور؟ في إيه في التحاليل؟
- للأسف الحالة متأخرة جداً يا أستاذة إيمان.. إنتي عندك المرض
الخبِيث (سرطان بالدماع).
نظر حسن لإيمان وعيونه تملأها الدموع. ودمعت عين إيمان، ثم أخذت
أنفاسها بقوة، ونظرت للأعلى قائلة:

- الحمد لله على كل حال، وربنا قادر على كل شيء لأنه هو القائل
بسم الله الرحمن الرحيم

(وَإِنْ يَمْسَسْكَ اللَّهُ بِضُرٍّ فَلَا كَاشِفَ لَهُ إِلَّا هُوَ وَإِنْ يُرِدْكَ بِخَيْرٍ فَلَا رَادَّ
لِفَضْلِهِ ۗ يُصِيبُ بِهِ مَنْ يَشَاءُ مِنْ عِبَادِهِ ۗ وَهُوَ الْغَفُورُ الرَّحِيمُ) (يونس ١٠٧)

وأنا ما بيأسش لأن ربنا قال ما بيأسش إلا الكافر.. وأنا الحمد لله
مؤمنة وراضية بقضاءه وقدره

ومش مرض هو إلي همدني أو ياخذني من إلي بحيم، بالعكس أنا
أقوى من أي مرض.. أنا أدوسه تحت رجلي، شوف يا دكتور اللازم إيه
ونعمله ونبدأ رحلة العلاج..

نظر الدكتور إليهما قائلاً:

- في أكثر من برنامج للعلاج والإختيار ليكي، ممكن نمشي على نظام
غذائي.. وحقنة يوم بعد يوم وأقراص يومية. وممكن العلاج بالكيماوي وده
الأفضل لأنه أسرع في العلاج.
نظرت إيمان للدكتور قائلة:

- أنا همشي على النظام الغذائي، والأقراص والحقنة، ومش هاخذ
كيماوي.. وإن شاء الله هيكون خير..

- ما دام ده هيرحك يبقى مفيش مشاكل إن شاء الله، مطلوب منك
تاكلي فواكه على قد ما تقدر عنب مثلاً.. وأهم حاجة الموز لأنه يحتوي
على الألفا كاروتين، البيتا كاروتين، الميلاتونين واللكتين، وكلها مركبات
تتضامن مع بعضها لمحاربة السرطان، والخس.. لأنه مصدر ليفيتامين c،
حمض الفوليك، البوتاسيوم وزودي من الأكل النباتي زي البروكلي،
والطماطم، والثوم، والعصائر، وإن شاء الله أشوفك بكرة في المستشفى
نبدأ كورس العلاج.

قامت إيمان، وسبقت بخطوات للخارج ثم قام حسن والتفت للدكتور
قائلاً:

- دكتور في أمل إنها تخف؟
- الأمل في ربنا يا أستاذ حسن.. بس خلّي بالك إن أهم حاجة: الاهتمام الكامل بيها لأن ده أساس لعلاج أيّ مرض، وده بنعتبره من ضمن خطة العلاج..

خرج حسن وإيمان سوياً من المشفى بعد عناء أسبوع من التحاليل والفحوصات وبعد أن تعافت من الإغماء الذي حدث لها في الصلاة، ونظر كل منهما لبعضهما البعض ثم قالت:

- عايزة أمشي على الكورنيش يا حسن
 - أنا عنيتاً ليكي يا إيمان.. اطلبي أي حاجة هتكون مُجابهة.
- نظرت له إيمان نظرة حزينة وفي عينها دموع حبيسة، ثم أوقف حسن تاكسي وركبا في المقعد الخلفي بجانب بعضهما البعض، وكل منهما يلتزم الصمت حتى وصلا إلى كورنيش قصر النيل، وترجلاً من التاكسي، ليسيرا لمنتصف الكوبري، ووقفنا ينظران للنيل، ثم التفتت إيمان ناظرة لحسن وقالت:

- ما تبقاش تكلمني بصيغة الواحدة إللي في آخر أيامها، مفيش حاجة تبعدني عنك حتى لو الموت يا حسن، ومش مرض هو إللي هيّموتتي وأنا لسه بتنفس.
- نظر لها حسن وهو يبكي قائلاً:

- ما تقوليش كده يا إيمان.. إنتي عارفة إن من قبل أي حاجة وأنا بعمل إلي إنتي تطلبيه، وأنا جمبك ولو حد مننا هيموت يبقى هنموت مع بعض.

اقتربت إيمان من حسن، ثم فتح حسن ذراعيه وأخذها بين أحضانها، ومسح دموع عينها قائلاً:

- إنتي هتكوني أحسن من الأول، ومن دلوقتي أنا مش هفارقك لحظة واحدة

- وشغلك هتعمل فيه إيه؟

- هسيبُه يا إيمان.. مفيش حاجة هتشغلي عنك من دلوقتي، وأنا

الحمد لله مُصمِّم جرافيك.. الكل بيتمنى أعمل شغل ليه هشتغل حر بالطلب، واللاب توب موجود في البيت وكل حاجة متوفرة، والعُملاء كمان موجودين، ما تشغيلش بالك إنتي غير بحاجة واحدة.

- وإيه هي بقى؟

- إنك تكوني سعيدة ويس.. وتعافري بكل قوتك علشان تنتصري على المرض اللعين ده.

نظرت له بامتنان وتودَّد قائلة:

- أنا معاك عرفت معنى السعادة بجد، ويقيني بالله أنا هنتصر على

المرض ده.

وصل حسن في الصباح الباكر إلى مقر الشركة ودخل أولاً إلى مكتب حسن صديقَه ولم يجده، فقال في نفسه:

- مفيش مرة يبجي بدري كده..
ثم بعدها دخل مكتبه ليُلمِمَ أشياءه، ولكنه شَعَر بشيء غريب بالشركة؛
موظفو الشركة ينظرون إليه نظرة أسي! ثم أخذ يفكر ويقول في نفسه:

- يا ترى حد عرف حاجة عن زوجتي وإللي حصلها؟
ثم أجاب نفسه قائلاً:

- أكيد لاء.. وهيعرفوا منين أصلاً؟؟؟
وبعدها قال يدخل مرة أخرى لمكتب سامح لعلّه يكون أتى، ثم دخل مرة
أخرى ولم يجده، وبعدها نظر إلى محسن الذي يجلس بجانب مكتبه سائلاً
إياه:

- سامح فين؟ مجاش ليه لغاية دلوقتي؟
لم يُجبه وظل صامتاً وهو ينظر إليه، ثم نظر له حسن مرة أخرى قائلاً:
- بقولك سامح فين؟

أجابُه بعد طول صمت قائلاً:

- ادخل للباشمهندس عماد أحسن وهو يقولك.
تغيّر وجه حسن وكلم نفسه قائلاً:
- يا ترى عمل إيه الزفت ده؟؟ معقول يكون طرده علشان تأخيره؟

- مستحيل، شكلي كده هعمل جناية قبل ما أمشي من الشركة دي.
وقف حسن أمام مكتب المهندس عماد السيوطي مدير الشركة وطرق
على الباب، وبعد لحظات ثم سمع مَن يقول:

- إتفضل

دخل حسن وأمامه كان يجلس المهندس عماد على المكتب وهو يُدخّن
مثل العادة، وقبل أن ينطق حسن بكلمة بدأ المهندس عماد بكلامه قائلاً:

- كنت فين؟ بقالك أسبوع مختفي.. أنا قولت إنك مُتّ أنت كمان، ما
هي صداقة نحس كلها.
نظر حسن بإستغراب له قائلاً:

- أنت بتقول إيه أنت؟ مش فاهمك! وبعدين أنا كان عندي ظروف
صعبة، وأنا إلي عايز أسألك فين سامح؟ مش موجود على مكتبه ليه؟ أنا
سألتهم قالولي أسألك أنت.

- وهو أنت ما تعرفش!!

- معرفش إيه!!

- صاحبك رَجَّ واستريح من الدنيا دي، ويجد الواحد ارتاح، كان
بيتأخر.. ومتعجرف كده.. وقرف والحمدلله الشركة خلصت منه، والدنيا
كلها كمان.

- أنت بتقول إيه أنت؟ ما تبطل كلامك ده، وتقول فصلته ولا عملت
إيه؟؟

نظر له وهو يبستم بسخرية قائلاً:

- هو إلهي فصل نفسه من الحياة.. صاحبك يقولوا مات منتحر بعد ما ماتت مراته.

تلقى حسن الكلمات، وكأنها صاعقة من السماء، ونزل على الأرض ممسكاً برأسه قائلاً:

- يا الله! يا الله رحمتك ولطفك بيّاً، مش معقول.. مستحيل.
نظر له المهندس عماد السيوطي قائلاً:

- اجمد كده أمّال.. ما ينفعش ده إحنا كمان كرمناه آخر كرم، ودفنناه تبع مدافن الشركة.. ما كانوا عندهم مقابر فاضية.. شكل عيلتهم دي بيموت منهم كثير، ده حتى جه على الشركة بخسارة، حتى في موته.
قام حسن متمالغاً نفسه من هول الصدمة، وتدير حول المكتب، وقيل أن يرتد طرف محمد مديره أمسك برقبته بشده قائلاً:

- يا أوسخ خلق الله.. لا سايب حي ولا سايب ميت.. لولا إني عندي واحدة خايف عليها أقسم بالله كُنت موّتك وخلّصت البشرية منك، وإعمل حسابك قبل ما تقول إني مفصول، أنا إلهي بقديم إستقالي، كلمة تاني هتكلّمها عن صاحبي هقتلك.
وأخذ يشدّ برقبته أكثر قائلاً:

- هقتلك.. هقتلك.

ثم ترك رقبته قبل أن يختنق، واستدار خارجاً، تاركاً كل شيء خلف ظهره.

ظل المهندس عماد يسعل وهو يقول:

- والله لأحاسبك.. ومفيش مستحقات ليك يا بلامة، بلا قرف عليكم.
خرج حسن غير عابئ بأي شيء، والجميع بالشركة قد سمعوا ما دار بين
حسن والمدير، ثم قالوا:

- حسبنا الله ونعم الوكيل في ده إنسان ظالم، يا رب ورينا فيه يوم
أسود على إلهي بيعملهُ فينا، مفيش أي خِشَى ولا خوف عنده من ربنا!!
سار حسن في عرض الطريق وهو يبكي، ويكلم نفسه قائلاً:

- بقى إيمان يجيلها مرض خبيث، وزوجة صديقي تموت، وصديقي إلهي
كان أقرب الناس ليا يقولوا انتحروا! مستحيل.. في حاجة غلط.. سامح ما
ماتش.. مستحيل يكون مات.. ده رفيقي.
ثم أخذته الذكريات، وتذكّر مشاهد تجمعه بين صديقه..

- عارف يا حسن أنا أميمة عندي بالدنيا كلها.. اه والله، يمكن بنشغل
عنها، بس عشان أعيشها هي وسارة وعمر أجمل عيشة.
- أكيد هي مقدرة مشاغلك وإنك بتعمل كده علشانهم، بس أنت اتكلم
معاها وفهمها كل ده.

- مش عارف ليه ما ببقاش عارف أتكلم معاها زيك كده، بحب إنها
تكون فاهماني من قبل ما أتكلم، يا حسن أنا بحكيك وبفضفض معاك
بحرية على إلهي بيضايقني، حقيقي بحسّ معاها إني أخرس مش عارف ليه!!
- ليه يا سامح؟

- يمكن لأن زي ما بيقولوا كلام الرجل متنا في إلهي بيضايقه بيكون
ضعف، وأنا ما اتعودتّش أبان ضعيف، ويوم ما أحس إني ضعيف هموت.

- بعد الشر عليك يا سموحة.. ما تقولش كده.
 - ولا شرولا حاجة.. بس أمانة عليك يا حسن لو مُتَّ خَلِّي بالك من أميمة والأولاد لأن أخويا سامي مشغول، والله يعينُه على إللي هو فيه، من بعد ما أبويا مات وهو إللي ماسك التجارة كلها، ولأن أنت عارفني ماليش فيها يا صديقي.
 - بس بقى يا عم.. هي ناقصة نكد ولا إيه، ما تقلقش.. موت أنت بس وأنا هعمل اللازم ههههههه.
 - يوم ما أموت يا حسن هتجسّ بقبضة في قلبك، ولو ما حسيتش يبقى لسه عايش.
- نظرله حسن متعجِّبًا وقال له:

- لاء بجد ده إيه بقى؟ ده عالم الخيال ولا إيه؟
 - لاء يا حسن.. قلوب المحبين بصدق بيحسُّوا بكل حاجة بتحصل للي بيحبوهم وبكرة تشوف، وبكرة تشوف.
- ظَلَّت الجُملة يرن صداها في أذن حسن حتى عاد من شروده وذكرياته مع حسن قائلاً:

- بس أنا ما حسيتش بقبضة يا سامح، أنا ما حسيتش بقبضة في قلبي زي ما قولتلي، يا إما أنت كنت بتخرّف يا إما أنت لسه عايش!!
- أنا لازم أعرف إيه إللي حصل بالضبط؟
- أسرع حسن لإيقاف تاكسي من مكرم عبيد حيث مقر الشركة ووقف له سائق التاكسي ثم قال له حسن:

- شبرا يا أسطى؟

- فین بالظبط فی شبرا؟

- ١٨ شارع اللواء فطين.. عند مسجد أحمد حسنين، متفرع من شارع شبرا الرئيسي.
- تمام.

جلس حسن بسيارة التاكسي وهو لا يفكر في أي شئ سوى الوصول للحقيقة، وبعد مدة وصل إلى المكان حيث منزل سامح الحسيني، ترجل من التاكسي ونظر للمنزل ووجد الكراسي مرصوبة على مدخل البيت وورقة مُعلّقة مكتوب بها (توفي إلى رحمة الله تعالى الأستاذ سامح الحسيني، وحرمه الأستاذة أميمة أحمد).

يوم ٢٧ \ ١١ \ ٢٠١٧ وسمع صوت قرآن قادم من دار المناسبات المقابل لمنزلهم والذي يقع بجانب المسجد للقارئ عبد الباسط عبد الصمد وهو يتلو آيات قرآنية تقول:

بسم الله الرحمن الرحيم

(يَا أَيُّهَا النَّاسُ إِنَّ وَعْدَ اللَّهِ حَقٌّ فَلَا تَغُرَّنَّكُمُ الْحَيَاةُ الدُّنْيَا وَلَا يَغُرَّنَّكُم بِاللَّهِ الْغُرُورُ).

(فاطر آية ٥)

وقف حسن في ذهول وهو يبكي، ثم دخل على العزاء ورأى سامي أخو سامح يأخذ العزاء، وابنه محمد يقف بجانبه، دخل حسن معانقاً له ويبكي بشدة بين ذراعيه قائلاً:

- امتى حصل وإزاي يا سامي؟ قوللي الحقيقة.. قوللي إن سامح عايش.
أخذ يتتهد سامي ويلملم شتات نفسه قائلاً:
- أنا مش مصدق لغاية دلوقتي إن أخويا مات يا حسن، أنا حاسس
إني في كابوس، أنا قصرت معاه جامد أوي.
- إحكي لي يا سامي.. واعذروني لأنني كنت في موال ثاني ربنا العالم بيه،
ولسه عارف دلوقتي من مدير الزفت إللي في شركتنا.
نظر سامي لحسن في ضيق قائلاً:
- حسبنا الله ونعم الوكيل في دي شخصية، وعلى إللي عملهُ معانا،
حقيقي هو في شخصيات باللبشاعة والسوء ده يا حسن!
- للأسف موجودين حوالينا في كل مكان. ربنا يهدي.
- ده ما يعرفش حُرمة ميّت خالص، إللي حصل إني لقيت مكالمة من
بواب العمارة بيقوللي تعالى بسرعة سمعنا صرخة من بيت أخوك،
ومحدش بيفتح لينا، رocht أجري وسبت كل حاجة فضلنا نخبُط جامد
مفيش حد فتح.. كسرنا الباب، ودخلنا مش لاقين حد، لحد ما دخلنا
غرفة المكتب ولقينا أميمة واقعة على الأرض وسامح واقع عليها، ولقينا
ورقة مكتوب فيها رسالة من أميمة لسامح كاتبة كلام عتاب فيها، وإنها
ماتت بسبب إهماله ليها، وإنها اليوم كان يوم ميلادها وهو حتى ما عبَّرهاش،
وواضح إنه نسي وبعد ما افتكر راح على البيت بس راح متأخر أوي، وقرأ
الورقة من الصدمة مات ووقع جمبها.
نظر حسن لسامي وهو يبكي قائلاً:

- حسبنا الله ونعم الوكيل في الناس إلهي بيطلّعوا إشاعات ويقولوا إنه مات مُنتحر، وهو مات من زعلُه عليها والصدمة... اه يا سامح! كثير حذرتك واطكلمت معاك، فضلت تقولي أنا بعمل كل ده علشانهم، وإنها أكيد فاهمة.. أدي آخرة سكوتك وعدم كلامك معاها مَوْتَكوا إنتم الإثنين، مستحيل تكون ميت، أنا مش مصدق، ولا هصدق إنك مُتّ ومش هشوفك تاني.

شعور الفقد مؤلم لأبعد مدى، شعور الموت مميت، ويكون مؤلماً أكثر عندما يجتمع الفقد مع الشعور بالذنب أنك السبب في موت هذه الروح...

انتهى العزاء، وترك حسن المكان ذاهباً للبيت للإبتلاء الآخر، ثم قال في نفسه:

- يا رب قدرني على إني أعرف أخفي كل إلهي حاصل ده على إيمان، مستحيل أعرفها، ومستحيل إنها تحسن، مرضها ما يستحملش إنها تعرف حاجة زي كده لأنه ممكن يَأْتُر على نفسها.

(٧)

ما أصعب أن تتظاهر بالقوة والسعادة، بل والأكثر أن تجعل مَنْ أمامك
يضحك وأنت بداخلك آهات وأحزان لا يطفئها عُمْرٌ بأكمله.

سار حسن في طريقه للمنزل وابتاع باقعة ورد أنيق من محل يقع بجوار منزلهم، كانت الباقعة عبارة عن مجموعة ورود باللون التركواز وورود باللون الـروز.. الأبيض.. البنفسجي، ويحيط الباقعة شريط ستان باللون الأحمر.. وأثناء عودته بالطريق للمنزل وجد سيدة مُسنَّة فقيرة تجلس بالشارع على الرصيف ومعها طفلة وتقرأ القرآن، ثم تذكر أن الصدقة تكون سبب للشفاء لو أخرجها بنية الشفاء لزوجته، أخرج من جيبه نقود وهو لا يعلم ما المبلغ الذي خرج من جيبه، ولكنه أصر أن يُخرج ما بجيبه، دون علم حتى تكون النية خالصة لله، وبدون أن يعلم الشيطان كم أنفق ولا هو ذات نفسه، وأعطاهما للسيدة، وظلت تدعي له وقال لها:

- ربنا يباركلك ويرزقك كل إلهي طالبُه إنك تدعي لزوجتي بالشفاء، وأنا على يقين أن ربنا إن شاء الله هيتقبل منك.
نظرت له السيدة المُسنه قائلة:

- ربنا يشفيمالك يا بني وخذ كلامي ده وإعتبره من واحده في مقام والدتك ست كبيرة:
أهم حاجة إنك تعرفه في الرخاء والشدة مش وقت الشدة بس، صدقني هو كريم أوي أوي والله.

- عندك حق يا حاجَّة.
نظرت له السيدة قائلة:

- تعرف أنا عمري ما طلبت حاجة من حد.. زي ما شوفتني أنا بقعد أقرأ قرآن، ولو كان ليا مكان أنا ما كنتش قعدت في الشارع كده، بس

الحمد لله ربنا يبرز قني من غير ما أقول لحد إديني، لأنني بطلب منه هو مش من حد تاني، وبحمده على كل حال.. وساعات بتيجي أيام ما ندوقش فيها لقمة واحدة وبنقول الحمد لله أنا والطفلة دي إلي سابتها لي بنتي بعد حادثتها هي وزوجها الله يرحمهم.

- لا حول ولا قوة إلا بالله.. الإتنين ماتوا في حادثة مع بعض!
- وإلي مش هتصدقه إن البنت دي كانت معاهم وكانت بترضع من أمها والعربية اتقلبت كذا مرة وأمها كانت ماسكاها جامد ومحاوطة عليها بإيديها في حضنها وهي بترضع، وكمان الأكثر إن البنت دي فضلت ترضع من بعد موت أمها ٤ ساعات وما حصلهاش أي مكروه.

- إنتي بتحكي قصة معجزة.
- دي الحقيقة يا ابني صدقتها أو ما صدقتهاش هي حصلت وهي فعلاً معجزة.. لكن؛

لازم تعرف إن لوربنا كاتب حاجة والله لو إيه حصل مش هيحصل غيره، مش هيحصل غير مشيئته هو وبس، ف اطمئن أوي، وعشان كده بقولك ربنا كريم وعالم بينا.

أكمل حسن طريقه، وظلّ يفكر في هذا الكلام الذي يعتبره أكبر رسالة جاءت له من ربنا لتُدركه أن الله قادر على كل شيء، فهو حقاً الذي لا يُعجزه شيئاً في السموات ولا في الأرض، وكيف يُعجزه شيئاً وهو خالق كل شئ من العدم، وحقاً أستغرب ممن يدعون إنكار الإله ويكفرون بكل الأديان ويلحدون.. كيف وكل شيء حولهم؟! لو فكروا به جيداً وتدبروا سيصلوا لحقيقة واحدة: أن لكل شيء صانع ولا بُد لمن رفع السماوات بلا عمد أن يكون إله خالق وليس مخلوق، يا ليتهم يتدبرون، وأليس الله

سبحانه وتعالى تحدى مَنْ لا يؤمنون بشيء قائلاً لهم اخلقوا شيء إن كنتم تعلمون، حتى لو ذُباباً، ولكنهم لم يقدرُوا على التحدي ولم يخلقوا شيئاً ولن يخلقوا، فكان الله دائماً يبعث رُسل لكل قوم فيما يبرعون به ليتحداهم ويقول لهم اؤمنوا ولكن يؤمن مَنْ يؤمن ويأبى مَنْ يأبى، وللعلم: الله لا يُحاسب إلا من جاءته البينة، فحاشى لله أن يكون ظالم، وحقاً أستغرب؛

كيف لمن لا يؤمن بشيء أن يشعُر بالأمان، والحقيقة التي نجدُها أن مُعظم مَنْ عاش مُنكراً لآيات الله في الأرض، مُنكراً للخالق، يموت مُنتحراً، أليس هذا أكبر دليل؟ يا ليتهم يراجعون أنفسهم قبل أن يأتي يوم لا مراجعة فيه....

وصل حسن إلى منزله ثم صعد ليقف أمام الشقة، ثم رنَّ الجرس وخبياً الباقة خلف ظهره، وبعد لحظات فتحت إيمان مبتسمة له بعد طول انتظاره طوال اليوم، ثم قال لها بعد أن دخل البيت:

- قلبي والله إلهي وحشتني جداً فوق ما تتصور.
- يا بكاش! بقى سايبني طول اليوم؟ وقولت هكون معاكي كل لحظة، شكلك كده رجعت عن قرار الإستقالة، وقعدت تشتغل.
- لا يا حبيبتي من النهاردة أنا ملكك وبس، أنا كُنت بخلّص إجراءات الإستقالة.

نظرت له مبتسمة وهي تُغمض عين وتفتح عينها الأخرى رافعة حواجبها قائلة:

- امممم ومخى إيه بقى ورا ظهرك؟؟ خير.
- ولا حاجة يا ستي.. كل الحكاية إني بموت فيكي أوي.. ودي حاجة بسيطة تعبر عن حُبي ليكي.
- ثم أعطى لها باقة الورد.
- نظرت إيمان لحسن ولباقة الورد، ثم رفعت حاجبيها الاثنان مندهشة وارتمت بين أحضانه قائلة:
- أنت أحسن إنسان في الدنيا دي كلها.
- ثم أخذته بالحضن، وقالت له:
- أنت أبويا وأخويا وحببيي وكل حاجة ليا، ربنا ما يحرمني منك .
- ولا منك يا حبيبة قلبي، وعشان الكلمتين الحلوين دول أنا هعمل لك أكلة ما حصلتش.
- إيه هتعمل إيه؟ قولي
- مَالِكِيش دعوة بقى، فين مريلة المطبخ والجواني؟
- في درج المطبخ هيكونوا فين يعني؟ يلاً وريتي نفسك بقى، وأنت لابسهم .
- دخل حسن المطبخ، بعدما قام بغير ملابسُه وارتدى جلباب أبيض، وارتدى على الجلباب مريلة المطبخ ذات اللون الأصفر التي بها صورة البط دونالد دك، ثم ربط على رأسه منديل أسود لعدم سقوط شَعْرُه في الأكل بسبب شَعْرُه الناعم المُنسدل الطويل، وبدأ يُسخن الزيت ليقلّي دجاج بخلطة سرية تشبه كنتاكي، ثم دخلت عليه إيمان وهو يضع الدجاج بالزيت ويلسَعُه الزيت الساخن، ويقفز قائلاً

يا ليت الجميع يُدرك أن يستمتع بكل لحظة لأن اللحظات التي تذهب لا
تعود أبدًا

وما أجمل أن تعيش لحظات حياتك مع مَنْ تحب، وأن تهوِّنها عليه حتى
وأنت تعتصر ألمًا.. فهذا شعور لا يُضاهيه شعور آخر.

(٨)

تطاردنا هواجس أفكارنا لتُعلن عن تقصيرنا، فتجعلنا في مواجهة
ضمائرنا، فنحاول الهروب من الواقع، فنقع تحت عتبات الجنون، فُيخَيَّل
لنا أنهم يحومون حولنا، وما هم إلا نتاج أفكارنا.

سمع صوت ينادي عليه قائلاً:

- يا سامي.. يا سامي..

تلقت سامى يمينًا ويسارًا ليبحث عمّن ينادي عليه فلم يجد أحدًا.

ثم سمع صوتًا يقول له:

- ليه يا سامى عملت كده؟

التفت مرة أخرى قائلاً:

- هو إيه إلهي ليه عملت كده؟! مين بيتكلم؟ مين؟ مين؟

التفت بجنون ليبحث عن مصدر الصوت، فجاءه صوت من خلفه

يقول:

- مهما بصيت حواليك مش هتشوفني، لأنى أنا جواك إنت.

- أنت مين!!

- أنا إلهي قصرت في حقّه، أنا إلهي شغلتك دنيتك عني، ونسيت إننا دم

واحد.

- سامح!! سامح أنا... أنا..

- أنت إيه؟ سبتني لوحدي وأنا لسه جواك.

- أنا ما سبتكش يا سامح.

- لسه فُدامك فرصة يا سامي، لسه فُدامك فرصة واحدة.. يا تلحقها

يا تضيع منك، بس وقتها هيكون العذاب أشد.

- سامح.. سامح أنت فين؟ رد عليا.. سامح!!

ثم قام سامي فزعًا قائلاً:

- أعوذ بالله من الشيطان الرجيم.
نظرت له نوال زوجته متعجبة قائلة:

- أنت بتكلم مين يا راجل أنت وأنت نايم؟
- سامح بيقول لسه في فرصة أعوّضه عن تقصيري معاه.
- أنت اتجننت يا سامي ولا إيه؟ سامح مين إيلي بيقولك؟ سامح الله
يرحمه مات وشيع موت داخل في شهرين، وتقولي بيكلمك أنت مجنون،
فوق يا سامي... فوق يا حبيبي مش ناقصة هبل، وسيبك من جو العفاريت
دول ولاد الأبالسة..
جاء صوت من الخلف يقول:

- اسكتي إنتي بدل ما ولاد الأبالسة يخلوكي تعملها على روحك.
انتفضت نوال، وقفزت ممسكة بسامي:

- حابس حابس أشتاتًا اشتوت، عفاريت أخوك طلوعوا عليّ، والله ما
أقعد يوم واحد معاك يا راجل، يا خرابي يا خرابي.
نظر لها سامي متعجبًا قائلاً:

- إنتي بتقولي إيه؟ أنا ما سمعتش حاجة.. إنتي اتجننتي ولا إيه؟
- هو إيه إيلي اتجننت يا راجل يا خرفان؟! البيت اتسكن خلاص، أنا
ماشية وسايالك مع ولاد المعفرتة دول.
وما أن قالت جملتها، ثم أحسّت بشيء يدفعها من على السرير لأعلى..
تجهّم وجهها وأحسّت ببلل يعترها من الأسفل ثم ظلّت تتلعثم بالكلام،
وتحاول أن تلفت نظر زوجها إليها قائلة:

- بي بيبيبي، إلحقني يا سامي هاتلي شيخ بسرعة أنا اتلبست.

أتى سامي بشيخ لزوجته يُقال بأن لديه خبرة بأمور إخراج الجان..
ثم دخل الشيخ حمزة بداخل المنزل، وأول ما دخل أظهر إحساسه
بوجود شيء غريب وقال:

- أعوذ بالله من الشيطان الرجيم .

لاحظ سامي ما فعله الشيخ من رد فعل.

ثم اتجها سويًا للغرفة التي تجلس بها نوال وبعانها ابنه محمد الذي لم
يتركهم ليذهب لجامعته بعدما عرف أن أمه مريضة، وأمها التي جاءت
مسرعة بعدما عرفت ما حل بابنتها.

دخل الشيخ قائلاً:

- السلام عليكم

ردت أم نوال قائلة:

- وعليكم السلام ورحمه الله وبركاته، تعالى يا شيخ شوف بنتي فيها
إيه، بنتي فيها حاجة وتعمل حاجات غريبة.

رد الشيخ قائلاً:

- خير إن شاء الله

وسأله سامي قائلاً:

- محتاج حاجة أحضرها لك يا شيخ؟
- لاء يا سامي أنا معايا كل أدواتي، أهم حاجة الكل يجلس في مكانه وإللي قلبه ضعيف يُخرج برة لأن ممكن تحصل حاجات غريبة زي إن وجهها يتغيّر وجسدها يعمل حركات غريبة.
- ردّدت أم نوال قائلة:

- عيب يا شيخ قلبنا حديد.
- جلس الشيخ مُرتلاً بعض من آيات القرآن الكريم.
- وما إن بدأ ورثّل الآيات تحوّل وجه نوال ألف درجة، وقامت ووقفت وعينها تحديق ويداها ترتفع للأعلى.

بدأت علامات الخوف على الجميع، وأم نوال تنظر لابنتها، وهي تتحول رويداً وترتعش، ثم بعد إن تلا الشيخ آيات الرقية الشرعية قال له:

- اخرج منها عدو الله.. اخرج اخرج
- جاء الرد بصوت خشن غير صوتها يخرج من نوال قائلاً:

- مش هخرج منها لأنها أدتنا.
- أذيتك إزاي؟
- غلطت في معشر الجن واستهانت بينا.
- بس أنت هتطلع هتطلع، وأطلع أحسن بدون أذى لأي حد.

- أنا مقدرش أأذك ولا سامي، لكن ممكن أأذي أمها لأنها مش مصليّة
الفجر حاضر.

وما إن قال هذا ارتعشت أم نوال، وارتعبت، ورفعت حواجبها، وقالت
وهي تتلعثم:

- بسم الله، بسم الله، سترك بيا يا رب!! عرف إزاي ده؟
نظرت لها نوال ولكن في الحقيقة ليست نوال بل الجن الذي يلتبس بها
مُحدقًا قائلاً بصوت مرعب:

- إحنا معشر الجن بنشوفكم بس أنتم ما تقدروش تشوفونا، ونعرف
عنكم كل صغيرة وكبيرة أنتم بتعملوها.
ارتعشت أم نوال وأمسكت بسامي بشدة.

نظر له الشيخ قائلاً وبشدة:

- ركز معايا أنا وبُص ليا، ما تتكلمش معاها، أنت طبعًا عارف إللي
بيأذي حد عقابه كبير عند ربنا، وأنت ما تحبش إنك تدخل النار، توب
لربنا، ولأنه رحمته واسعة وهيسامحك، بص أنت تخرج من غير أذية.
ثم أخضع جسد نوال لما قاله الشيخ، ثم تابع الجن قائلاً:

- يا شيخ! يعني أنا ممكن ربنا يسامحني.
- اه ممكن يسامحك لأنك جن مسلم بس عاصي، يلا أخرج بهدوء،

ومن غير أذى.. اخرج اخرج
انتفضت نوال، وارتمت على الأرض، ثم بعدها أفاقت واستعادت وعيها.

ثم قال الشيخ لهم ولها:

- حافظوا على الصلوات حاضر، علشان زي ما شوفتم، وسمعتم بنفسكم، من أسباب إن الجن يدخل الإنسان إنه يكون متهاون في الصلاة عن وقتها، وربنا يحفظكم، شغلوا القرآن وواعوا تستهتروا بالجن تاني ولا تغلطوا فيهم، لأن غضبهم شديد، واحمدوا ربنا إن الجن ده كان مسلم عاصي، وخرج بدون أذى، وأنا موجود وفي الخدمة لوفى أي حاجة ظهرت تاني.

جلس سامي مع زوجته ليطمئنها ورافق محمد ابنهم الشيخ للخارج، بعدما دفع له مبلغ من النقود، وبعدها عاد، وجلس بجانب أمه وأبيه ونظر لأمه قائلاً:

- لو تبطلي يا أمي استخفافك دايمًا والستات إلي بتعرفهم هتكوني زي الفل.
نظرت له نوال قائلة:

- شوف ابنك يا سامي بيقول إيه قليل الأدب.
نظر سامي لمحمد ابنه مبتسمًا له وغامرًا بعينه له أنه قال الصواب، ثم نظر لنوال قائلاً:

- وقليل الأدب ليه هو قال حاجة غلط؟ الواد بينصحك وبيقولك الصح.
- تصدقوا إني أنا غلطانة إني أصلاً قاعدة معاكم، وهو أنا بتكلم مع مين صح؟ ما أنتم الاتنين عليًا.

ثم نظرت لأُمها قائلة:

- أديكي شوفتي الهوات متفقين عليًا إزاي، خوديني معاكي يا أمي.. دول محدش يقعد معهم أصلاً.

- وهما ما قالوش حاجة غلط يا بنتي.. عين العقل إنك تبطلي قعدة مع الستات إلي معندهاش حاجة مش غير خراب البيوت، وتركزي في بيتك.

- لاء بقى أنا كده أنتحرو وأخلصكم مني علشان تستريحوا.
ثم سمعت صوت يقول لها:

- هما هيستريحوا لكن إنتي مش هتشفوفي الراحة أبدًا وهنفضل معاكي في كل مكان.

وما أن سمعت هذا قالت:

- إل.. إل.. إل.. إلحقوني العفاريت رجعت تاني.

ثم أخذت تتنفس بصعوبة، وارتمت على الأرض.

وقف كل منهم في دهول وخرج سامي مسرعًا ليُحضر دكتور.

أحضر سامي الدكتور وبعد أن كشف عليها، وسمع ما تقوله من هلوسة وبعد إعطائها حقن مهدئة قال:

- زوجتك عندها تهيؤات مش أكثر.. واضح إن في حاجة مأترة على نفسيته، فمخلياها تتخيل حاجات مش موجودة.

نظر له سامي متعجبًا قائلاً:

- بس يا دكتور أنا جبت لها شيخ وقال إنها ملبوسة وطلع عفريت منها
قدامنا.

- يا أستاذ سامي ده تلاقيه دجال العلم ما بيعترفش بالكلام ده،
وبعدين إحنا دارسين كل الحالات دي في علم النفس.

- يا دكتور إزاي بس أنا كده إللي هتجنن ده إحنا سمعنا صوت
العفريت، وفضلت تهمز، وتتحرك وتعمل حركات عجيبة.

- كل الكلام إللي عمله الشيخ ده بيكون محضره كويس أوي.
نظر له سامي متعجبًا، ثم أكمل الدكتور قائلاً:

- إللي زي الشيخ ده، وعلى شاكلته بيكون مخاوي جن وبيخليه في
الوقت ده يعمل إللي هو عايزه يطلع صوت، ويقول إللي سمعته علشان
يقنعكم ويهركم وطبعًا بالدين وبالحرركات إللي حصلت، أنت أصلًا زوجتك
عندها تهيئات من خوف وقلق لشيء عندها ف ده إللي مآثر عليها، وكمان
مع كلام الشيخ استجاب عقلها اللاوعي وبقى مهيأً إنه يحس بأشياء لا
أساس لها من الواقع، وبنسَمِيه عندنا في علم النفس بمرض اسمه
الذهان، وأكثر أنواع الذهان هو (الفصام)، وأهم أعراضه الأوهام،
الهالوس، واضطرابات التفكير.

والأوهام:- وهي عبارة عن معتقدات غير حقيقية. ولكن المريض بيؤمن
بها وبيتمسك بقوة بها مثال زي إن المريض يعتقد إن في حد بيراقبه،
وبيتجسس عليه.

وإضطراب التفكير:- أفكاره غير منطقية، وليست ذا مضمون مفهوم، بل إن المريض لا يفهم ما يحدث له والهلاوس:- هي أن يدعي المريض إنه يرى أشياء أو يسمع أصواتاً أو يشم رائحة غير موجودة في الواقع، وأكثر الهلاوس هي الهلاوس السمعية، وبالنسبة لمريض الذهان فإن هذه الهلاوس حقيقية وصحيحة، وتُصوّر له بأنه مراقب من أناس آخرين والأفراد الذين يعانون من تجربة الهلاوس يتصرفون بغرابة شديدة.

وأعراض الفصام قد تفسّر أحياناً خطأً وأوقات على إنها مجرد اضطراب المزاج، والحقيقة أن سماع الأصوات ليس بالضرورة أن تكون أعراض الفصام، ولكن قد تكون بسبب أمراض الإكتئاب والقلق النفسي، وأنا هكتب لحضرتك دواء تقدر هي تمشي عليه مدة شهر كده، وإن شاء الله الحالة تتحسن.. بس أهم حاجة يزول القلق إللي عندها، لأن ده هو أساس العلاج، وإن شاء الله خير.. وأهم حاجة ما تسمعوش لأي حد يقولكم إن الشخص ملبوس، وإنه عليه عفريت والكلام ده، وده كله شغل دجل.. إلا في حالات خاصة أوي أوي بتكون فعلاً لبس حقيقي، واللبس الحقيقي ما يبروحش في قعدة، ده في قعدات كتير، بس زوجتك مفيش لبس عندها.. ده توهم عندها نتيجة قلق نفسي، وليه تشخيص مرضي ونتيجة لأسباب.

- والله ما عارف أقولك إيه يا دكتور بجد، العلم نور فعلاً ربنا يباركك يا رب.

(٩)

ولا تُحقرنَّ من المعروف شيئاً، حتى وإن كنت غارقاً في بحر من الذنوب،
فإنك لا تدري أي عمل سيكون سبب نجاتك.

خرج حسن في الصباح إلى مقر الشركة لاستلام أوراقه، وأمام مقر الشركة أخذ يتذكر ذكرياته مع سامح وتذكر في وقت ما.....
جاءت سيدة عجوزة مُسنَّة ذات ملابس رثة إلى سامح، وهو يقف مع حسن قائلة له:

- عايزه أكل يابني، حاجة لله ربنا ينجيك بيها من كل ضيق.
التفت سامح لها قائلاً:

- إنتي نفسك تاكلي إيه؟
ثم نغزه حسن قائلاً:

- يا عم سيبك دول شغلتهم كده.
رد عليه سامح قائلاً له:

- ما دام نيتك خير ربنا هيديك أجر عليها حتى لو إللي قُدامك كان بيضحك عليك.
نظرت له السيدة العجوزة قائلة:

- أنت بتتريق عليا يابني؟
- لا والله يا أمي.. أنا مقدرش أتريق أنا بكلمك بجد، نفسك تاكلي إيه؟
قالت له:

- أنا نفسي بس أسدّ جوعي مش أكثر.
- طب يلا تعالي هناكل كلنا في أحسن مطعم مشويات.

ثم بعدها توجهوا لمطعم مشويات، ودخلوا جميعهم سويًا، وظل ينظر
حسن له مستغريًا إياه.

وجلسوا سويًا وبعد أن طلبوا الأكل ووُضِع لهم تحدث سامح في وسط
الأكل سائلًا العجوزة قائلًا:

- إنتي منين يا أمي؟
- أنا ماليش مكان بعد ما ابني طردني وفضل زوجته عليًا، ومن ساعتها
أنا بنام في الشارع تحت أي كوبري.
- لا حول ولا قوة إلا بالله! هو في ناس كده؟ ابن يُطرد أمه علشان
زوجته!

ثم سألها قائلًا بعد أن انتهوا من طعامهم:

- الأكل عجيبك؟
- وده كلام يا بني؟! روح ربنا يطعمك من الجنة يا رب العالمين،
ويسترها عليك دنيا وآخره ويسد أي ضيقة في حياتك.
- الدعوة دي بالدنيا وما فيها يا أمي، إلا قوليلي.. أنت بتعرفي تشتغلي
على مكنة خياطة؟
- اه كنت اتعلمتها زمان أيام ما كنت شابة لسه وكنت بشتغل في
مصنع.

- جميل جدًا، من النهاردة إعتبري ليكي غرفة إيجار ومدفوعة مقدمًا
لمدة سنة، وعندك مكنة خياطة تشتغلي عليها، وتاكلي منها عيش.
نظر له حسن مندهشًا قائلًا في نفسه إنت ازاي كده؟ أنت بشر ولا
ملاك؟

وما إن سمعت السيدة العجوزة هذا العرض، ثم بكت ونزلت على الأرض، تُقبّل قدم سامح، ثم نزل على الأرض هو الآخر، وأخذها في حضنه قائلاً:

- إنتي زي أمي ما تعمليش كده، ده أنا إللي أبوس رجليكي إللي هتكون سبب ممكن ربنا يرحمني بيه.
نظر لهما حسن ونزلت دموعه من عينيه على هذا المشهد العجيب، وقال له بعد أن غادرت:

- هو أنت ليه عملت كل ده؟ مع إنك كنت ممكن تأكلها وتديها فلوس وخلص.

- لأن يا صديقي العزيز إللي اتعلمته إنك؛
طول ما أنت بتعطي السمكة جاهزة يبقى أنت كده ما ساعدتش إللي قدامك بل ضريئته، لكن لما تعطيه سنارة ويصطاد بها.. وقتها أنت فعلاً حلّيت أزمة وساعدت بجد.

- أنا عمري ما هقابل صديق زيك، ربنا يجمعنا على خير دايمًا مع إني بستغربك ساعات وساعات...
نظر له سامح قائلاً وبعد أن أحس براحة كبيرة:

- أنا عارف إني إنسان عاصي ومش ملتزم، بس لازم أخلي في حلقة وصل بيبي وبينه لأن لو الخيوط كلها انقطعت، الواحد يضيع يمكن خيط واحد بيبي وبين ربنا هو إللي ينجيني، وأنا إللي في مقدرتي بعمله، وربنا بس

يتقبل مني، بس أرجوك يا حسن أرجوك إلي شوفته ده يكون سر مفيش مخلوق يعرف بيه.

أوما حسن له برأسه بالقبول، ثم رجع حسن من ذكرياته قائلاً:

- ربنا يرحمك برحمته يا صديقي، أنا عارف إن ربنا مش هيسيبك، زي ما فيه إحساس إنك لسه موجود في المكان، وهتفضل عايش بأعمالك، دخل سامي لمقر الشركة ثم رأى زحام شديد، وجميع الموظفون يلتفون حول أحد، دخل مسرعاً ليُشاهد مَنْ الملقى على الأرض؟ ثم أن رأى الذي يسارع الموت، ارتجف بشده وأدار وجهه وعينه عنه وتغيّر لونه مائة درجة.

في الدور الأرضي وفي بلقونة المنزل يجلس كل من سارة وعُمر ليذاكرا دروسهما، وكانت سارة تتظاهر بالمذاكرة ولكنها تفكر في شيء، ما وبعد أن بلغ التفكير ذروته، ألقت سارة كتابها، ونظرت لأخها قائلة:

- بابا وماما وحشوني أوي يا عُمر.. إمتي هيرجعوا بقى من السفر؟
- أدينا مستنيين يا سارة.. يمكن نلمحهم داخلين علينا، أنا كمان وحشوني أوي.

وفجأة ظهرت قطعة بيضاء تحوم حول المكان، وتنظر لسارة وعُمر وتصدر صوت لفت انتباههم، التفتت سارة للقطعة وقالت:

- يا عُمر القطة دي شكلها جعانة.
 - ودي تاكل إيه بقى؟
 - أُصبر هنا، وأنا هدخل لتيته أُجيبها لبن وأشربها.
 - ماشي مستنيكي.
- قامت سارة لتدخل مُسرعة، وهي تجري وشعرها ذات اللون الكستنائي يطير معها بالهواء، واقتربت من جدتها قائلة:

- تيتة حبيبي.
- يا عيون تيتة.. عايزة إيه؟
- عايزه لبن يا تيتة علشان في قطة جعانة برة.
- ما هي يا حبيبي هتلاقي أكل ف الشارع.
- يا تيتة هي جت لينا إحنا.. وماما كانت قالت ليا إني ما أرُدش حد محتاج.. والقطعة محتاجة، ولا إنتي مش عايزاني أكسب حسنات؟

ابتسمت جدتها لها وكادت دموعها تنزل على فراق ابنتها أميمة التي فارقت أولادها في عز شبابها، وقالت لها:

- تعالي ورايا المطبخ.

سارت سارة خلفها، ثم توقفت جدتها أمام الثلاجة، وأخرجت صحن به لبن وأعطته لها، مشت سارة بخطوات بطيئة جدًا حتى لا يتساقط منها اللبن. وقالت لعُمر:

- خُد يا عمر شرب القطة منه.

أخذ منها الصحن ووضعهُ للقطة، وما أن وضعهُ حتى ظلت تشرب القطة وكأنها كانت لا تشرب منذ شهور، ثم قال:

- ياه يا سارة دي كانت جعانة أوي.

- شوفت بقى، يا رب ماما وبابا ييجوا بسرعة، يا رب أنا بعمل حاجات تفرحهم أهو يا رب، وأنا بس طالبة ييجوا بسرعة.

لحظات ورن جرس المنزل.. مشت أم أميمة بخطوات بطيئة لتفتح الباب، وقبل أن تفتح قالت:

- مين إللي بيخبط؟

- أيوة يا ماما افتحي أنا سامي.

فتحت أم أميمة الباب ورَحَّبت بسامي وسَلَّم سامي عليها ثم قالت له:

- عاش من شافك يا سامي.. مختفي ليه كده؟ ده الأولاد نسيوا إن لهم عم
- والله يا أمي غصب عني، الشغل والمشغل.
- ربنا يابني يكتبلك الخير هقولك إيه، بس ما تقطعش بيهم كتير كده.. الأولاد مالهمش غيرك دلوقتي.
- ربنا يقدرني على الجمل ده يا رب.
- طيب أنا هقوم أنده للأولاد تقعد معهم وأعملك حاجة تشربها، ها.. تشرب إيه؟
- لا والله ولا حاجة ما تتعبيش نفسك يا أمي
- عيب تقول كده.. تعب إيه يابني ده؟ هو إحنا ما نعرفش الأصول يعني؟
- لاء ما أقصدش والله، طيب ما دام كده كوباية شاي سكر زيادة.
- ماشي.. أحلى كوباية شاي تجيلك.
- ثم دخلت أم أميمة لبلكونة الأولاد وقالت:
- يا أولاد ادخلوا قابلوا عمكم ف الصالة.
- دخلوا جميعهم يركضوا وهم يقولون:
- عمووووو سامي

(١٠)

ما أصعب أن تموت وأنت حيّ، ولكن الأصعب أن تتنفس وأنت ميّت، كم
من كثير لا يدركون أن كثيرين يتنفسون لكنهم أموات، وكم من قليل
انقطعت أنفاسهم ولكنهم أحياء.

في عتمة الظلام الدامس.. والهدوء القاتل.. وكتمة المكان فهنا لا أنفاس،
لا هواء، هنا فقط رائحة كريهة نتنة، حشرات صغيرة تحوم بالمكان. بينما
وسط كل هذا أخذ يستجمع نفسه.. أين هو؟ وما هذا المكان الذي هو
موضوع به؟

ثم خرج من صمته قائلاً:

- أميمة؟؟

ثم أخذ يستعيد انتباهه ووعيه حتى أحسَّ بشيء غريب قائلاً:

- إيه إيلي محاطني ده؟؟؟؟

ثم وجد نفسه ملفوفاً بشيء ما ثم أخذ يحاول بكل قوة أن يُحرِّر يده من
ما هو مُقيّد به حتى خرجت يداه، ونزع القماش من على وجهه لعله يرى،
ولكن لا تغيير.. ثم قال:

- إيه ده؟ أنا فين بالظبط؟

ثم وجد قطنه بأنفه وما أن انتزعها تأفّف وقال:

- إيه الريحه الفظيعة دي! ريحة كلب ميت! لا حول ولا قوة إلا بالله.

ثم أخذ يتحسّس بيده فإذا بتراب موضوع عليه، فأخذ يتحسّس ما
حوله بيده الأخرى فوجد أن يده تلمس عظاماً وشعر بقشعريرة في جسده،
فأخذ يقول:

- إيه أنا فين؟ أنا فين؟

أخذ يحاول الزحف جازًا نفسه وهو يتحسّس ما حوّلته حتى وصلت يداه
لجُمجمة رأس، فقال في رعب داخلي:

- بسم الله الرحمن الرحيم.. أنا فين؟

أخذ يتحسّس مرة أخرى فإذا بجسد عليه سائل ودود تلامس يده
فأحس بشعور لم يشعر به من قبل، شيء مُقَرَّر لأبعد مدى، ثم شَعْر وتيقن
أنه في قبر!!

وما أن استوعب ذلك حتى صرخ صرخة كادت أن تنخلع حنجرتة بها
قائلاً:

- اه ه ه ه ه ه - بصوت مُفجع لا يعلمه إلا مَنْ عاش نفس هذا
الشعور -
ثم أُغشي عليه!!!

وبعد سويحات فتح عينيه، ليجد نفسه واقفًا وحيدًا في أرض خالية
تمامًا من البشر.. أخذ يلتفت يمينًا؛
إذ به يرى طريق أبيض به أشجار خضراء رائعة الجمال، ونهر.. وقصور
من الذهب والفضة، والنخيل، والأعناب....، فرح وابتسم، ثم أخذ
يسكشف الجهة الأخرى لينظر عن يساره؛

إذ به يرى طريق أسود ونار تَأْكُل كل ما على الطريق، حتى أحسَّ بحرارة على وجهه لم يستطع لشدّة لهبها أن ينظر أكثر من هذا وأدار وجهه، ثم نظر إلى الأمام وظل يسير حتى شَعُرَ بعطش شديد كاد أن يموت به، فظهر له شيخ كبير بالسن يتوكأ بعكاز، ولكن وجهه كأنه شباب.. بدون لحية.. وجهه ناعم شديد النعومة، وبه نور يُضيء المكان بالكامل، ثم اقترب منه وقال له:

- اشرب.. إنت بقالك كثير ما شربتش.

أخذ يشرب بدون أن يسأل مَنْ هو، فالعطش كاد أن يجعله في تعداد الأموات، أخذ يشرب بلهفة من العطش، ثم تذوق طعمه فعلم أنه لبن فظلاً يشرب اللبن وهو يتساقط منه حتى ارتوى، وما أن انتهى نظر إلى الشيخ قائلاً:

- شكرًا ليك.. أنت نجدتني من الموت، بس سؤال أنا فين، وأنت مين؟
نظر له الشيخ محدثًا إياه قائلاً:

- أنت في دار الحق، وأنا عمك الصالح جاي أنجيك من إلبى غنت فيه.
نظر له سامح بدهشة قائلاً:

- هو أنا مُتّ؟

لم يُعقب الشيخ على السؤال، ثم قال له سامح:

- بس أنا ذنوبي كثير جدًا.

نظر الشيخ إلى سامح وابتسم قائلاً:

- رحمة ربنا سبقت عذابُه يا بنى.. وبعدين ربنا حب يرسل لك رسالة إن طريقك طويل ومحتاج لزاد، وأنت في أعمال خير عملتها، اعتبرتها أنت بسيطة بس كانت عند ربنا عظيمة جدًا، والأكثر دلوقتي أنت شربت بفضل ولادك إلي سقوا قطة كانت عطشانة جدًا، والست العجوزة إلي بتدعيك كل يوم لأنك كنت سبب رزق ليها وفكّيت كرّيها.
ابتسم سامح بشدة بعد أن علم أن أولاده فعلوا هذا الفعل الحسن وأنهم سبب نجاة هم والسيدة المُسنّة.

ثم نظر إليه الشيخ وقد تغيّرت ملامح الابتسامة إلى الجدية قائلاً:

- بس إياك إنك تظمن بالبُشرى أوي، أنا بقولك طريقك طويل وأنت محتاج زاد... تعالي معايا وشوف إلي أنت ما تعرفهوش، ودي بتعتبر بداية أي حد بيترك الدنيا.
سار سامح وهو يتبع الشيخ، ثم بعد أن سارا طريق طويل وقف الشيخ ونظر لسامح قائلاً:

- انظر عن يمينك.

وما أن نظر يمينه رأى رجل يجلس خائفاً مُرتعباً مما ينتظره بعد أن جئ له ملكان أجلسانه وجههم مفرع شديد الفزع، ثم جاء رجل وجهة من نور وقال بصوت مُطمئن للرجل:

- ما تخافش واطمن وأبشر بالجنة التي وعدك الله بها.
ثم سمع صوت تلاوة للقرآن تقول:

بسم الله الرحمن الرحيم

(إِنَّ الَّذِينَ قَالُوا رَبُّنَا اللَّهُ ثُمَّ اسْتَقَامُوا تَتَنَزَّلُ عَلَيْهِمُ الْمَلَائِكَةُ أَلَّا تَخَافُوا
وَلَا تَحْزَنُوا وَأَبْشُرُوا بِالْجَنَّةِ الَّتِي كُنْتُمْ تُوعَدُونَ (فصلت ٣٠)

ثم سمع بعدها تلاوة تقول:

"وَعَدَ اللَّهُ الْمُؤْمِنِينَ وَالْمُؤْمِنَاتِ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا
وَمَسَاكِينَ طَيِّبَةً فِي جَنَّاتٍ عَدْنٍ وَرِضْوَانٍ مِنَ اللَّهِ أَكْبَرُ ذَلِكَ هُوَ الْفَوْزُ الْعَظِيمُ
". (التوبة/٧٢)

فسأله الرجل الذي يجلس خائفاً قائلاً:

- مين أنت؟ والله وشك كله خير وطمانينة، ومين دول إلهي وشهم مفرع
مخيف؟
ابتسم قائلاً:

- هؤلاء منكر ونكير يا رجل، أمّا أنا.. فأنا القرآن الذي كنت تقرأه ليلاً
ونهاراً، أنا صلواتك في جوف الليل، أنا صدقاتك على المحتاج التي كنت
تُخرجها وأنت في أمسّ الحاجة لها، أنا عمك الصالح الباقي لك ولن أتركك.
تبسّم الرجل واطمئنّ وبعدها نظر إلى الملائكة الموكلين بسؤاله بمنظرهم
المفرع الذين أتوا لمحاسبته، وبدأ الحساب كالآتي:

الملائكة قالت له بغلظة شديدة:

- ما هو دينك؟

رد عليهم الرجل بكل هدوء قائلاً:

- ديني الإسلام

وتبسم . .

- وَمَنْ النَّبِي الَّذِي بُعِثَ فِيكُمْ؟

- محمد بن عبدالله صلى الله عليه وسلم.

ثم تبسم:

- وما يدريك؟

فرد قائلاً:

- قرأتُ في كتابِ اللهِ، فأمنتُ به وبجميعِ رُسله وصدّقت.

ثم تبسم، ثم سمع مُنادٍ من السماء يقول:

- أن صدق عبدي، أروه مقعده من الجنة.

ثم تبدلت رائحة المكان إلى مسك، واحضروا له ضياء من نور يُضئ له

المكان من حوله، وقالوا له هذا عملك الصالح من صلاة وتسبيح والقرآن

الذي كنت تتلوه ليل نهار، هذا هو باب الصدقات، هذا هو مساعدة

المحتاج، هذا هو القول الحسن، وجبر خواطر الناس، فالיום نجزي

المُحسنين إحساناً.

ثم ضُيِّقَ عليه القبر وضُمَّ ضمة حنان، لأن من تكون أعماله صالحة يكون عناق القبر له كضمة أم لرضيعها، ضمة إشتياق، ولأن ضمة القبر لا ينجو منها أحد إلا الشهيد ، والشهيد أيضًا لا يُحاسب..

ثم قالوا له: أنظر أمامك سيفتح لك باب لتنظر إليه طوال حياتك البرزخية لمقعدك من الجنة.

ثم ما أن نظرتهم لوجه الرجل، وتبدل وجهه إلى نور ساطع لا مثيل له، وظل يقول:

- ربي أقم الساعة.. ربي أقم الساعة. فأنا متشوق للجنة.
وفي رحلته البرزخية وجد أمه وأباه اللذان سبقاه من قبل، وجلس معهما يتحاكون فيما كان في الدنيا ويسألانه عن ما حدث بعدهما، وسألهم: أين خالي؟

قالوا له: وهل هو مات أيضًا؟

- نعم مات.. كيف لا يتواجد معكم؟
ردوا عليه قائلين:

- لم نر روحه حتى الآن!

تبسّم سامح جدًا وانشرح صدره مطمئنًا، ثم ابتسم له الشيخ قائلًا:

- ربنا يجعلك مثلهم.

ابتسم سامح قائلاً للشيخ:

- آمين.... ولكن يا شيخ عندي سؤال عايز أعرفه!
 - إتفضّل يا سامح إسأل
 - هولىه ما اجتمعوش بخال الرجل ده أو أخوهم كده؟
 - أنظر يا سامح الحياة البرزخية لها قوانين مثل الدنيا.. وما دام مات ولم يروه يا سامح يبقى كانت أعماله سيئة ودخل النار والعياذ بالله، لأن الأموات لا تتزاور إلا لمن مثلها، يعني أهل الجنة مع بعضهم البعض، وأهل النار مع بعضهم البعض.. حفظك الله منها.
 - لا حول ولا قوة إلا بالله!
 - عليك الآن أن تنظر إلى شمالك.
 - قبل أن أنظر يا شيخ عايز أعرف فين أميمة زوجتي؟؟
 - السؤال ده غير مكلف بالرد عليه، ولكن أبشرك إنك ستعرف إجابته عمّا قريب.
- أخذ سامح يُحرك رأسه إلى الشمال ببطء شديد من شدة جمال ما يراه من مقعد الرجل في الجنة، وبعد أن نظر شماله.
- وجد رجل مُمدّد نتن الرائحة ثم جاءه ملكان مفزعان سود الوجوه.
- ففزع الرجل وأسود وجهه أكثر، وحاول سامح أن يغمض عينه، ولكن لم يستطع، وجاءه أيضاً رجل أكثر سواداً من المكان، ومفزع بشيء ينخلع له القلب.
- فسأله الرجل الذي يجلس مرتعّباً:

- أنت مين ياللي وشك مليون كلّه شر؟
رد عليه مُجيبًا:

- أنا تهاونك عن الصلاة، أنا الظلم الذي كنت تظلمه للضعفاء، أنا المال الحرام الذي جمعتُه، أنا أكل الربا الذي كُنْتُ تأكلُه من البنوك وغيرها، أنا الأغاني التي عشت عليها وتركت بسببها القرآن، أنا عمك السيء في الدنيا.

فزع الرجل بشدة وظل مرتعبًا، فهو كان لا يحسب أي حساب لهذا اليوم.

وبعد أن أجلساه الملكان بتعنيف سألاه قائلين بصوت كالرعد القاصف،
وأبصارهما كالبرق الخاطف:

- ما هو دينك؟

أخذه الصمت والفرع من هول المنظر، وحاول أن يستدعي الإجابة،
ولكن لم يقدر وظل يتأثر، قائلًا:

- ها ها ها

قال سامح في حسرة:

- إيه إلهي مانعك؟ قول الإسلام، قول أي حاجة.

ولكن هميات أن تكون بهذه السهولة، ظل هكذا بضعة من الوقت ولا
يجد إجابة، ثم عاود الملكان سؤالهما قائلين:

- ما النبي الذي بُعث فيكم؟

لم يعطهم إجابة، وظل يُتهته، فسمع مُنادٍ من السَّمَاء يقول:

- أن كذب عبدي فافرشوا له من النَّار، وألبسوه من النَّار، وافتحوا له بابًا من النَّار، فيأتيه من حرِّها وسمومها، ويضيق عليه قبره حتى تختلف فيه أضلَاعه.

ثم أحضروا له رجل أخرقبيح الوجه من السواد نتن الرائحة ومعهُ مطرقة من حديد، ثم قالوا للرجل: - هذا عمك السيء من قطيعة رحم وعقوق والدين، وكنت بعيد عن ذكر الله وانشغلت بالأغاني عن القرآن، وكنت لا تصلي، وإن صليت كُنت تُؤخرها عن أوقاتها، وكنت تتكلم على الناس بالسوء وكنت تظلم الضعفاء، وكانت أحاديثك كذب، عشت حياتك كلها في الملهذات وتناسيت يوم لقاء الله فالיום تُنسى.

ظل سامح ناظرًا للرجل وهو يرتجف من هول ما يراه، ويبكي دمًا على كل وقت أهدرهُ في غير طاعة الله، على كل وقت كان مُنشغل فيه ليجمع المال ليؤمِّن حياة مستقبل أولاده وزوجته، ونسي أن التأمين الحقيقي هو النجاة من النار، والفوز بالجنة.

ثم رأى الملكين السود الوجوه يقولون للرجل:

- سيفتح لك الآن باب ترى به مقعدك من النار جزاء بما كنت تعمل، أخذ الرجل يصرخ صرخات لو سمعها أهل الأرض لفزعوا ولما ناموا في فراشهم وتلذذوا بنسائهم، قائلًا:
- ربي لا تقم الساعة، ربي لا تقم الساعة، ربي ارجعني لعلِّي أعمل صالحًا وأتصدق.

ولكن جاء رد الملكان عليه قائلين:

- للأسف انتهت حياتك ودلوقتي قدامك حياة برزخية طويلة ليوم
البعث، وده جزاتك.. والله ليس بظلام للعبيد.
ثم نظر سامح للشيخ سائلاً إياه:

- هو ليه في عذاب ونعيم وليه ربنا ما جعلش الجميع يدخل الجنة؟
- لأن ربنا ما خلقش الناس عبثاً، وأيضاً تقدر تقوللي لو ما كانش في
حساب الناس إللي بتظلم وتفترى وتتجبر، إزاي يدخلوا الجنة أو يستويان
مع الناس إللي بتعمل أعمال صالحة خير وما بتظلمش؟ ربنا من صفاته
العدل.. ولو ما كانش فيه حساب وآخرة كان كده هيكون في ظلم، وللعلم
ربنا غفور رحيم في حقوقه هو، لكن حقوق الغير ما بيسامحش فيها إلا
بمسامحة إللي وقع عليه الظلم.

- طب سؤال كمان يا شيخ..

- إتفضل يا سامح

- الناس أصحاب الديانات الأخرى هيكون حسابهم زينا ولا هيحصل

إيه؟ وفي ناس ما تعرفش الصبح.. مش كده الناس دي تتظلم؟

- الله سبحانه وتعالى قلت لك لا يظلم وكلُّ يُحاسب وفق لظروفه هو،

والله حاشاه أن يحاسب إنسان لم تصل له الحقيقة والبيئة، ولكن وقتها
سيكون حسابها على أعمال الخير والشر التي هي شيء راسخ لكل إنسان وأي
شخص يقدر يفرق بين إن العمل ده خير أو شر يا سامح.

ثم قال سامح في خوف مما رآه وفزعاً قائلاً:

- لقد أجبتني بسؤال كان يراودني كثيرًا؛ أرجوك يا شيخ دلي على الطريق الصح لأني تايه، إزاي أعدي من دي أهوال؟ إيه إلهي ينجيني من إلهي شوفته؟

- الجواب إنك تتجنب الأسباب التي تقتضي عذاب القبر، مثل الشرك بالله، والنفاق، والكذب، وهجر القرآن، بعد تعلمه، والنوم عن الصلوات المكتوبة، أكل الربا، الزنا، عدم الإستبراء من البول، ده أمر عظيم يغفل عنه الناس، النسيمة، وإنك تُجر بنطالك على الأرض بتكبر، وأن يكون عليك دين وإنت قادر على تسديده، وإنك تعرض عن ذكر الله، وإنك تصوت على ميت، وإنك تفطر في رمضان بدون عذر، والسرقه، وأمر الناس بالبرونسيان النفس:

وخلي بالك من نقطة ناس كثير بتنساها إنهم يفضلوا يصلحوا الناس وتاركين نفسهم وأهل بيتهم، وأنت أصلًا محاسب على نفسك ومن تعول فقط، وأما مسألة إصلاح الآخرين تأتي بعد إصلاح النفس ومن أنت مسؤل عنهم.

- ودي حاجات تنجيك من عذاب القبر والنار أيضًا؛ الإيمان، التقوى، العمل الصالح، الاستقامة على طاعة الله عزوجل، قراءة سورة تبارك كل ليلة مُنجية من عذاب القبر، والتوبة الصادقة ودي مقصود بيها الندم وإنك ما ترجعش عن عمد في الخطأ ده تاني..

وأقولك على حاجة تعملها كل يوم بعد انتهاء يومك، وأنت ذاهب للنوم توضأ، وحاسب نفسك على كل ما فعلته طوال اليوم، وصلى ركعتين توبة لله فإن مت في ليلتك كنت من التائبين، وإن استيقظت استيقظ فرحًا مسرورًا أن الله قام بتأخير أجلك، وإن في وقت تُزيد به من أعمال الخير.

ولا بُد أن تعلم إن القبر أول منازل الآخرة. ومن مات فقد قامت قيامته الصغرى فتهيأ لهذا لأنه يأتي على غفلة، ولك في هذا قدوة؛ سيدنا عثمان رضي الله عنه كان لا يبكي عند سماع حديث عن النار ولكن كان يبكي عند سماع حديث عن القبر، وعندما سأله قال:

- لأن القبر هو أول منازل الآخرة.

والبداية تبدأ من سكرات الموت، وهذه فتنة أخرى شديدة البلاء لذلك دعا النبي أن يهون سكرات الموت على أمته وكل إنسان سكراته تكون على حسب أعماله، وأيضاً يُزال الغشاء للإنسان من على عينيه وقت موته ليرى مدد البصر الحقيقية التي كان لا يراها طوال حياته، حينما ترى جنازة فهذه أول مرحلة من مراحل الآخرة، تمشي في الجنازة فيفتح القبر، ويفتح النعش، وتحمل الجثة، وتوضع في القبر، يكشف عن وجهه، توضع الرخامة، ويُهال عليه التراب.. وانتهى الأمر، هذا الميت دخل أول منازل الآخرة، فإن نجى منه فما بعده أيسر منه، وإن لم ينج منه فما بعده أشد منه.. لذلك؛ ورد في الأثر القدسي:

(وعزتي وجلالي لا أقبض عبدي المؤمن وأنا أحب أن أرحمه، إلا ابتليته بكل سيئة كان عملها سقماً في جسده، أو إقتاراً في رزقه، أو مصيبة في ماله أو ولده، حتى أبلغ منه مثل الذر، فإذا بقي عليه شيء شددت عليه سكرات الموت حتى يلقاني كيوم ولدته أمه)

إذا أمكن أن يذوق المؤمن من متاعب الحياة الدنيا، ثم ينتهي به المطاف إلى أن يصل إلى القبر طاهراً مُطَهَّراً فهو في أعلى درجات النجاح الحقيقية الباقية وليس نجاح زائل.

تبسّم سامح وشعر بالأمل والإطمئنان.

ثم أردف الشيخ قائلاً:

- أنت شفت وعشت إللي غيرك ما شافهوش مع أن ربنا حذرکم كثير،
ولكن الكل منشغل، ويعتقد إنه بعيد عن الموت وكل هذا باعتقاده بطول
الأمل، ويظل يُسوِّف التوبة إلى أن يُداهمه ملك الموت...
واعلم كل العِلم أن حياتك كلها ما تجيش ساعة في الآخرة ولا حتى ثانية،
وإللي هتعيش عليه هو إللي هتموت عليه يا سامح.

إحمد ربنا أنت جاتلك الرسالة، وعندك لسه فرصة تصلح وربنا
هيسألك عن إنه بعثلك رسالة ميني ليك، يا ترى إنت عديتها ولا كأنك
سمعتها، ولا أخذت بيها وحوّلتها لفعل في حياتك وفزت دنيا وآخرة:

فوق يا سامح.. فوق؛ لأنك هتسأل عن قطرة المياه، عن كل هفوة
وهمسة همستها وعن النّفس الواحد، وعايذ أبشرك بإن ربنا بيحبك، والله
ربنا بيحبك لأنه بعثي ليك أحذرك وأقولك على طريق الجنة. والنجاة من
النار،

ولأن ربنا لما بيحب حد يبيعت ليه رسائل في هينات كثير، حادثة أو موت
عزيز علشان يتعظ أو في كلام حد بيذكره بربنا أو في كتاب يقرأه في أي
وسيلة كانت.

ابتسم سامح للشيخ، ثم اختفى فجأة الشيخ من أمامه، ووجد نفسه
وحيداً في الأرض.

(١١)

ما أصعب أن لا تجد من يدعوك بعد وفاتك، والأسوأ أن تفضحك
أعمالك السيئة أمام العامة، فأنت من يُقرّر في أيّ فريق يجب أن تكون.

بينما يقف حسن مذهولاً وسط الموظفين بالشركة الملتفين حول مديرهم (المهندس عماد السيوطي) الذي كان بصحة جيدة ثم بدون سابق إنذار وقع على الأرض يحاول أخذ أنفاسه، التي تحتبس، ولا تريد الدخول أو الخروج، ثم تحول الوجه الأبيض إلى سواد، ونظرات عيونُه كأنها تشاهد أقوى مشاهد الرعب والقشعريرة، وظل على هذه الحالة دقائق، ثم هتف قائلاً:

- مش هروح معاكم، مش هروح معاكم ابعدوا عني، ابعدوا الناردي عني.

وقف الجميع يشاهدون ما حلّ بمديرهم الذي كان شديد الجبروت، الآن هو يشاهد مصيره الذي أعدّه منذ سنوات، من ظلم للحقوق ومن لسان متسلط على أعراض الجميع، ثم أغشي عليه، وبعدها بلحظات جاءت الإسعاف لنقله للمستشفى، بينما ظل حسن مذهولاً لا يعلم هل يتسم ويفرح فيمن ظلمه، وافترى على صديقه وهو يشاهد آيات ربنا تحل به، أم هل يحزن على ما حل به، فهو في الأول والآخر إنسان ومهما كان لا يريد لأحد أن يُعذّب.

وقف رجال الإسعاف قائلين للموظفون:

- مين هيرافقنا؟ لأن لازم يكون حد معاه.
رد أحد منهم قائلاً:

- لا أنا مش هاجي معاه.. ده واحد ياما ظلمنا ربنا يجحّمه.
ورد آخر:

- ولا أنا، خليه يدوق العذاب في الدنيا قبل الآخرة.
ثم وابتسم قائلاً:

- الحمد لله يا رب دعواتي استجيبت.

ثم خرج حسن عن الصمت قائلاً لرجال الإسعاف:

- أنا هكون معاكم.

تعجّب الموظفون من موقفه وقالوا له:

- إزاي تروح معاهم لواحد زي ده! نسيت عمل فيك إيه والكلام إلي

طلّعه بعد موت سامح؟ ده ما سآيش لا حي ولا ميت.

نظر لهم قائلاً:

مهما كان ده إنسان:

مش إحنا إلي نحاسب، لإن الحساب ده من خصوصية ربنا، وأنا
كشخص أنا كرهته ودعيت عليه بس كواجب إنساني لازم اقف جمبه
وأروح معاهم لله فقط.

ولو أنتم فيكم واحد ما بيغلطش في حياته وملاك ما يبقاش يمشي في
جنازته ولا أي جنازة .

ثم تحرك وركب سيارة الإسعاف معهم وذهبوا إلى المستشفى.

وبعد بضع من الدقائق وصلوا إلى المستشفى وأخذ الأطباء يفحصون (المهندس عماد)، ثم وضعوه على جهاز الأكسجين الصناعي، وبعدها جاء الطبيب لحسن وهو يقف بالخارج قائلاً له:

- أستاذ حسن للأسف المريض دخل حالة غيبوبة ومش مفهوم سببها إيه، وبسبب عدم صعوبة تنفسه وضعناه على جهاز التنفس الصناعي وهيحتاج يفضل كام يوم لغاية ما نشوف الحالة هتوصل لأيه؟
نظر حسن قائلاً للدكتور:

- على العموم هستأذن أنا دلوقتي وهبقى أحضر من وقت للتاني أظمن عليه.

- طب قبل ما تمشي خذ المتعلقات الشخصية الخاصة بيه تكون معاك، ويا ريت لو حد من أهله يكون على علم ويكون جمبُه في الوقت ده. أخذ حسن متعلقات مُديره من الموبايل الخاص، المحفظة، وكل شيء يخصُه وخرج من باب المستشفى متعجبًا من كل ما يحدث!. وكيف يكون هو من يساعده للشفاء، ثم أخذ يُمسك الهاتف الجوال، ويُقلب في الأرقام الشخصية من أجل أن يُبلغ أسرته ويتولوا هم الموضوع، ثم وجد اسم...
باسم (أخي تامر)، فاتصل عليه وبعد وقت رد قائلاً:

- الو.. أستاذ تامر معايا؟

- اه مين حضرتك؟

- للأسف أنا بكلمك علشان أبلغك إن أخوك المهندس عماد وقع مرة واحدة في الشركة ونقلناه للمستشفى وهو في غيبوبة دلوقتي، فيا ريت لو تيجي تاخذ حاجته وتكون جمبُه.

- يا انا انا خيرًا وقع.. ده كان غم، ظلمني وأكل حقي بعد ما والدنا ما مات، للأسف أنا مشغول ومش هقدر آجي، وده واحد محدش يقف جمبه، أنت أصلًا إزاي بتكلمني علشانه وإزاي تساعدوه لنقله للمستشفى؟ ما تسبوه يموت ويغور.

- والله إحنا دلوقتي مش وقت كلام في أفعاله.. هو دلوقتي بينازع الموت، وده إنسان مهما كان وأخوك، يعنى المفروض تنسى أي حاجة دلوقتي، وتساعدُه وتكون جمبُه.

- أخويا ياكل حقي؟ أخويا يظلمني ويتكلم في عرضي أنا ومراتي؟ أقولك.. أنا متبري من دي إخوة يا سيدي ويا ريت يموت ونرتاح، ويأبقى علشان النمرة غلط، وإنتم أخذت من وقتي كثير. ثم أغلق السكة، وأخذ حسن يقول: الووو الووو

وبعدھا قال في نفسه:

- حتى أخوك ما سبتهوش وظلمته! لا حول ولا قوة إلا بالله.. حصل إيه في الدنيا دي؟ أديك أهو بين الحياة والموت والله أعلم أنت شايف إيه دلوقتي، كسبت إيه قوللي؟ إيه يستاهل علشانُه تعمل كده؟
ليه أصلًا أي واحد ليه يظلم ويفتري على خلق الله والنهية كلنا عارفينها؟؟؟

وقفت أم أميمة تنظر لابنتها التي ترتدي فستان أبيض، وتاج من نور
بعد طول غياب قائلة:

- أخيراً شوفتك يا أميمة يا بنتي؟ أنا كنت حاسة إنك عايشة لسه، ليه
ما كُنْتِيش بتحكي عن العذاب إللي كُنْتِ عايشة فيه مع سامح؟ ده أنا لو
كنت لحقته قبل ما يموت كنت خلصت أنا عليه.

- سامح أنا كنت ظالمه يا أمي ومش هو إللي عيَّشني في عذاب، أنا إللي
كنت معيَّشة نفسي بأفكاري، هو كان مشغول عني علشان يعيَّشني أجمل
عيشة وما عرفتش كده غير بعد ما مشيت من الدنيا دي، وبقيت في دار
الحق.. دار الحياة بجد إللي مافهاش موت، شكراً ليكي إنك إديتي اللب
لسارة تشرَّب القطعة. أنقذتني من ذنوب كنت بسببها هتعدَّب وأنقذتني سامح
وإديتبه فرصة ياخد باله من الأولاد، سامح عايش يا ماما، سامح عايش.. يا
ريت تلحقوه .

قفزت أم أميمة على شهقة وعلى أذان الفجر قائلة:

- بسم الله الرحمن الرحيم.. إيه ده معناه إيه؟ مستحيل!!
بس أكيد دي رؤية، الأموات معروف إن رؤيتهم حقيقية!

يعني إيه سامح عايش يا ريت تلحقوه؟؟ يا رب معقول! مستحيل يكون
عايش، ده اتدفن يوم ٢٧\١١\٢٠١٧ وإحنا النهاردة ٢٢\١١\٢٠١٨ يعني
فاضل كام يوم ويكْمَل شهرين!!!

وصل حسن إلى البيت فوجد إيمان بالمطبخ ثم اقترب منها وهي تحضر الطعام، ووضع يده على خصرها وقبلها قبلة رقيقة على رقبتها قائلاً:

- وحشتيني.

- وأنت كمان يا حبيبي.

- عاملة إيه دلوقتي؟

- الحمدلله، أحسن بكتير.

- إيه فاضل كتير ع الأكل ولا أدخل أنا مشوية؟

- تنام إيه! الأكل خلاص جهز، دا أنا عاملا لك فراخ ف الفرن بقي ما أقولكش ومعها صنية مكرونة بشاميل هتدعيلي.

- بدعيلك من غير حاجة، طب يلاً بقي بسرعة عشان ألحق أكل وأرّج.

- مفيش راحة حبيبي أصلاً، إحنا عندنا النهاردة تحاليل، وبعدين ع

الدكتور، إيه نسيت ولا إيه؟!

- يااااه.. دا أنا نسيت فعلاً خالص، حقك عليّا، طيب ماشي خير، يلا

ناكل وننزل.

أحضرت إيمان الصينية التي بها الطعام وجلسا أمام التلفزيون يأكلان، وبعد أن انتهيا، دخلت إيمان غرفتها لتحضر ملابسها وتتجهّز للنزول بينما

جلس "حسن" منتظرها، ويفكر في الأمور التي تحدث له، وماذا عن هذا الملقى في المستشفى، وهو الآن أمام المسؤولية بعدما تركه الكل وحيداً يواجه عذابه.

خرجت إيمان من الغرفة جاهزة ثم نزلا سوياً للذهاب إلى المشفى لعمل التحاليل، والعرض على الطبيب.

جلس كُلاً من حسن وإيمان أمام الطبيب بعدما أجرت إيمان جميع الفحوصات، بينما الطبيب يطالع نتيجة التحاليل، ويراه حسن يرفع حاجب ويُنزل الآخر وكأنه مندهش من شيء ما..

توترت أعصاب "حسن" بينما كانت "إيمان" تجلس بثقة كأنها ليست بالمریضة التي يتفحصون نتيجة تحليلها.

ثم بعد أن انتهى الطبيب من مُطالعة التحاليل نظر لهما بدهشة، ثم نظر مُحدثاً لإيمان وسألها قائلاً:

- إنتي عملتي إيه ف الشهر إلی فاتت!؟

نظر "حسن" متوتراً قائلاً في نفسه:

- يا رب هوّن علينا إلی إحنا فيه، يا رب خير.. أعصابي مش مستحتملة خلاص.

ثم نظر لزوجته ورآها تجاوب الطبيب قائلة:

- أنا كنت ماشية على الكبسولات وكل أكلي كان من غير دهون، نيّ ف نيّ من غير زيوت، أكلت فاكهة كتير زي ما قلتلي، وبصراحة حسن مش مخليني عاوزة أي حاجة، هو سر فرحتي.
نظر لها الطبيب متعجبًا وتبسّم لها، ونظر لحسن قائلاً:

- طبعا إللي متجوزة من واحد زيك، وإن واحدة تقول كدا على جوزها تبقى ساحر لها، وواضح كدا إنك أنت سر العلاج.
عايز أقولك يا مدام إيمان إنك اتعافيتي بنسبة ١٠٠%.. ودي حاجة معجزة.

نظر كلاً منهما لبعضهما وابتسما وأخذا يُعانقان بعضهما البعض من الفرح.

ثم دمعت عيناهما، وسجد حسن شكرًا لله قائلاً:

- الحمد لله يا رب، الحمد لله إنك شفيت أعلى حاجة عندي.
نظر لهما الطبيب، ولم يقدر على كتمان فرحته بهما وقال لهما:

- ربنا يحفظكم لبعض، يا ريت كل إثنين متجوزين زيكم، والله ما كانش حد بقى عيان.
ثم أردف قائلاً:

- لو كل إثنين عرفوا يعني إيه إهتمام هيعرفوا يعني إيه حياة بجد. أهم حاجة حافظوا على الحب ده.

رد حسن قائلاً:

- شكراً ليك يا دكتور، وإن شاء الله العهد دا واخدينه من زمان إننا نحافظ عليه لحد آخر نفس لينا.

ثم خرج حسن وإيمان وهما مُمسكين بيد بعضهما البعض ومبتسمين إبتسامة جعلت كل من بالمشفى يقولون:

- إيه المجانين دول؟! في حد بييجي هنا ويطلع مبتسم كدا! دول شكلهم ترالي خالص.

خرجا من بوابة المشفى. ثم أخذت إيمان يد حسن وأخذت تركض به قائلة بعلو صوتها لحسن:

- بحبك، بحبك يا أحلى زوج ف الدنيا.
غير عابئة بنظرات الناس التي كانت تُحيطهم من كل جانب، وخرج الناس من النوافذ ينظرون على الزوجان المبتهجان الخارجان من المستشفى لتؤهما.

وفجأة توقفا وأخذ حسن إيمان بالحضن، وأمطرت السماء مطراً..
فصرخت إيمان:

- هيببييه... فرحانة أووي، إدعي الدعاء ف المطر مستجاب.

- ربنا يحفظك ليا، دي أجمل دعوة .

ثم دعا دعوة أخرى:

- وقال يا رب اشوف سامح تاني، وعارف إني بدعي دعاء مستحيل بس قلبي بيقوللي إنه لسه حي.
ثم نظرت له إيمان قائلة:

- إيه إللي بتقوله دا؟! مألّه سامح؟؟؟
نظرلها حسن بعدما تبدّل وجهه من الفرح للحُزن قائلاً:

- سامح مات هو وزوجته يا إيمان بعد ما إنتي تعبتي.
نزلت الكلمات كالصاعقة على إيمان وتغيرت ملامحها قائلة:

- إنت بتقول إيه؟؟
إزاي دا حصل. وإزاي خبيت عليّ؟ وإزاي كنت بتظهر قصادي إنك مبسوط ومفيش حاجة، وأنت من جواك حزين وبتفرحني؟

- لأنه ما كانش ينفع أحسسك بأي حزن أنا عايشه، ولأن كان مهم إني أسعدك ف كل لحظة عشان تخفّي من المرض اللعين.

أخذت إيمان نفسًا عاليًا ونظرت للسماء ثم لحسن قائلة:

- يا ااه يا حسن، كل دا حصل؟ دا أنت عانيت كثير أووي، وكل دا عشان بس تشوفني سعيدة؟! وإنت من جواك بتموت.. أصعب حاجة إنت عملتها ف الدنيا ومفيش حد يعمل كدا إلا حد زيك بجد،، مش قلتلك إنك جنتي؟ أنت فعلاً جنتي ف الأرض يا حسن.

- وإنتي يا إيمان ربنا يعلم حبي ليكي قد إيه وهفضل أفرحك حتى لو كان
من جوايا نزيف دم.

- ربنا يحفظك ليا ويسعدك.

وسط ظلام الليل دخل سيد وشوقي بين المقابر ليختارا مقبرة متوارية
ليجلسا بجانبها حتى يتلذذا بسيجارة حشيش بعيداً عن أعين الناس
والحكومة، وما أن دخلا في منتصف المقابر هرول شوقي قائلاً:

- تعالي نرّح هنا يا سيد، حلوة أووي المكنة دي.

- تمام يا صاحبي، دايمًا بتختار مكنة مخفية إيه.. لوز، يلا طلع السجاير
والحشيش خلينا نلف سيجارتين نعمّر بهم الطاسة ونخرج برا دنيا الهم
والغم دي.

ثم جلسا على باب المقبرة يلقآن السجائر.

استعاد "سامح" وعيه.. وأخذ يزحف حتى وصل إلى سلم المقبرة قائلاً:

- يا رب إديني القوة عشان أخرج للحياة تاني.

ثم أخذ يصرخ: يا الله!!!!

سمع سيد صوت من أسفل المكان الذين يجلسون عليه، ثم أخذته
انتفاضة مُفزعة.

- شوقي أنا سمعت حاجة من تحتينا... يلاً يا شوقي بقولك سمعت
حاجة من تحت المقبرة دي.

نظر له شوقي قائلاً بضجر:

- سمعت إيه بس؟ أمال أنا ما سمعتش ليه؟ هو أنا أشرب وأنت
تتسطل؟.. أقعد بقى وإهمد.

أخذ سامح يزحف على السلالم حتى وصل إلى باب المقبرة قائلاً بعلو
صوته:

- يا عالم ياللي هنا.. أي حد يفتحلي، أنا عايش.

ثم أخذ يضرب بكلتا يديه على باب المقبرة، وما أن سمع سيد وشوقي
هذا الكلام حتى أخذوا يرتجفان، وصرخ سيد بصوت ينتابه الفزع:

- عمّال أقولك في صوت هنا، المكان دا مسكون.
حاول شوقي أن يتظاهر بالقوة ويتمالك نفسه قائلاً بصوت مهزوز الثقة:

- يا عم وهو إحنا هنخاف من شوية عفاريت مالهمش لازمة؟ استرجل
كدا أمال.

ثم أخذ سامح يصرخ ويضرب على الباب:

- إفتحولي يا عالم.

انتفض شوقي وسيد فزعاً قائلين:

- بينا نجري من هنا، المكان فيه عفاريت.

رد سيد قائلًا:

- قال إيه بيقول إفتحولي... يخربيت أمك عفریت بجج كمان.

وأخذوا يجريان ويلهثان بعيداً عن المقابر، بينما ظل سامح يضرب على

الباب ويصرخ، ولكن لا أحد يستمع له حتى فقد وعيه.

أخذت أم أميمة تفكر كثيرًا ولا تعرف كيف تنام، ثم قالت في نفسها:

- أعمل إيه في الرؤية دي؟ لازم أعمل حاجة، أكيد في لغز.

يا ربي هو ممكن سامح فعلاً يكون لسه عايش؟

بس إزاي ف القبر والوقت ده كله ويكون لسه عايش؟ دا مستحيل و من

رابع المستحيلات وبعدين إحنا مش في زمن المعجزات يعني ولو كان عايش ف

زمانه مات!! لا لا.. أنا هكلم أخوه وأكون عملت إلي عليا ويشوف صرفة.

ثم أخذت الموبايل من على الكومدينو واتصلت على سامي، وبعد أكثر

من اتصال رد عليها قائلًا:

- الو.

- أيوة يا سامي ازيك عامل إيه؟.. معاك أم أميمة.

- إزيك أنت يا أمي.. والله أنا بخير وأهو الواحد بيجاول ينسى بس برضو في حاجة غريبة ومش عارف أقاوم إحساسي دا إزاي.

- أنا برضو كنت متصلة ببيك علشان أقولك لازم تحاول تروح تفتح قبر أخوك سامح.. أنا شوفت رؤية إنه بيستنجد .. هي مستحيلة بس قلبي فيه حاجة، وقلت أقولك وأنت أخوه ومن حقك تُطلب فتح المقبرة.

- إنتي بتتكلمي بجد يا ماما؟ يا رب يكون كدا فعلاً، أنا برضو في إحساس بكدا وعمّال أسمع صوته ف وداني، لو كدا هروح بكرا وقبل ما أروح هتصل بصاحبه حسن يبجي معايا ونشوف الموضوع دا، ويا رب يكون خير.

استيقظ حسن في الصباح الباكر على رنات تليفونه التي أخذت تتكرر..

ثم رد قائلاً بصوت خافت:

- السلام عليكم.

- وعليكم السلام.. أستاذ حسن معايا؟

- اه .. مين حضرتك؟؟

- آسفين ع الإزعاج .. مع حضرتك شريف من مستشفى الإخلاص،
بكلمك بخصوص المريض المهندس عماد السيوطي، محتاجين حضرتك
تحضر ضروري دلوقتي.

- طيب مسافة السكة وأكون عندكم إن شاء الله.

استيقظت إيمان من نومها ونظرت لحسن قائلة:

- في إيه يا حسن؟

- معلىش يا حبيبي لازم أنزل دلوقتي، المدير في الشركة إالي حكلك
عليه واضح إنه بيطلع ف الروح ومحتاجي في المستشفى.
رَبَّتْ على كتفه قائلة:

- ربنا معاك يا حبيبي.. لعله خير.

نظر لها حسن بدهشة قائلاً:

- خير إيه بس من ورا المدير دا؟ ربنا يتولاه برحمته من إالي عمله في
الناس.

- برضو لعله خير يا حسن.. ساعات الحاجات الوحشة بتكون هي سبب
فرحتنا بعدين، بس قول لعله خير دايمًا.

- هقول إيه.. لعله خير ما دام إنتي شايقة كدا.

وصل حسن إلى المشفى ثم دخل إلى الإستقبال سائلاً رجل يقف عليها
قائلاً:

- حضرتك الأستاذ شريف إلي كلمتي؟

- اه يا فندم أنا الأستاذ شريف أهلاً بيك إتفضل.

- أنا حسن تبع حالة المهندس عماد السيوطي.

- أهلاً بيك يا فندم.. ثواني أدخلك للدكتور.

- إتفضل.

دخل الأستاذ شريف لغرفة الدكتور ثم بعد بضع لحظات خرج قائلاً:

- أستاذ حسن.. إتفضل.

دخل حسن على الطبيب مُسَلِّماً عليه بيده:

- أهلاً يا دكتور، خير؟ طمني.

- للأسف يا أستاذ حسن، هوفاق من الغيبوبة بس الحالة بتسوء
وتعتبرف اللحظات الأخيرة، تقدر تُدخُّله وتشوف لو ليه وصية أو أي حاجة.

- تمام يا دكتور.. دخِّلني ليه.

ثم قام الطبيب خارجاً من غرفته مُتجهاً لغرفة المهندس عماد السيوطي
ثم تتبعه حسن حتى وصلا للغرفة ونظر الطبيب لحسن قائلاً:

- إتفضل أدخل، هسيبك معاه على انفراد والممرض موجود في خدمتكم جنبيكم.

- تمام يا دكتور، كتر خيرك.

دخل حسن ناظرًا إلى الجسد الممدد على السرير لا حول له ولا قوة وهو يهذي بكلمات غير مفهومة ثم نظر له حسن قائلاً له:

- يا باشمهندس عماد، قول لا إله الا الله، أو قول أي ذكر خير. وبعد أن قال هذه الكلمة تغير وجه المهندس عماد ثم قال:

- عندك خصم يومين.

- أنت إيه إيلي بتقوله دا؟

فجأة ملامح حسن تغيرت لدهشة وكادت دموعه تسقط من عينيه قائلاً في نفسه:

- دا وقته الكلام دا تقوله؟ دا أنت هتقابل ربنا.

ثم رفع صوته قائلاً له:

- بالله عليك قول لا إله إلا الله، لأن "من كان آخر كلامه لا إله إلا الله دخل الجنة".

ثم جاء الرد:

- إنتوا جايين ليه وعايزين إيه مني؟.. كل شوية تيجوا بالنار إيلي معاكوا؟ .. إمشوا أنا محدش يقرب مني.

ثم ازداد ارتجافًا وقال:

- لا لا ناربتحرقني، مش قادر جسمي بيولع.
نظر له حسن وهو يبكي على ما يراه وعلى سوء خاتمه قائلاً:

- يا رب رحمتك.. يا رب أسألك حُسن الخاتمة يا رب.
ثم نظر له محاولاً إنقاذ موقفه.. ثم جاءه الرد:

- مش قادر أقول حاجة، مش عارف أنطقها، واقفين ليا محاوطني
ومفيش مفر، مفيش مفر.. أنا خلاص تحت إيديهم، وأنت عشان ساكت
كده ومش بتعمل حاجة أنا هرفدك مخصوم منك الشهر كله.
ثم ارتجف رجة شديدة ونظر برعب شديد ناظرًا للسماء ثم سكن كل
شيء بالجسد.... وتحوّل الوجه لسواد قاتم.

نظر حسن للموقف ثم ارتجفت أوصاله ولم يعد يحتمل أن يحمل
قدميه، ثم قال:

- إنا لله وإنا إليه راجعون.
ثم خرج من الغرفة وعيونه تذرف دمغًا، ثم أجرى اتصالاً بأخيه الذي
رفض مصاحبته وهو مريض ووافق أن يحضر جنازته هو وعدد لا يتعدى
أصابع اليد من أفراد عائلته من أجل أن يتأكدوا من موته وأن يتقاسموا
التركة، ثم أجرى إتصالاً بالزملاء بالشركة وأقنعهم أن يحضروا جنازته
ويتبعوها من أجل الإنسانية..

ثم جاءته اتصالات هاتفه من سامي.. رد عليه قائلاً:

- السلام عليكم..

- وعلیکم السلام حسن.. عامل إیه؟!!

- الحمدلله على كل حال، وأنت؟!!

- الحمدلله، والله كنت عايزك ف حاجة يا حسن ومفیش غيرك.

- خير يا سامي.

- أنا بقالي فترة بشوف سامح ف أحلامي، حتى طنط أم أميمة ربنا
يرحمها شافت رؤية إن سامح بيستغيث بينا وقالتي روح إفتح قبره وشوف،
وأنا عارف إنك ما تعرفش قبره لأنك ما كنتش معانا، بس عايزك تيجي معايا
ونشوف إيه الموضوع.

- والله أنا كمان حاسس إحساس غريب، والله يمكن إللي بتقوله يكون
صح.. بس مش معقول المدة دي كلها.

- مفیش حاجة بعيدة على ربنا.. هو النهاردة كدا ٢٣-١-٢٠١٨ شهرين إلا
كام يوم.

- طيب يا سامي أنا عندي دفنة هخلصها لأن مدير شركتنا مات النهاردة
وبعديها هقابلك ونروح.

- هو مات أخيراً؟ دا أنا دعيت عليه دُعا.. الحمدلله ربنا استجاب لأنه
ظلم سامح وافترى عليه بكلامه.

- خلاص بقى يا سامي هو مات دلوقتي وربنا يتولاه برحمته.

- طيب يا حسن خلّص وكلمني ونروح، لأن الراجل دا ما أمشييش ف جنازته ولو إيه حصل.

- ماشي يا سامي.. هخلص وأكلمك.

أجرى حسن جميع الإجراءات الخاصة بالمشفى وتم تغسيل المتوفى، وتم وضعه في نعش وحضر كل من في الشركة وأخو المهندس عماد السيوطي وبقية من أهله ثم تقدم مجموعة ليحملوا المهندس عماد السيوطي إلى سيارة الموتى حتى يصلوا عليه ومن ثم يدفنوه، وعند حملهم له لم يقدرُوا من ثقل النعش أو بالأصح من كثرة ذنوبه، جاءت مجموعة أخرى تحمل النعش وحملوه بصعوبة شديدة وهم يرددون "لا حول ولا قوة إلا بالله.. إنا لله وإنا إليه راجعون".

ثم دخلوا عليه لصلاة الجنازة وحملوه إلى السيارة مرة أخرى ليذهبوا به إلى المقابر الخاصة بالشركة.

بعد طول عناء وزحام الطريق أكثر من ساعتين من الوصول إلى المقابر، وقفت السيارة عند آخر مكان يسمح لهم بالتجاوز ولا بُد من حمل النعش في وسط الصحراء التي تؤدي إلى المقابر، وبالفعل أخذ حسن مُسرعاً إلى النعش هو وأخو المهندس عماد السيوطي ومجموعة من الزملاء بالعمل وحملوا النعش، وفي أثناء سيرهم جاءت ريح شديدة بتراب لم يقدرُوا على مقاومتها فسقطوا على الأرض وطار النعش، في وسط رياح وإعصار شديد

أذهلهم جميعًا لا يعلمون كيف حدث وجدوا العُجاب أن النعش تكسّر
أشلاءً، ووجدوا مديرهم بدون كفن وملقى كما ولدته أمه ووجدوا الكفن
مُمزّق لخيوط صغيرة.

وقف الكل ينظر بدهشة واستغراب وجميعهم ينظر للآخر.

تكلم حسن قائلاً:

- "إيه اللي بيحصل دا؟؟ مش معقول..... أول مرة تحصل حاجة زي
كدا، لا حول ولا قوة الا بالله..
رَدَّد أخوه مُجيبًا:

- من أعماله السودا إلي عملها فينا، كان دايمًا يجيب ف سيرة الناس
ويفضحهم.. ربنا فضحُه.
ثم خلع مَنْ كان يرتدي أكثر من شيء وغطُّوا به كامل جسده وحملوه
بدون شيء، وظلوا يسIRON به حتى وصلوا إلى التربة.

ثم وجد حسن التري واقفًا وقال له:

- التربة جهزت يا ريس؟

- معلىش التربة إلي كنت مجهزها جالها واحد على غفلة ودفنته...
هفتحلکم قبر حالًا ونكرمه إن شاء الله.

ثم نظر التربي للجثة ليلاحظ أنه لا يوجد نعش ولا كفن مثل الجميع، ثم تكلم قائلاً:

- أمال هو ليه مش متكفن؟ وفين النعش؟!

- والله جات ريح جامدة والنعش اتكسر والكفن اتقطع كلّه.

نظر التربي وقد تغيرَ وجهه لعلمه بهذه الأحداث وأنه من الواضح أن المتوفّي أعماله كانت سيئة، وقال:

- لا حول ولا قوة إلا بالله.

انتهى التربي من تجهيز المقبرة ثم خرج إليهم قائلاً:

- يلا كام واحد يساعد معايا عشان ننزل الميت للتربة.

سار أخوه ومجموعة أيضاً معه ثم حملوه وعند وقوفهم على القبر وعند أول الدرج نزولاً للقبر نظروا أسفلهم وارتجف أخوه ممّا رآه، فنظر التربي ليجد ثعبان أسود كبير الحجم ينتظر بالمقبرة ومُخرَجاً لسانه عدة مرات، وقال التربي:

- إرجعوا بهدوء، عشان في ثعبان تحت.

وقفوا جميعاً على حافة القبر ينظرون إلى الثعبان الذي لا يعلمون من أين أتى.. رد الموظفون الذين أتوا ليمشوا في جنازته:

- ده من أعماله السوداء.. أديها بتشرف أهى.

رد التربي قائلاً:

- طب والحل إيه؟ ما نرميه وخلص وده عمله.
رد حسن قائلًا:

- لاء ما ينفعش، معلىش يا ريس افتح ليينا تربة تانية.
رد التربي بضجر قائلًا:

- طيب لما نشوف آخرتها إيه؟
وبعد بضع من الوقت تم فتح تربة أخرى وجاءوا ليدخلوه التربة وجدوا
النار قد اشتعلت بداخل القبر!!

وقف الجميع مذهولاً ومنهم من يدعو له بالرحمة، ومنهم من يقول يا رب
رحمتك ولطفك بينا، ومنهم من أعلن توبته في الحال.

نظر حسن إلى تامر أخو المهندس قائلًا له:

- أستاذ تامر أنا عايز أعرف إيه السر إللي وصل أخوك لكل ده وإن
نهايته تكون كده؟ ومش عارفين ندفننه لحد دلوقتي، ده يا راجل كان وهو
بيحتضر عمال يدي في أوامر وخصومات اه هو إللي كان بيعمله فينا في
الشركة كان كثير، وظلم ناس لكن إيه السر إللي خلّاه وصل ل كده.
نظر له تامر قائلًا:

- السريا أستاذ حسن من وهو صغير أبونا كان مُضطهده، دايمًا كل
تعامله معاه أوامرو بس حتى الصلاة ما عرفهوش هو بيصلي ليه؟ هو كان
يقول له تعمل إللي أقولك عليه وأنت تقول حاضر وبس، وكانت معاملته
قاسية.. ضرب كلها على أي حاجة ف أخويا، كان كاره لأبوه وكره الدين وكان

بيعمل أعمال مش كويسة من سبّ للدين وإنه لحد دلوقتي ما اتجوزش لأنه مشبه مش كويس، وحاجات كتير ربنا يعافينا، وطبعًا ما ركعهاش من زمن، ده غير لما أبونا مات من حقدُه علينا أكل حقنا وبصم أبويا وهو ميت في قبرة على تنازل بالورث ليه، عمرك شوفت كده؟ من جمود قلب وكأنه بقى حجر مش قلب خالص، ده غير إنه كان سبب في موت أمنا بعد ما عرفت إالي عملُه طبعًا اتخانقت معاه وقالتلُه أنت ميت بالنسبالي، وأنا بندم على اليوم إالي ولدتك فيه، ودعت عليه دعوة عمري ما أنساها، قالتلُه: روح ربنا يسدّ الأرض كلها في وشك، وكان رده عليها جحود وإنه نفسه إنها تموت وقالها ليا في وشها، وطبعًا محدش فينا بقى قادر عليه لإن زي ما إنت عارف هو جسمُه عامل إزاي.. ربنا عاطيه قوة وجبروت للأسف مستغلها كلها في الشر، ده غير بقى كلامه عليًا أنا وزوجتي، وبيتكلم في أعراض الناس ويخرب بيوتها، وحاجات كتير أوي لو قعدت أحكيك من هنا للصبح مش هتصدق إن ده إنسان، وكلمة إنسان حرام تتقال لي زيّه وعلى شاكلته.

تعجّب حسن مِمّا سمعُه ولم يُصِدِّق ولكن الشواهد جميعها تقول أن مَنْ يكون هذا نتيجة آخر لحظات على الدنيا أكيد كان أكثر سوءًا من هذا، ثم نظر إليهم التربي قائلًا وهو ينفض يديه وطارقًا بها:

- بصوا بقى كده أنا مفيش تُربة تاني عندي، وآخر حاجة هعملها هنتح قبر لسه صاحبه ما بقالوش شهرين فيه.. وده للضرورة أحكام وربنا يسامحنا بقى، أهم حاجة الكل يسد مناخيرُه لأن الريحة هتكون صعبة أوي، وأنا بقولكم والكلام للجميع مهما يكون هندفنه فيها.

نظر حسن للتربي موافقًا وأخو "المهندس عماد السيوطي" أوماً بالقبول
وكان هذا هو آخر حلاً،

ثم شرد حسن في كلام التربي قائلاً في نفسه:

"واحد مدفون ما باقلهوش شهرين؟ معقول يكون القبر إالي هينفتح دا
هو قبر سامح؟؟ هو سامح اتدفن هنا؟؟" أدينا هنشوف، يا رب يكون خير.

ذهب الجميع من أمام القبر وهم يحملونه وقد انهارت الأعصاب من
هول ما رأوا جميعاً، وسار الجميع ببُطء شديد تكاد أقدامهم لا تتحمل
السير أكثر من هذا، ثم اقتربوا إلى المكان الذي به القبر الذي سيقومون
بفتحه، وما أن اقتربوا حتى شعروا بشعور غريب، وشعر حسن بنبضات
قلبه تتسارع، وكأن شيئاً ما في الانتظار.

(٩)

"ما دمت لديك حُسن ظن بالله، فتأكّد أنه سيفتح لك أبواب الأمل مهما
طال وقت البلاء..."

فهل من مُعتبر ليُحاول أن يُصلح ما تبقي؟!!

أم لا بُد من إختبار يُدَمِينا دَمًا؟!!

في وسط الظلام الدامس..

يرفدُ سامح على سلالم المقبرة بعد أن شعر بتعب من كثرة الصرخات والطرق لعل أحداً يسمعه وأحس أنه بدأ يختنق شيئاً فشيئاً، حتى سمع خطوات تقترب إلى قبره، تهلّل وجهه بالأمل بعد أن سمع صوت أحدهم يقول:

- هي دي التربة إلي هنفتحها؟
قال في نفسه:

- يا ترى قصدهم إلي أنا فيها ولا واحدة تانية؟ لازم أحاول أعمل أي حاجة عشان يفتحوا ليا، لازم ألفت انتباههم.
أخذ يصرخ قائلاً:

- يا عالم، حد يفتحي الباب، يا ناس حد يسمعي.
وأخذ يضرب بكل قوته على الباب حتى سمع التُّربي أن هناك صوتاً بالداخل.. ولكن قال في نفسه:

- دا أكيد تهيؤات.
وأخذ يحاول فتح المقبرة.

بينما أخذ حسن ينظر مترقباً بينما تتصارع نبضات قلبه وكأنها تكاد تُخبره

"أنه قد حان الوقت لنهاية قلقك".

دخل حسن إلى مكتب سامح وهو يشرب القهوة الخاصة به قائلاً له:

- عايز أفضفض معاك شوية لأنني تعبان أووي وحاسس بضيقة كبيرة.
نظر سامح له بتمعن قائلاً:

- أنا عارف أنت بتفكر ف إيه وسبب خنقتك.... أكيد بسبب الخلفة.

- دي حقيقة يا سامح .. والله أنا راضي، بس مش عارف ليه الخنقة دي
بتجيلي، إحساس صعب أووي.

- عارف يا حسن.. الإختبارات ساعات بتكون صعبة أوي بس تفتكر ليه
يا ترى؟

- أكيد عشان تعلي مكانتنا ف الجنة.

- ولا حتى دي يا حسن.... أصلاً محدش هيدخل الجنة غير برحمة ربنا
لكن المغزى إن ربنا بيختبرنا ساعات عشان بنكون مقصّرين أووي وبيحب
إنه يسمع صوتنا وإحنا بندعيه وبنلج عليه "يا رب" عشان ببساطة تقرب
منه ويسمعك ويشوف هو أنت فعلاً بتحبّه ولا أي كلام؟ لأن:

المواقف هي إلهي بتبيّن كل إنسان على حقيقته يا حسن.

- إلهي يسمعك يا سامح يحس إنك إيه ملاك وشيخ وما يعرفش إنك
ساعة وساعة.

- عارف يا حسن، أنا عارف إن ربنا ف يوم هيصالح حالي وهيرحمني
وهيديني فرصة عشان أثبت على طريقه، وأنا واحد طمعان في رحمته.

- ربنا يصلح حالك يا سامح.... بس إنت تفتكر إن في أمل إني ف يوم
يكون عندي ابن؟

- أنت بتتنفس ولا لأ يا حسن!؟

- أُمال واقف قدامك إزاي يعني!!

- خلاص ما دام فيك الروح يبقى في أمل يا حسن... والله لو ربنا أراد
شيئاً بيقوله "كُن فيكون" أصحاب الكهف ربنا خلاهم يناموا ٣٠٠ سنة
وخلّاهم بعدها يصحوا ويرجعوا للحياة لعشان بس يعلمهم آية واحدة من
آياته.

تفتكر مش قادر يجعل لك ذرية؟ بس كل وقت زي مايقولوا "ليه أذان"

إظمن وإعرف إن ربنا مُمكن يغيّر قوانين الكون دا كُلّه لعشانك أنت يا
حسن أو أي واحد.. بس يكون صادق النية من جواه، والله والله ممكن
يموتّ ناس، ويحيي ناس لعشان بس يحققك حاجة بسيطة ليك، إوعى
تقول مستحيل في يوم، إوعى تقول مستحيل في يوم.

عاد حسن من ذكرياته وهو يشاهد الثُربي وقد حان وقت فتح القبر،
وأخذ يُدخِل المفتاح داخل القبر، وفجأة سمع الجميع صوت من داخل
القبر وارتجفوا جميعاً رجفة واحدة وتظاهر كل منهم بالتماسك... ما عدا
حسن كان يبتسم.

بينما كانت إيمان تقف بالمطبخ حتى شعرت بدوار شديد، لم تتمالك نفسها، ثم أمسكت بالهاتف وأخذت تتصل بحسن ولكن لم تجد إجابة، ثم دخلت إلى المرحاض وأخذت تتقيأ كل ما في معدتها، وانتابها الشك قائلة في نفسها:

- يا رب إيه دا؟؟ مستحيل يكون الدكتور ضحك علينا، دا قال إني خفيت من تعي.

وأخذ الدوار ينتابها بشدة كلما وقفت وأخذت القرار للنزول إلى الطبيب لتتأكد بنفسها من الأمر، حتى وإن كان المرض ما زال بها فهي عازمت أنها لن تُخبر حسن، ثم جهّزت نفسها وأخذت حقيبة يدها ونزلت مُسرعة إلى الطبيب الذي تقطن عيادته بجانب شارعهم، وما أن وصلت للطبيب وشرحت له كل شيء عن مرضها وما شعرت به، فكان رده عليها قائلاً بعد أن كتب في ورقة شيئاً ما:

- أدخلي غرفة التحاليل وإعملي التحليل دا
دخلت مسرعة وأخذت المُرضة جرعة دم من يدها، وما أن انتهت
جلست تنتظر نتيجة التحليل..

عادت المُرضة وطلبت من إيمان أن تعود للطبيب مرة أخرى، وبعد أن تفحص الدكتور التحاليل ورأى النتيجة أصابته الدهشة، ثم نظر إليها..
بينما كانت إيمان تنظر إليه نظرة خوف وقلق.

أخذ الجميع يقف بقلق واضح وكل منهم يقول:

- فتحنا قبر كان فيه تعبان، وقبر تاني كان فيه نار مولعة، يا ترى

هيحصل إيه تاني في القبردا؟

وما أن فتح التُّربي باب القبر حتى شَعر سامح بضوء أعماه مؤقتًا لأنه

ظلَّ فترة بالظلام ثم شَعر بهواء بعد أن كاد يختنق ويموت من قلة

الأكسجين أخذ يزحف على السلم، بينما نظر التُّربي فوجد شيئًا يتحرك وهو

لا يرى في الظلام، ما هذا الشيء؟ وما أن ظهر على عتبات السلم للنور حتى

شهق التُّربي من الرعب، وسقط من هول صدمته صامتًا في الحال، ونظر

الجميع متعجبًا مما حدث للتُّربي حتى يسقط لا يعلموا إن كان قد أغشى

عليه أم مات أم حدث له دوار؟

حتى على حين غُرَّة وجدوا من يَخْرُج لهم من القبر زاحفًا مُكفَّن الجزء

السفلي من جسده بينما الجزء العلوي عاريًا، وشعره يقف منتصبًا باللون

الأبيض، ففزع الجميع وهرولوا بالهروب وألقوا بالجثة على الأرض وهم

يقولون:

- الله يجحملك مطرح ما روحت، الله يخربيت معرفتك على اليوم إلهي

اشتغلنا فيه في شركة إنت فيها، بقى يطلع لنا ميت؟

وأخذ أخوه يركض بعيدًا وهو يقول:

- دي كانت إخوة هباب على دا يوم كنت فيه من أهلنا.

هرب الجميع بفلت بروحُه بعد أن شاهدوا ميتًا يخرج زاحفًا من القبر،

بينما وقف حسن ثابتًا لا يعرف هل يخاف ويرتعب من منظر سامح بعد

خروجه من القبر:

أم يتقبل ما شاهده من أهوال وصلت به الحال إلى أن يكون بهذا المنظر.

أخذ حسن يُسرع إلى سامح بعدما نظر كل واحد منهما للآخر وابتسم حسن، بينما أخذ سامح يبكي وأخذ يحاول أن يجعل سامح يقف ولكن قدماه لا تستطيعان الوقوف، وظل يُكلم سامح قائلاً:

- ما تخافش يا سامح هتقوم وهترجع زي الفل وأحسن بكتير، وحشتني أوي يا صديقي الغالي.. كده كل ده يحصل وأنا معرفش؟ عارف إنت كمان لما تعرف إليلي حصل لي من صدمات هتعرف إنك مش لواحدك وأديني قمت أهو وانت كمان هتقوم، عايزك تتمالك نفسك أرجوك، أرجوك اقوى على نفسك شوية.. إنت عدّيت بالأكثر من كده ما تجيش عند آخر مرحلة وتسمح لنفسك بالهزيمة، إياك يا سامح أرجوك.

وأخذ حسن جثة " المهندس عماد السيوطي " وألقى بها في القبر بدون أي مقدمات وأغلق عليه،

أمسك حسن بالهاتف غير عابئ بشيء واتصل بالإسعاف موضِّحاً لهم مكانه بالتحديد، وبالشريطة حتى يوثق الأمر، ويصبح الأمر معلناً للجميع، وإذ به وهو يقف بجانب صديقه سامح الذي يقف محاولاً الصمود على ركبتيه وفجأة قطع سامح حبل الأمل وسقط بدون مقدمات مُعلنًا دخوله لمرحلة أخرى الله وحده الذي يعلم بها.

ذهب حسن مع سيارة الإسعاف بعدما جاءت الشرطة وسجّلت محضراً بما حدث كلّه، وتم إستدعاء شقيق المجني عليه لاستجوابه كيف دُفن وهو حي؟ بينما وقف حسن بالمشفى يترقّب حالة صديقّه سامح مع الطبيب، حيث أن قِلّة مَنْ وافقوا على مُعالجة حالة سامح بينما الآخرون انتابهم الخوف والدُّعر، وبعدهما علقوا المحاليل لسامح وتم نقل الدم له وهو لا يزال فاقد للوعي في غيبوبة تامة.

ثم خرج الطبيب شارحاً لحسن وضعه قائلاً:

- حالة صاحبك سيئة جدّاً، عايز أقولك إنه يمكن أنقذناه على آخر نفس ليه، المدة إللي قعدنا في القبر دي كانت كفييلة إنها تكون موّتته، ويكون اتجلّل كمان، إللي حصل له دا مُعجزة أو حاجة إلهية تدخّلت عشان يكون لسه حي لحد دلوقتي.

- الحمدلله إنه حي .. الحمدلله.

ثم نظر حسن للطبيب قائلاً:

- يعني ممكن يستعيد حالته تاني في حوالي قد إيه يا دكتور؟

- دي ربنا إللي يعلم بيها، هو في غيبوبة تامة، ودلوقتي إحنا بنغذي الجسم الوقت إللي قعدّه دا كلّه وبنحاول نستعيد نشاطه تاني وده مش سهل، والتغيّرات إللي حصلتلّه دي هتفضل كده مش هنقدر نرجعه زي الأول لإن الأهوال إللي شافها دي كانت لوحدها كفييلة تقضي عليه تاماً، ده الواحد منّا لما يقطع النور ويتخيل حاجة يبقى كإن قلبه هيقف.. ما بالك بيه؟!!

- يا دكتور ده هو عمرة ٣٧ سنة هيكملهم بعد ٣ شهور، وشكله يديه فوق ال ٦٠ سنة!

- كل حاجة ولها ضريبة يا أستاذ حسن .. بس هو يفوق من الغيبوبة الأول.

- خير إن شاء الله.

أخذ حسن هاتفه واتصل بسامي أخيه بينما كانت تجلس بجانبه نوال زوجته وأخبره بما حدث وأن أخوه ما زال حيًا وفي المشفى الآن، وما أن سمع سامي الخبر ابتسم وتهلّل وشكر الله عز وجل بينما زوجته انتابها القلق.

ثم قال له أنه لا بد أن يذهب لقسم الشرطة لأخذ أقواله ليحققوا في الأمر كيف دُفن حيًا؟

بينما أغلق سامي المكالمة وأبلغ نوال زوجته بالتطورات وردّت عليه بدون فرحة على وجهها قائلة:

- ألف مبروك الحمد لله إنه طلع عايش، ده بسبع أرواح.. مش معقول!

نظر لها سامي قائلاً:

- أنا هنزل علشان أشوفه وأروح القسم علشان محتاجني في التحقيق إنه إزاي إتدفن حي.

وما أن سمعت نوال هذا الخبر حتى تحوّل وجهها لجميع الألوان والقلق ظهر عليها ثم قالت:

- قسم إيه إيلي تروحه؟ لأحسنّ يلقّقولك تهمّة. سيبك منهم دول ما بيصدقوا.

- تهمّة إيه بس؟ بطلي كلام هبل، إنتي دماغك باظت من الأفلام إيلي بتشوفها.

ثم أخذ يُجَيِّز ملبسُه بينما أخذت نوال تفكر.

دخلت إيمان بيتها بعدما عادت من عند الدكتور وهي لا تعرف هل تفرح أم هل تبكي أم ماذا!!!!

ثم جلست على كنبه الأنتريه المواجهة لباب شقتها تستعيد ما قالته
الدكتور لها:

- مش عارف أقولك مبروك وأفرحك ولا أقولك مبروك وأحزنك!
- خير يا دكتور؟ ملامحك مش مطمئاني.. قول السرطان رجع ليا تاني؟
- لا لا الحمد لله مفيش الكلام ده، إيلي عايز أقوله ليكي مبروك إنتي حامل.

نظرت له وهي مُحدقة لا تعي ما يحدث، ثم قالت:

- أنت بتقول إيه يا دكتور؟ إزاي؟؟
 - إنتي حامل ودي إرادة ربنا
- ابتسمت إيمان ووقفت بفرح وسعادة وكأن الدنيا كلها تضحك لها ونزلت من عيونها دموع فرحة.

ثم نظر لها الدكتور نظرة أُخرى مريبة قائلاً:

- بس ده خطر عليك يا أستاذة إيمان، إنتي لسه خارجة من مرض
ومناعتك ضعيفة، يا تنزلي الحمل ده علشان إنتي تعيشي يا إما تكلمي
الحمل ده.. بس إنتي إيلي هتموتي! وآسف على المصارحة الشديدة بس لازم
أكون صريح معاكي.
عادت من فرحتها وهي تبكي بشدة قائلة:

- يا رب أي إختبار ده؟

ما أصعب أن تكون في إختيار بين روح تعيش بها وروح تحيا بها
الإختبار صعب أووي يا رب.

وبينما هي على هذه الحالة وجدت باب الشقة يُفَتَح ودخل عليها (حسن)
ووجدها بملابس الخروج تجلس وتبكي، ف اقترب منها ماسحاً
دموعها قائلاً:

- مالك في إيه يا حبيبتي؟ بتعيطي ليه؟ والله أنا اتأخرت وما رديتش
عليكي علشان كنت حاجة عُمَرها ما حصلت وكأنها معجزة .
نظر لها وهو يبتسم ثم أردف قائلاً:

- صاحبي عايش يا إيمان، سامح عايش، وإحنا بندفن الرجل الثاني
لقيته طالع من القبر ووديته المستشفى، وهو في غيبوبة دلوقتي ولكن إن
شاء الله هيتحسن.

نظرت له إيمان وابتسمت فرحًا له لأنه وجد صديقه ثم ظلت صامتة.
ثم سألتها:

- شايك بلبس الخروج.. إيه خرجتي روحتي فين ومالك في إيه؟
نظرت له إيمان وبدأت الدموع تعاود من جديد، وفجأة أجهشت بالبكاء
وارتمت بحضنه قائلة:

- الإختبار صعب أوي أوي يا حسن.
نظر لها حسن باستعجاب قائلاً:

- في إيه يا إيمان؟ قوليلي.
- وأنا قاعدة في البيت حسيت بتعب ودوخة وقيء لبست ونزلت روحت
للدكتور عمل ليا تحاليل وبعديها...
نظر لها حسن بعد أن صمتت قائلاً:

- بعديها إيه إيه يا إيمان السرطان رجع تاني؟؟
- يا ريتته، كان رجع أرحم من إلهي أنا فيه دلوقتي.

نظر لها حسن متعجبًا أكثر قائلاً:

- أُمال إيه بس؟ نَشَفِي دمي ما تنطقي.
- أنا حامل يا حسن وما تسألش إزاي، إرادة ربنا.
ابتسم حسن قائلاً:

- وبتقولها عادي كده وعمالة تعيطي، وقالبة الدنيا وكإننا متجوزين في السر؟! ده أجمل خبر سمعته في حياتي، أنا مش عارف أقول إيه بجد يا إيمان.

- للاسف يا حسن إلي ما تعرفهوش إن الحمل ده خطر عليا، والدكتور قاللي يا إمّا أنزل الحمل وأعيش يا إمّا الحمل يكمل وأموت، وأنا مش خايفة من الموت.. أنا كل زعلي إني أموت وما أشوفش بنتي ولو لحظة واحدة قبل ما أمشي.

وما أن سمع حسن هذه الكلمات نزل على الأرض بركبتيه ودموعة سبقتُه وردّد قائلاً:

- يا رب.. يا رب إيه الإختبار ده؟

خرج سامي مسرعاً من منزله ليُلقي نظرة على أخيه وهو بالطريق، وأخرج هاتفه واتصل على أم أميمة قائلاً:

- إزيك يا أمي.. عاملة إيه؟

- الحمد لله يابني ماشي الحال

- أنا بتصل علشان أقولك خبر مفاجأة.. رؤيتك اتحققت يا أمي،

سامح عايش بأعجوبة وهو في المستشفى ورايح أشوفه بيقلوا في غيابوبة. تغيّر صوتها وظهر على نبراتهما الفرح قائلة:

- بجد يا سامي؟ سامح عايش؟

- اه يا أمي لسه صاحبه حسن مكلمني وهو إلي راح وأنقذه، أنا طبعاً

معرفش لسه التفاصيل بس هعرف كل حاجة.

- أَلف حمد وشكر لِيك يا رب على إِنْه عايش، دي أميمة وصِيتني عليه أوي في الرؤية، ولازم أنْفِد وصيتها لازم آجي وأشوفُه.
- تعالي بس من غير الأولاد وما تجيبيش سيرة بحاجة لِيهم، خليم فاكِرِنْه إِنْه مسافر، ولما يفوق من الغيبوبة يرجع لِيهم زي ما كانوا شايفينه آخر مرة .
- ثم أغلق المكالمة، وبعد دقائق وصل المشفى وسأل في الإستقبال ووجّهوه على غرفة ٣٠١ بالعناية المركزة، ذهب مسرعًا وما أن وصل ووقف أمام باب الغُرفة وجد أمين شرطة يقف حارسًا لها فقال له:
- أنا عايز أدخل أشوف أخويا سامح، أنا سامي أخوه.
- أنت أخوه؟
- اه أنا.
- طيب هدخلك تشوفُه ونرجع للظابط علشان عايزك .
- ثم دخلا سويًا وما أن دخل وألقى نظرة على سامح، أغشِي عليه، وأمسك به الأمين وقال بعلو الصوت:
- يا دكتور إلحقي .
- جاء الدكتور مسرعًا مع الممرضات وأخذوا سامي لغُرفة أخرى وقاموا بالإفاقة، وبعدها بلحظات فاق من الإغشاء قائلاً:
- ده مين يا دكتور؟
- دا أخوك.. بس إالي شافُه مكنش سهل، كان لازم ملامحُه كلها تتغير، إحمد ربنا إِنْه لسه بيتنفس.. دي معجزة .

ثم أخذ يبكي على ما وصل له أخوه سامح وقال في نفسه:

- يا ريتك مُتَّ أحسن ما تشوف نفسك بالحالة دي.. ربنا يهونها عليك.
نظر له أمين الشرطة قائلاً:

- اتفضل معايا يا حضرة علشان الضابط عايز يحقق معاك.

دخل سامي إلى قسم الشرطة ثم أخذهُ الأمين إلى الضابط أسامة الحاييس، ثم جلس أمامه وتم فتح التحقيق، نظر له الضابط نظرات شك سائلاً إياه:

- اسمك بالكامل وسنك ومهنتك

- سامي محمد أحمد فؤاد الحسيني ، سني ٤٥ سنة، بشتغل تاجر ملابس.

- إحكي لي عن اليوم إلي حصلت فيه حادثة أخوك سامح بالتفصيل لأنك متهم أول قدامنا ب إنك قُمت بدفئته وهو لسه حي.
نظر سامي متعجباً وقائلاً:

- متهم؟ وبالقتل!! أنا أقتل أخويا وهو حي؟ إزاي!!

إلي حصل إني جالي مكاملة من بواب العمارة قاللي تعالى بسرعة علشان سمعنا صرخة من بيت أخوك، وبنخبط الباب محدش بيفتح لينا، جريت بسرعة وسبت كل حاجة وفضلنا نخبط محدش فتح كسرنا الباب، ودخلت جوه لقيت مرات أخويا على الأرض وأخويا واقع عليها وكان في جمهم ورقة مكتوب فيها رسالة من أميمة كاتبة فيها إنها ماتت بسبب إهماله ليا وأنه كان يوم ميلادها، وواضح إنه نسي وبعد ما افتكر راح على البيت بس راح متأخر، وقرأ الورقة ووقع من الصدمة قولنا مات، وساعتها اتصلت بنوال زوجتي قولت ليا الوضع وإنها تيجي وتجييب دكتور معاها وجات، والدكتور كشف وهو إلي قال إنه مات وخلص لينا الإجراءات وأهو.. ثواني أطلعك تقرير الدكتور من محفظتي ولأني لسه محتفظ بيه.

- أنت بتقول إن زوجتك هي إلي جابت الدكتور وهو إلي شخص وخلص الإجراءات صح؟

- اه ده إلي حصل، وأدي التقرير.

أخذ الضابط التقرير وأطلع عليه ووجد التقرير باسم الدكتور مصطفى الحناوي، ثم نظر لسامي قائلاً:

- اسم زوجتك إيه بالكامل؟

- نوال أشرف هلال السعدني

ثم قال الضابط:

- نأمر نحن رئيس المباحث/ أسامة الحاييس بإحضار الدكتور مصطفى الحناوي ونوال السعدني للتحقيق معهم، ويخلي سبيل سامي محمد أحمد فؤاد الحسيني بضمن محل إقامته.

جلس حسن بجوار إيمان بعد أن هدأ و ظل يُطبطب عليها ثم قال لها:

- إنتي عندي أهم من مليون طفل يا إيمان، إنتي هتنزلي إلي في بطنك لأن حياتك عندي أهم.

نظرت له إيمان بعد أن استجمعت نفسها قائلة:

- لاء يا حسن المرة دي لأء أنا إلي لازم أموت وابني يعيش.. أنا كدا كدا ميتة وكلنا هنموت، يبقى أموت وأنا سايبة ليا روح ورصيد ليا ممكن يكون سبب في دخولي الجنة، أنا وإننت دلوقتي يعتبر أصفار لكن لما يكون لينا حاجة من دمنا دي حياة تانية، اه هنموت جسدياً بس هنفضل عايشين بروح ابنا يا حسن وإمتداد ذريتنا، وفي الأول وفي الآخر كل شيء بميعاد وأجل مكتوب لكل إنسان.. يعني مش ده إلي هيقدم ولا هياخر. نظر لها حسن وهو لا يعرف ماذا يقول متأملاً ما قالته، ثم قال:

- أكيد ربنا ليه حكمة في كده، وما دام هو إلي وجد الحمل يبقى لازم نرضى، وإلي كاتبه ربنا هيكون.. وإنتي كلامك صح، والأيام إلي جاية لازم تكون أسعد أيام هتعيشها، وإكتبي كل يوم في مذكرة كل رسائلك لابنك، علشان لما يقرأها يعرف قد إيه أمه عظيمة، ويحس بيكي كأنك معاه.

جلس الدكتور مصطفى الحناوي أمام الضابط وهو لا يعرف سبب استدعائه ثم سأل الضابط قائلاً:

- هو حضرتك إيه الموضوع؟ وأنا هنا ليه؟

رد عليه الضابط وهو واقفًا ويحوم حوله وربّت على كتفه هامسًا في أذنه قائلاً:

- لأنك مسئول عن قتل سامح الحسيني وهو حي، وتقرير الوفاة طالع بإيدك أنت إنه مات نتيجة سكتة قلبية .

فجأة تحوّل وجه الدكتور الأبيض إلى إحمرار وارتعشت يداه قائلاً:

- أنا أكيد غلطت وساعات سكتة القلب بتبيّن إن الشخص مات فعلاً لأنه ما بيققاش فيه نبض .
نظر له الضابط قائلاً:

- مش عيب على دكتور شاطرزيك يقول كده؟ ولا أنت ما درستش إن في سكتة قلبية مؤقتة؟ وقبل ما تحكم على حد إنه مات في جلسات كهربية لازم تحصل لإنعاش القلب، وبعديها بس تقول إنه حيّ ولا مات، بس ما تقلقش إحنا بقى هنعلمك هنا عندنا إيلي ما اتعلمتهوش في كليتك .
ظل ينظر الدكتور إلى الأرض وهو يرتجف قائلاً:

- ماليش ذنب.. هي إيلي قالت ليا إنك لازم تطلع تقرير بالوفاة لشخص ظالم زي ده وإني كده بعمل خير.
أخذ الضابط متقدماً خطوات نحو الدكتور واضعاً يده على كتفه واليد الأخرى تشير له متسائلاً:

- أيوة بقى هي مين؟ قول
رفع الدكتور رأسه ببطء ناظرًا للضابط قائلاً:

- مرات أخوه اسمها على ما أعتقد نوال.
جلس الضابط على كُرسيه قائلاً:

- يا عسكري

ثم دخل إليه العسكري ووقف انتباه للضابط قائلاً:

- تحت أمرك يا فندم.

- خد المهتم على غرفة الحجز، ويتم حجزه لحين العرض على النيابة.
أخذُه العسكري، وظل الدكتور يردد:

- أنا برئ.. أنا كنت بعمل عمل خير.. أنا برئ، الله يخربيت إلي يسمع
كلام الستات.

ثم بعدها بدقائق دخل سامي ومعه زوجته نوال، ثم أمر الضابط
بإخراج سامي للتحقيق معها، ثم خرج سامي منتظراً بالخارج، ثم جلس
الضابط وجلست نوال وهي مرتجفة والقلق واضح عليها، ثم نظر لها
الضابط نظرة تبريق وغيظ سائلاً إياها:

- ليه تكوني سبب شروع في قتل أخوزوجك؟
نظرت له نوال محاولة الكذب قائلة:

- قتل إيه يا حضرة الضابط؟ إيه إلي بتقوله ده؟ وأنا مالي أنا.. وأكون
سبب في قتله ليه؟

- لما تقولي للدكتور لازم نخلص الإجراءات وتقول إنه مات، ومع إنه
كان ممكن يعمل ليه جلسات كهربية، ويقوم بإنعاشه تاني وإن السكته

القلبية المؤقتة معروفة إن الشخص لسه عايش يبقى إنتي متهممة بالقتل،
والسؤال ليه كنتي السبب في كده؟

- أنا ما قولتس حاجة ولا ليا دخل بالموضوع.
- ما تنكريش.. لأن الدكتور اعترف بكل حاجة وزوجك قال إنك إنتي
إلي جيتي الدكتور.

تغيّر وجه نوال للخوف والزعر قائلة:

- أنا كنت برحمه من إنه يعيش بدون مراته وإنه يموت معاها، ده
رحمة ولأنه كان مُهملها وكان هيعيش بالذنب إنه سبب موتها.
- نظر الضابط قائلاً بغيط لها:

- ليه هورينا عيّنك بدل عزرائيل؟ إنتي إلي تُحكمني مين يعيش ومين
يموت؟ بلاش دور ملاك الرحمة وقولي علشان زوجك سامي يورث، وإنتي
طبعًا زوجته وإلي هيكون ليه كأنه ليكي.
- ثم نظر الضابط في أسف قائلاً:

- عجيبه أحوالكم تحكمون بما لا تعلمون وكأنكم عالمون وكأنكم
ملائكة والحقيقة إنكم شياطين في هيئة بشر.

ثم رفع الضابط صوته قائلاً:

- خُدها يا عسكري على غرفة الحجز لحين عرض المتهممة على النيابة .
وما أن خرجت مع العسكري أوقف سامي العسكري وقال له:
- واخدها على فين؟
- دي متهممة ورايحة للحجز أدخل للضابط وأنت تعرف.

ثم قالت نوال لسامي:

- أنا مظلومة ما تصدقهمش.

دخل سامي مسرعًا للضابط منفعلاً قائلاً:

- يعني إيه زوجتي تتاخذ متهمة و....

ثم قاطعه الضابط قائلاً:

- قبل ما تتكلم كثير أقعد وهفهمك كل حاجة بالدليل والإعترافات.

ظل حسن واقفًا بصمت أمام سامح الذي يجلس على سريره غائب عن الوعي لكل شيء حوله، وهو يتفقد كل ملامحه التي تغيرت وينظر إليه بأسى ومتعجبًا مما يسمعه من سامي وهو يقول:

- مش مصدق نفسي يا حسن.. أنا حاسس إني في كابوس، صدمة موت سامح كانت أهون بكثير من إني أعرف إن إلي عشت معاها نص عمري وإلي كنا على سرير واحد مع بعض أنخدع فيها، وإنها تكون هي سبب دفن أخويا وهو حي، أنا لغاية دلوقتي مش مصدق إزاي كانت بتتعامل عادي! إزاي كان بيجيلها نوم، وهي حكمت على إنسان بالموت وهو حي علشان إيه؟ علشان ورث! وإنها ينولها جانب؛

ملعون أبو الفلوس إلي تعمي البشر، وتخليهم بقلوب ميتة، كان نفسي إنها تكون بره السجن علشان أعرف آخد حقي وأدفتها حية زي ما دفنت أخويا، مع إني طلقته بس حاسس بوجع كبير، مش عارف لما أخويا هيفوق

من الغيبوبة، هقول له إيه، يا ريتني أموت قبل ما أشوفه وهو بيفوق
ويتصدم صدمة ثانية إني أنا كنت سبب دفنه جي بسبب واحدة أقول عليها
إيه غير شيطانة.. وقليل برضو عليها شيطانة لأنها عدت المرحلة دي.

خرج حسن من صمته قائلاً:

- عجيبة الدنيا دي في كل أوضاعها! الواحد عايش يشوف العجب،
ومحدش عارف هترسى على إيه وليه كل إللي بيحصل لينا ده؟ بس هي أكيد
حكمة ربنا ورسايل وإختبارات، بس الأهم ننجح وما نتحولش زيهم، ونفضل
ثابتين على مبادئنا.....

ثم أردف وهو ينظر لسامي قائلاً:

- إياك يا سامي تقول لسامح حاجة، كفاية عليه الصدمات إللي
عاشها؛ موت أميمة وموته وهو حي، والله أعلم باللي شافه.. دي كانت رحلة
مش سهلة، أنت تقوله إنها ماتت وانتهى الأمر.

- بس هو يفوق بس من إللي هو فيه؟

- إن شاء الله هيفوق يا حسن.. إللي يعدّي بكل ده يبقى عنده قلب
قوي جدًّا، وحب شديد لبقائه على الحياة، أكيد في دافع خلاه يقاوم، وما
يستسلمش علشان يعيش.

نظر حسن من نافذة الغرفة بالمشفى، ثم قال ناظرًا لسامي:

- اقفل على الموضوع علشان أم أميمة جاية برة أهي وهدخل علينا
ويا ريت ما تعرفش حاجة .

- تمام، تمام .

دُخِلت عليهم أُم أميمة قائلة وهي متلهفة:

- السلام عليكم.. عاملين إيه يا ولاد؟ وأخبار سامح إيه؟ عايزة أشوفه.
 - وعليكم السلام ورحمة الله وبركاته.. أهو يا ماما أدامك أهو، هو ده سامح إللي على السرير ده.
- ثم أشار سامي لأم أميمة على سرير سامح، وما أن رأته وقفت مصدومة لا تُحرِّك ساكنًا، ولا تصدق عينها مما تراه أمامها.

بعد مرور شهرين

طلّق سامى زوجته نوال، وارتاحت نفسه بعد أن تم الحكم عليها ب ١٠ سنين مع الشغل والنفاذ.

وتم الحُكم على الدكتور أيضاً، الذي أصدر تقرير خاطئ وهذا ما تلاعب به المحامي الخاص به، وحولها شروع في قتل إنسان بالخطأ أخذ بها ١٥ سنة مع فصله من العمل، وعدم مزاولة مهنة الطب مرة أخرى.

وما زال سامح في المشفى يتلقى العلاج والعناية اللازمة، وهو ما زال فاقد للوعي، والجميع يدعون له أن يتعافى ويعود لما كان عليه في السابق.

(١٢)

ما أصعب فقدان! وقتها فقط تشعروكأن الحياة انتهت بالكامل...!
وقتها فقط، لا تهاب الموت، بل تُقدِّم عليه بكل شجاعة وإقدام،

فما معنى الحياة بدون مَنْ نشعُريها معهم!

وما معنى الحب بدون نظرات الحبيب!

وما معنى الأنفاس بدون مَنْ كانوا لنا الحياة!

بعد مرور ٦ شهور

٢٠١٨/٩

سمع حسن صراخ فجأة بصوت عالٍ قائلاً:
- اه مش قادرة، حسن إلحقني بسرعة أنا واضح إني هولد.
- إيمان إجمدي أرجوكي، عايزك تكوني قوية، إوعي تسيبيني يا إيمان.
- إللي عايزه ربنا هيكون يا حسن، وبعدين أنا مش سايباك.. أنا سايبة
ليك أمانة لازم تحافظ عليها، وهي دي إللي بيها هكون معاك دايمًا في كل
وقت، بس يلا إلحقني وديني المستشفى بسرعة مش قادرة.
أمسك حسن بإيمان ثم حملها على يديه الإثنين وهبط بها مسرعًا إلى
سيارته

وقاد بكل سرعتة حتى وصل إلى المشفى وأدخلها الطوارئ. وما أن رآها
الدكتور، وبعد أجرى لها السونار قال:

- تُدخل على العمليات حالًا، لازم تولد يا إما الجنين والأم هتموتوا.
شاهد حسن الممرضات وهن يأخذن حبيبته من بين يديه إلى غرفة
العمليات فذهب خلفهن، وعند دخول الغرفة قالت لهم:

- إستنوا ثواني محتاجة أقول حاجة لزوجي
نظر لها حسن، وهو يبكي لأنه يعلم مدى خطورة العملية، قائلاً لها:
- مش كنتي سمعتي الكلام ونزلنا الجنين، أعمل إيه لو حصل لك
حاجة؟ أنا مش هسامح نفسي.

نظرت له إيمان، وهي عيناها تملأها الدموع وتحاول أن تتماسك قائلة:

- إوعى تقول كده تاني يا حسن.. أنا قولت ليك قبل كده وجهة نظري،
وإن ما اتكتبش لينا نتقابل تاني هنتقابل في الجنة...

بس أنت أهم حاجة تخلي بالك من بنتنا.. حطها في عنيك يا حسن
وهتشوفني دايماً فيها، وإعرف إن الأقدار ما بتتغيرش مهما كان، وإللي ربنا
كاتبه بيكون حتى لو إختلفت كل الظروف.

- أنا عايز أقولك إني بحبك أوي يا إيمان.. إوعى تضعفي، إقوي عشاني
أنا وبتتك، وربنا قادر على كل شيء.
نظرت له إيمان وهي تدمع عيناها قائلة:

- وأنا كمان يعلم ربنا مفيش سجدة سجدتها إلا لما دعيت ليك، وده
الحب إللي بجد، إوعى يوم تنساني يا حسن.. إدعيلي دايماً، أنا مكنش ليا
حد في الدنيا غيرك ودلوقتي ماليش حد يدعيلي في مصيري المجهول غيرك،
لا إله إلا الله يا حسن.

أخذ يبكي لكلامها له وقال مودعاً إياها لغرفة العمليات :

- محمد رسول الله يا حبيبة قلبي وعشق حياتي كله.
ثم أخذتها الممرضات على النقالة لداخل غرفة العمليات.

وبعدها بساعتين، جاء الدكتور ووجهه به شيء مريب قائلاً:

- مبروك يا حسن ربنا رزقك ببنت زي القمر شبه أمها بالظبط، بس للأسف البقاء لله ما عرفناش نلحق الأم، وأنت كنت عارف حالتها ما تستحملش، ربنا يعوضك في بنتك.
نظر حسن في ذهول للدكتور، وهو لم يصدق ما سمعه بأذنيه، وشعر أن الدنيا تدور به وارتمى بجسده على الحائط قائلاً:

- إنا لله و إنا إليه راجعون.. ليه كده يا إيمان؟ مش قولت ليكي تكوني قوية،
ليه ضعفتي؟ ليه سبتيني وحيد أقاسى في دي حياة؟ وإزاي أصلاً يكون بعدك حياة، وإنتي كنتي كل حياتي وأنفاسي، ده أنا ما كنتش بضحك إلا بيكي ولا كنت بستحمل أي حاجة غير عشانك،
اه يا رب اه، أوقف معايا يا رب وهوّتها عليّا أنت القادر على كل شيء والحمد لله على كل إلهي تجيبه لا إعتراض على قضائك يا رب، بس أنا إنسان غصب عني مش قادر استحمل الصدمة، صعبة عليّا،
هو ليه إتكذب علينا الفراق؟ ليه إحساس الفراق صعب كده، وأصعب من الموت ذات نفسه!!!

بعد ثلاثة أشهر

٢٠١٨\١٢

جلس كل من سامي وحسن على المقاعد المجاورة لسرير سامح ينظران إليه لعله يفيق من الغيبوبة التي ما زال بها، فلقد قال الأطباء عن حالة سامح أن:

- حالته البدنية استعادت صحتها من جديد وكل شيء على ما يرام ما عدا أن عقله رافض أن يفيق مما هو به فالحالة النفسية لديه في سوء مما رآه، فعقله اللاواعي هو الذي يعمل فقط وعقله الواعي رافض أن يستجيب ولكن من الممكن أن تحاولوا بجلوسكم معه، وأن تتكلموا معه وهو على هذه الحالة فهو يسمع كل ما يدور حوله جيدًا ولكن لا يستجيب لأنه يهرب من الواقع، لأن ما رآه جعله رافض للواقع الذي مرَّ به، وبناءً على هذا ممكن أن تروا إنفعالات أو تحريك للجسد وهو في هذه الغيبوبة لأن عقله يمرر كل الذكريات أمام عينيه مرة أخرى من البداية للنهاية، ممكن أن تجدوه لحظة يبتسم، ولحظة يعبس كل هذا أمر طبيعي، ولكن كونوا حذرين لأن من الممكن أن تقابلهُ ذكري سيئة تجعلهُ ينفعل فيؤدي نفسه وهو لا يدري، وعندما تجدوا هذا لا بُد من أحد ليطبّط عليه، وأن يُطمئنهُ، وأن يكلمهُ بهدوء، وأن يطلب منه أن يعود وأن يتقبّل الواقع، وحذاري من أن تقولوا شيئاً يسبب مضاعفات أكثر فهو منتبه جيدًا لكل شيء حوله.. تذكروا هذا جيدًا.

وقف سامح حائرًا يلتفت حوله لعله يجد الصوت الذي يتكلم معه
الذي يقول له:

- إيه يا سامح مش ناوي بقى تقوم وترجع زي ما كنت؟ طوِّلت أوي في
النومة، لازم تعرف إن ليك ناس بتحبك، لازم تقوى وتقوم وترجع أحسن
من الأول.

ظل سامح يلتفت حوله ليجد المتكلم حتى لمح أحدًا قادمًا من بعيد، وما
أن اقترب وجدها أميمة زوجته، وفجأة إهتز هزة شديدة، وسار نحوها
بسرعة البرق ليحتضنها قائلًا:

- أميمة! أنا مش مصدق نفسي إني شوفتك، وإنك قُدامي، دلوقتي بس
رجعت ليا روحي.

- لكن أنا مش قدامك يا سامح.. ده خيالك هو إالي مصورلك كده، أنا
في مكان تاني خالص.

- المهم إني شايفك ولامسك دلوقتي، ولأن في كلام كتير لازم تعرفيه.

- عايز تقول إيه يا سامح؟

- عايز أقولك سامحيني أنا قصرت في حقك ولازم تعرفي إني كنت بعمل
كل ده علشان أسعدك، وإنتي كنتي عارفة الحياة عاملة إزاي، والواحد كان
في ساقية دَوَّارة علشان بس يقدر يكفِّيكم.

- بس عُمر الحياة ما كانت زي ما أنت متخيلها إنك تحقق كل حاجة
من ماديات،

في حاجات أهم يا سامح؛ في مشاعر، في قُرب، في ابتسامة كانت ضاعت
في جفاء ظهر منك، في حاجات كتير اختفت، للأسف الإنسان بيتبدل حاله

تدريجياً، وبدون ما يحس، بس بعد وقت بيفوق إنه بقى إنسان تاني خالص غير إلهي كان، فاكر أنت قولت ليا إيه يوم جوازنا؟

- فاكر طبعاً.. قولت ليكي إني عمري ما هخليكي في يوم تنامي زعلانة، و إن حد زعل من التاني، التاني هيقول له ما ينفعش حد فينا ينام زعلان، ونحضن بعض أوي ونفتكر إننا مالناش غير بعض، وإن الدنيا مش مستاهلة نضيع فيها لحظة وإحنا مختلفين. نظرت له أميمة، وهي تدمع عيناها وتقول:

- بس أنت ما عملتش كده يا سامح، أنت عملت الأكثر من كده؛ إنت حبستني إني وحيدة بقربك، عارف يعني إيه تحسس حد بالوحدة وهو جمبك؟ يعني الموت كان أهون من الإحساس ده، وفعلاً طلع الموت أخف بكثير.

نظر سامح مستغرباً سائلاً:

- يعني إيه الموت طلع أخف يا أميمة مش فاهم؟
- يعني أنا مُتّ يا سامح وأنت دلوقتي عايش، وأنا إلهي ساعدتك في الحياة دي علشان تلحق ترجع حاجات كتير ضاعت منك، قبل ما كل حاجة تخسرها.

- إنتي بتقولِي إيه يا أميمة؟ لاء ما تقوليش كده، أنا مقدرش أعايش من غيرك، أميمة رُدي عليّا.. أنتي فين؟ أميمة أنتي إختفيتي ليه؟ أميمة.. أميمة، رُدي عليّا إنتي فين؟

قام حسن مسرعًا ليخبر الدكتور ليأتي منقذًا الموقف، ووقف سامي بجانب أخوه ليطبّطب عليه قائلاً:

- سامح هون على نفسك وارضى بقضاء الله، سامح.. إهدى يا حبيبي ما ينفعش تعمل في نفسك كده، إنت سامعني كويس؟ لازم تفوق وترجع، فوق يا سامح.
وقف سامح يبكي بشدة قائلاً:

- أميمة لازم ترجع، أميمة لازم ترجع أميمة، يا أميمة ردي عليا.. إنتي فين يا أميمة؟
دخل حسن مع الدكتور مسرعًا ووقف بجانبه ليشاهداه وهو لا يقول إلا (أميمة، أميمة).

رد الدكتور عليهم قائلاً:

- الصدمة متأثرة عليه.. وده أمر طبيعي، بل هو كذا بيبدأ يواجه كل الأحداث إالي حصلت، وبيفرضها على عقله إنه لازم يقتنع بكل ده، واطمنوا هو كذا في أول مراحل الشفاء.
وما إن أن انتهى حديث الدكتور لهم، وجدوا سامح يحاول أن يفتح عينيه ولكن يواجه صعوبة بالغة.

نظر سامي للدكتور قائلاً:

- طب وده معناه إيه؟ إنه مش عارف يفتح عينه، وبيحاول وكأن فيه جمل كبير أوي مش عارف يفتحها بسببه.

- ده لأن في تضاد عنده بين العقل والقلب، العقل عايز إنه يرجع للطبيعة وللحياة، والقلب متأثر بسبب الأحداث، ومش عايز يرجع للي حصل ليه، وخايف من إنه يرجع ما يلاقيش إللي كانوا ليه، أو بالأصح خايف من صدمة المواجهة، والواقع إللي هيتفرض عليه.

ابتسم حسن فجأة وهو ينظر لسامح ثم نظر للدكتور قائلاً:

- دكتور سامح فتح عينيه
نظر كلا من سامي والدكتور لسامح قائلين:
- حمدالله على السلامة يا بطل.

بعد عدة أيام..

جلس سامح بغرفته بالمشفى هو وسامي بمفردهما، ثم نظر له سامح قائلاً:

- أُمال فين نوال يا سامي؟
نظر سامي له بتعجب قائلاً بتلعثم:
- ن.. نوال !
- اه نوال.. هي فين؟ وإياك تكذب.
- وأكذب ليه بس؟ وبعدين بتسأل عليها يعني مش عوايدك.
- مش لازم أسأل على إللي دفنتني وأنا حي؟ مش لازم أسأل على إللي بسببها إتعلمت أكبر درس في حياتي، وإللي بسببها سامح بتاع زمان مات، واتولد سامح تاني.

نظر سامي له وهو عيناه تدمع قائلاً:

- أخويا أنا مش عارف أقولك إيه أنا، أنا...
- ما تقولش حاجة يا سامي خلاص.. إيلي عدى عدى وانتهى، بس إنت بقى عملت إيه؟ يا ترى حُبك لهما خلاك لسه باقي عليها بعد ما عملت كده في أخوك؟
- وإنت إيلي قالك ما قالكش إنها خدت حكم ب ١٠ سنين، وإني طلقته؟
- طب والله أول مرة تعمل حاجة بجد صح يا سامي، دلوقتي أقدر أقول إن ليا أخ بجد، ولأني كنت هعتبرك ميت لو بعد كل ده كنت لسه باقي عليها، وعلى فكرة أنا محدش قاللي حاجة، أنا وأنا في الغيبوبة سمعتت إنها هي السبب في كل ده، ولأني كنت بسمع كل حاجة بس ما كنتش عارف أفوق، كنت في عالم تاني.
- وأنت فاكرنى إني كنت هضيع حَقك؟ ولا إني أعرف حاجة زي كده، وأبقى على واحدة زي دي؟ والله لولا إنها خدت الحكم، واتقبض عليها كنت أنا إيلي هموتها بإيدي، ولأني مش ناسي كلام أبوك يا سامح إننا دم واحد، وعمري ما كنت هعيش ودمك مهدور، وعلشان أكفّر عن إيلي حصل أنا ناوي أبيع المحل وأدّيك الميراث كلّه، ولأني ما أستحقش الأمانة إيلي أمّنتها ليا، وإنك بسبيي إنت إتأذيت.
- لاء أوعى تقول حاجة زي كده تاني. ده رزق ليك ولابنك وهيكون لأولادي إيلي أتمنى تكون قد الأمانة وتحافظ عليهم، ولإن الأعمار بيد الله يا

- سامي أنا مش ضامن باقي ليا قد إيه في الدنيا، إنت عم أولادي وفي منزلة أبوهم.. حافظ عليهم يا سامي وما تخلهمش يتحوجوا لأي مخلوق.
- العمرليك يا سامح.. ده أنا الكبير، وأنا إيلي المفروض هو دَع الأول.
 - يا سامي مش مقياس، والعيد الصغير بييجي قبل العيد الكبير وأديني مُتّ ورجعت بس المرة الجاية مش هرجع تاني لأن الفرصة بتكون مرة واحدة بس.
 - ما تقولش كده ربنا يدريك طولة العمر، المهم بقى مش ناوي بقى أجبيلك الأولاد تشوفهم؟ وأنت الحمد لله بقيت أحسن.
 - لاء مش وقتُه يا سامي.. لسه مجاش وقتهم ولأن مش هينفع يشوفوني بعد التغيير إيلي حصل لي دا، مش عايزهم يتعقدوا، ولا يعرفوا حاجة خالص.
 - إيلي أنت تشوفه يا سامح أنا هعمله، إتأكد من كدا.
 - فيك الخير يا أخويا.

بعد عدة أيام..

خرج سامح من المشفى ومعه صديقُه حسن وأخوه سامي وهم يخطون خطواتهم بالشارع، وجدوا خناقة كبيرة وناس مُلتفين حولها، يشاهدون الموقف وقف سامح ناظرًا لهم ليفهم ما الحدث الحاصل.

فرأى مجموعة من الشباب يمسكون بأيديهم سنج، وسواطير،
ويتحدثون مع الرجل المسن كبير السن قائلين له:

- ها يا حاج هتتنازل عن المحضر، ولا نرؤق عليك؟
نظر لهم الرجل المُسنّ قائلاً بصوت مبوح يعتليه الحسرة قائلاً:
- سرقتمو التوكتوك بتاع ابن أخويا إللي بياكل منه عيش بعد ما أبوه
مات، وعايزني أتنازل عن المحضر إللي بطالب بيه بإنكم ترجعوا الحق
لأصحابه، إنتوا إيه؟ ما عندكوش ملة ولا دين؟
- يعني آخر كلامك إيه يا حاج؟ وإعرف إن المحضر ده فيه موتك، ها..
قول آخر كلامك علشان إحنا لغاية دلوقتي مش عايزين نعمل معاك
الغلط.

نظر سامح لسامي أخوه وحسن قائلاً:

- هو إيه إللي بيحصل في الدنيا دي؟ هو إحنا وصلنا لحد كده؟!
نظر له سامي قائلاً:
- يلاً بينا يا سامح من هنا أحسن دي ناس بلطجية، وإحنا مالناش في
الكلام ده.
نظر سامح باستنكار قائلاً:
- يعني إيه مالناش فيه؟ واحد بيتظلم عيني عينك، وشايفين شوية
بلطجية ماسكينه، وإحنا نسيبُه عادي كده؟ ليه هو إحنا مش بني آدمين؟
رد حسن قائلاً له:

- يا سامح ده عالم ثاني خالص، إحنا مش في إيدينا حاجة نعملها.
نظر سامح باستغراب قائلاً:

- إنتم بتقولوا إيه أنتم الإثنين؟ مستحيل يكون ده كلامكم! هو في إيه
غَيْرُكُمْ؟ خايفين على إيه ومن إيه؟
ده الرسول وصانا نقف جمب الضعيف، يا إما هنتحاسب إحنا كمان
إننا ما نصرنا هوش.

ثم نظر متابعًا ما يحدث ومحاولًا الدخول بصعوبة بالغة حول الملتفّين
حولهم فرأى البلطجية أمسكوا بالرجل بيديه الاثنتين قائلين:

- يعني آخر كلام إنت مش هتتنازل؟
رد عليهم الرجل المسن قائلاً:

- ما بتنازلش عن حق يتيم ولو فيها موتي.
- طيب مفيش مشكلة يا حاج، بس خليكوا فاكيرين يا منطقة إننا
حاولنا معاه وهو ركب دماغه، واللي يركب دماغه ياخذ في جنابه، واللي
يقف قدامنا يستاهل يبقى دمه من نصيبنا.
ثم أمسك به أحدهم من رأسه وبدم بارد بالساطور قطعوا رأسه
والجميع يشاهد ولا يتحرك، حاول أحدهم التحرك، ولكن تم تهويشه من
قبل البلطجية.

نظر سامح وهو يحاول العبور بأقصى ما عنده وهو لا يصدق ما يحدث
وعينيه تذرف دمعًا، وما أن دخل كانوا هرولوا واختفوا من المكان هارين
كالفران.

وقف سامح حولهم كالمجنون مذهولاً يلتف بحركة دائرية ناظرًا لكل
أحد في عينيه ثم قال:

- هو إنتم بني آدمين بجد واقفة؟ ولا إنتم حجر مرصوص كده وبس!
قولوا إنكم حجر أحسن ما تقولوا إنكم فعلاً بني آدمين.
ثم بصوت جهوري يعتليه الحسرة والندم قائلاً:

- ده الحيوانات أحسن منكم، الواحد بيدشوفهم بيقفوا جمب بعض،
أمّا أنتم واقفين تتفرجوا، وكأنه مشهد سينما قدامكم..
إيه إلهي حصل فيكي يا دنيا؟ إيه إلهي حصل فيكي يا مصر؟ بقينا بندبح
بعطينا عادي، خلاص إنعدمت مِننا الإنسانية! راحت مِننا روح الإخوة!
راحت مِننا كل المشاعر! بقينا جامدين ليه أوي كده؟

شايقين الظلم قدامنا وواقفين ساكتين؟ لاء وبنترفج عادي على إنسان
بيتدبح قُصاد عيننا علشان فُكّر ياخذ حق ابن أخوه، ملعون دي أنفاس
بنتنفسها على حياة ناس تانية، عايز أعرف ليه ما بنقولش للظلم لاء؟ ليه
ساكتين وراضيين إن شوية بلطجية يتحكموا فيكم بسبب خوف عمى
قلوبكم؟ ردوا عليّا خايفين من إيه؟ وعلى إيه خايفين؟ من الموت؟؟ خايفين
على وهم إنكم عندكم عيال عايزين تربوهم؟؟ لاء، لاء، فوقوا.. دي أكذوبة
بتوهموا نفسكم بيها، إنتم خايفين على نفسكم، الجُبن ماليكم... بس أحب
أقولكم إن إلهي إندبح قدامكم ده، هو إلهي عاش بجد، وإنتم إلهي أموات
ووالله أنتم كمان مشاركين في موته، وكل واحد فيكم هو إلهي دبعه بسكوته
مش البلطجية بس، وإعرفوا إن كل واحد هيبجي عليه الدور ما دام
خايفين، ما دام ما نصرتوش الضعيف، والله ربنا ما هينصركم، ولازم

تعرفوا إنكم إنتم إلي ضُعاء مش إلي وقف وقال لاء وإتغدر بيه، وهو عاجز عن إنه يدافع عن نفسه، مبروك عليه الشهادة بجِد.

نظر سامح لكل واحد في عينه، وهو أسفًا مما رآه، ورأى كل منهما تدمع عينيه متأثرًا بحديثه، ثم سمع صوت سارينة عربية الشرطة قادمة، ثم وقف لهم منتظرهم، وأول أن ترَجَّال الضابط والعساكر من العربية وجَّه لهم حديث قائلًا:

- يا سيادة الضابط.. يا حكومتنا الكريمة الموقرة... سؤال نفسي أسأله من زمان ليكم؛ ليه بتيجوا متأخرين دايمًا بعد الكارثة ما تحصل؟ ليه إلي يستنجد بيكم ما بتسمعوش ليه إلا لو حد كبير منكم أو بعد ما الدم يكون غرق المكان؟؟ دلوقتي إلي اتدبح صدره دمُه في رقبة مين؟

أول حاجة هو في رقيتكم، وفي رقبة كل واحد وقف واتفرج، وما حاولش يوقِّف النزيف إلي حاصل المفروض إنكم بتحمونا وبتجيبوا الحقوق لبعضها، ليه بقيتوا تسيبونا للكلاب تهش فينا؟ فين الردع فين؟ فين قوانينكم؟

ولا قوانينكم ما بتجيش إلا على الغلبان المظلوم، وسايين السفلة الحقيقيين! لازم يكون في ردع حقيقي لكل بلطجي.
لازم تكونوا أمان لينا مش خنجر تفرسوه في قلبنا.
عايزين نحس بالأمان في بلدنا، ما هو لو ما حسينهاش في بلدنا، هنعسها فين؟ قولولي وردوا علينا؛ لو ما حسينهاش بالأمان في بلدنا هنعسها فين؟

يا سيادة الضابط ...

بلَّغَ رئيسك إليّ فوقيك إننا عايزينكم بجد تكونوا ضهرنا، عايزين بلدنا
تكون في أمان، عايزين الناس ترجع لهما الإنسانية من تاني، عايزين إنكم
تبقوا خايفين علينا بجد مش خايفين على الكباروبس، لأن في النهاية كلنا
بشر وإنتم ربنا وضعكم في مراتب عليًا، مش علشان ترتاحوا فيها وتستغلوها
غلط، ربنا وضعكم في المرتبة دي علشان تكونوا أمل لكل مظلوم، وأمان
لكل ضعيف، ورهبة وخوف لكل طاغي بلطجي، عايزين الدنيا غابة يسرحوا
فيها.

يا مصريين..

فوقوا بقى بجد وكونوا إيد واحدة، بلاش التفرقة إليّ قسمتنا، بلاش
كل واحد يبصّ للتاني من برج عالي، والله كلنا ولاد تسعة، والله كلنا هنزل
في حفرة متر في متر، ما بيفرقش فيها أمير من غفير، كلّه سواسية قدام ربنا
إلا بالتقوى، والعمل الصالح:

فوقووا بقى، ورجعوا الإنسانية من تاني لإننا للأسف بقينا أسوأ بكتير
أوي من الحيوانات، دي حتى الحيوانات بتحس ببعضها، أما إحنا مات من
جوانا الإحساس!!

كفاية تخلّوا العدو يضحك علينا، وهو شايفنا وإحنا إليّ دم واحد،
واخوات للأسف بنقطّع وبنقتل في بعض، هنوصل لإيه تاني عايز أعرف؟
كفاية بقى تغييب عقول، لازم تكونوا واقفين مع بعض وإيد واحدة، لازم
العالم كلّه يعرف إننا المصريين واحد، وبلاش نقول المصريين بس.. بل نقول
إننا العرب واحد، مش إثنين، ولا ثلاثة، ولا أربعة عارفين ليه لأننا لو فضلنا

متقَسِّمين، يبقى عليه العوض في بلادنا، لو فضلنا كده يبقى هيبجي علينا
يوم، والعدو هيسحل شرفنا قدام عنينا، وإحنا واقفين نتفج زي ما إحنا
واقفين كدا،

فوقوا، فوقوا، فوقوا.

اللعبة بدأت من زمان علينا، وهما مبسوطين إننا وصلنا لكدا، جه
الوقت إلي نُقف فيه بجد، وقفة رجالة ونحاسب نفسنا، ونكون بني آدمين
بجد نستاهل لقب الإنسانية.

كلنا واحد كلنا إنسان
كلنا واحد، مفيش اختلافات
على الفطرة كله اتولد
من أجل عبادة الرب الأحد
لا الشكل ولا اللون يميّزنا
دي الإنسانية
هي إلهي تفرق بين كل واحد منا
وقلبنا وإحساسنا هو إلهي
بعيّشنا،
لا المكان، ولا الزمان
يغير إنسانيتنا،
ولا اختلاف شرائع الأديان
تفرق ما بيننا
كلنا واحد اسمنا إنسان
عبادتنا لله
وتعاملنا واحد
مع أي شخص مهما كان،
في النهاية
كلنا انسان

اتولدنا لا بإيدينا، اخترنا لوننا ولا شكلنا
ولا بإيدينا اخترنا شريعتنا ولا أهلنا
ولا بإيدينا اخترنا بلدنا ولا سكننا
يبقى ليه بنحكم على بعض كلنا

ونفرق معاملتنا بالشكل ده
لا دين يسمح بظلم إنسان
ولا الإنسانية تسمح بالطغيان
ده العدل ركن من الإيمان
من أجله جاءت الأديان
كلنا واحد
كلنا إنسان
هدفنا واحد ربنا يكون راضي عنا
وجنة تجمعنا على راية الإسلام توحدنا
وهو ده بجد أملنا

(١٣)

ما أصعب الذكريات التي تُطاردنا، فهي الشيء الباقي بنا
والتي مهما طالَّت بها السنين تظل حية لا تموت..
من السهل أن تمحو إنسان من على وجه الأرض، ولكن من الصعب
والمستحيل أن تمحو ذكرياته.

اليوم ٢٧\١١\٢٠١٩

وقف سامح الحسيني أعلى كوبري قصر النيل ناظرًا إلى السماء، ويداه متكئة على سور الكوبري يستدعي شريط حياته، بينما يقف بجانبه صديقُه حسن شاردًا هو الآخر يتذكر ذكرياته مع إيمان زوجته، ورفيقة عمره، بعد أن فارقتُه عند وضع مولودتها التي هي نسخة طبق الأصل منها، وسُميت باسمها؛ إيمان،

وقف كل منهما سارحًا في ملكوته وعالمه الخاص، فما أصعب الذكريات التي تُطاردنا فمي الشيء الباقي بنا، والتي مهما طالبت بها السنين، تظل حية لا تموت، من السهل أن تمحو إنسان من على وجه الأرض، ولكن من الصعب والمستحيل أن تمحو ذكرياته؛

فالذكريات هي التي تقودك إلى المستقبل، هي التي أحيانًا تُصبرك على بلاء الحياة وتهوّن عليك مصاعبها، أو هي التي تقتلك وأنت حي، متوهم من يقول يستطيع أن ينسى ذكرياته، أو من يقول أستطيع أن اجعلك تنسى ذكرياتك سواء السيئة أو الحسنة،

فجميعنا كاذبون، بل ونعيش الكذبة على أنها الصدق، إننا ننسى والحقيقة تظل داخلنا وقليل من يجروا على المواجهة، وأن يُعلن أن الذكريات تظل حية إلى أبد الأبد، فنحن لا ننساهم.. بل نحن نعيش على الأنفاس التي في يوم تنفسناها معهم.

فما أصعب أن تتنفس وأنت ميت من طعنات الحياة، ومَن كُنْتَ تتشارك معه وتسيروا سوياً، الآن أصبحت وحيداً تمشي بمفردك، بل والقاتل أنك تدهس عليه بأقدامك، وأنت تسير على الأرض وهو موضوع أسفلها.

نظر حسن لسامح خارجاً من شروده وطول صمته قائلاً:

- وبعدين معاك يا سامح؟ هتفضل سرحان كثير، إتكلم معايا وفضفض، وبعدين الدكتور قال إنك بقيت بخير، ولازم تتكلم علشان تُخرج برة الحالة دي ونفسيتك تتحسن.

اعتدل سامح في وقفته بعد أن كان مُتكئاً ناظرًا لحسن قائلاً:

- أتكلم أقول إيه يا حسن؟ أقول إننا بنتظاهر إننا بخير وإحنا جوانا مليون وجع! أي حالة عايزني أخرج منها يا حسن، إن حبيبتي راحت ميني بسبب غبائي، ولا زوجة أخويا إلي اتجردت من كل الإنسانية، ودفنتني وأنا حي علشان إيه؟ مُجرد وراث! وكمان مش إلي عليه القيمة يعني، وإلي هو أنا عمري أصلاً ما فكرت فيه، ليه فيه ناس بتعمل كده؟ ده لو شافوا إلي شوفته هيعرفوا حاجات كثير أوي تشيب، وهيفضلوا إنهم يموتوا من الجوع ولا إنهم يفكروا يئذوا حيوان حتى.

أكون كداب لو قولت إن إلي في حالتي ينفع يرجع زي ما كان، إلي مات ما بيرجعش يا صديقي.

- بس أنت رجعت أهو وقدامي واقف.

- ده بس علشان في حكمة من كده، وإن ربنا إداني فرصة أغَيَّر الدفة من إلي، أنا ممكن أكون رجعت قدامك كجسم.. بس كروح أنا لسه مدفون في قبري، تقدر تروح هناك وتترحم عليًا.

- خليك مؤمن بالله وما تقولش كده.

- أكبر غلط وهموه ليكم إن إلي بيحزن ده مش مؤمن، وضعيف الإيمان، ده الرسول جِزَن على ولده لما مات، وجِزَن على زوجته واتسمّى عام موتها بعام الحزن، يبقى إزاي إلي بيحزن نقول عليه مش مؤمن أو ضعيف الإيمان؟؟

إحنا لو ما حسيناش بجد بألم الفراق والناس نبقي ما نستاهلش نكون بني آدمين،

حتى أنت بتحاول تخرّجني من إلي أنا فيه، وأنت مدبوح من جواك، بعد ما زوجتك إيمان توقّت -ربنا يرحمها-، ويرحم أميمة.

أنت بس بتصبّر نفسك بينتك ربنا يحفظها ليك، بس لازم تعرف إن؛

الكل بيصبّر نفسه، في إلي بيعيش على أمل الناس إلي بيعيش لهم، وفي إلي بيعيش على أمل الدنيا الآخروية، ولولا الأمل لكان كل واحد مات في لحظتها يا صديقي.

- أنت بتقول فيها!!؟ دي فعلاً حقيقة، كل واحد فينا عايش على الأمل، أنت ما تتصورش إحساسي كان إيه لما فارقتني إيمان... إحساس كأنك متجرّد من كل ملابسك في يوم الجو فيه بيشتي تلج. المههم عشان ما نقلابش المواجه على بعض، أنا عايزك تفوق شوية، وتروح تقابل سارة وعمر ولادك، ولا أنت نسيتهم ولا إيه؟

- أنا أكثر واحد فايق، عارف ليه؟
نظر له حسن بتركيز قائلاً:

- ليه بقى؟

- لأنى شوفت الحقيقة كاملة إالى كتير بيكدّب بيها ومش مصدقها، أو مش متصور حجمها، ومش عامل حساب لهما وفأكر إنها هتعدى بالساهل، أنا شوفت وعشت يا حسن.. عارف يعني إيه شوفت وعشت؟

- إيه هي الحقيقة يا سامح؟ وإيه إالى شوفتُه؟؟

- إننا كلنا بحساباتنا إحنا وأعمالنا ضايعين، لكن برحمة ربنا بس، وإبتسامه أنت تكون سبب فيها لحد غلبان أو طفل يتيم أو حد محتاج

مساعدتك أنت هتكون أكبر فايز بإنك تاخذ تأشيرة نجاح من أهوال ربنا وحده إالى عالم بيها، وكل واحد مات ومن ضمنهم أنا، لأنى عرفت إن الدنيا دي إالى الكل بيتصارع عليها، والأخ بيقتل أخوه على شوية ورق سمّوه مال، لأنه ميل الناس عن الحق، إن الدنيا دي ولا حاجة، ومحدث بيشوف قُدام مصيرُه هيكون إيه.

للأسف الكل باصص تحت رجليه وبس، وناسي إن إالى تحت رجليه ده هو إالى عايش وإلى فوق هو إالى ميت.

نظر له حسن باستغراب قائلاً:

- تُقصد إيه يا سامح؟ إنكلم بوضوح أكثر وبدون أَلغاز.

نظر سامح إلى الأرض ثم أخذ أنفاسه، وبعدها نظر حوله ليجد أناس استمعوا لحديثه ورأهم يقفون ليسمعوا كلامه، ثم تكلم بصوت جهوري قائلاً:

- أقصد إن الكل -ومن ضمنهم أنا- نسينا إني هنسب الدنيا دي كلها، وهنموت وهنكون لوحدنا في مكان مُظلم، وبعد ما عشت وشوفت أحب

أبشرك إن الرحلة صعبة أوي ومحدث ناحي إلا إلهي عايش مع ربنا وبس
ويحب الخير للناس، وسايب بصمة خير في الدنيا.
وفي وسط تأثر سامح مع الكلام بدأت تأتي مجموعات أخرى من
الشباب، ليستمعوا لما يقوله سامح، ثم أخذ ينظر للجميع في تحدي وقوة
شديدة لما يحمله من رسالة قائلًا:

- كلامي ليكم كلكم... إلهي بيتكلم قصادكم وإلهي شايفينه شعره أبيض
وواقف ده مش عجوز ، أنا من سنة كان عندي ٣٧ سنة، ودلوقتي أنا إلهي
إنتم شايفينه ده عنده ٣٨ سنة، عاش شهرين بأعماركم كلها، إلهي حصل
ليا إني اتدفنت وأنا حيّ وشوفت أهوال تهدّ جبال، عارف يعني إيه أنت في
لحظة ممكن تسبب الدنيا كلها إلهي أنت متمسك بيها؟
للأسف كلنا بنتمسك بيها بس هي ما بتمسكش بحد، أنت مش هينفعك
لا مالك، ولا أي مخلوق في الدنيا كلها، ولا أي سلطة كانت إنها تحوش عنك
حساب الملكين في القبر، عارف يعني إيه تكون في عالم ثاني مافهوش غيرك
وبس؟ ناس منظرهم عجيب مُميت بيسألوك، وأنت بطبيعتك بتخاف من
الضلمة: أُمال تخيّل نفسك وأنت وحيد وتبتسئل على كل همسة، أنت
بتحاسب على الذرة، والحرف، الموضوع أكبر من كلام كلنا عارفينه، لأنه
يفوق بصرنا الحالي، ومحدث هيشوف الحقيقة إلا في لحظة واحدة عند
دخول ملك الموت، بس للأسف هو بيبيجي من غير سابق إنذار، وده إلهي
بيخليك تتفاجئ، وتبقى نفسك تعمل المستحيل علشان تلحق نفسك بأي
حاجة تقابل بيها ربنا كويسة، بس بيكون الوقت فات.

يا ترى هتفضل مأجّل إنك تكون حد فعلاً جدير بمقابلة ربنا؟ ولا تستعد
قبل ما يومك يبجي؟ إعرف إن إللي هينجيك بس، إلتزامك بصلاتك، وعمل
صالح سواء ولد ليك أو حد ساعدته أو أي علم صالح يُنتفع بيه.

عايز الخلاصة؛

لو أنت خايف من الموت؛ صلّح علاقتك مع ربنا، وأصبر لأن النار حُفّت
بالشهوات والجنة حُفّت بالمكارة

وإسأل نفسك أنت تايه وعايز تفوق، ولا أنت فايق وعايز تتوه.

والكلمة الأخيرة هي يوم موتك: لأنها هي يوم قيامتك وفيها بيتحدد
مصيرك، من أول ما بتدخل القبر، بتعرف إنت في جنة ولا العياذ بالله في نار
ربنا يبعدنا عنها، ولا ليه من أول ما بتدخل القبر ده الحقيقة إن من لحظة
خروج روحك وأنت بتعرف مصيرك إيه... ولازم تعرف إن يوم القيامة هو
يوم موتك، فكن جاهز لأي لحظة في حياتك لأنها ممكن تكون آخر لحظة
هي لحظة قيامتك،

ثم جاء صوت الأذان مقاطعاً لكلام سامح، ثم نظر لهم قائلاً:

- استمعوا للأذان وبعديها نكمل، لأن إللي يتكلم وقت سماع الأذان
إللي هو أفضل شيء في الدنيا، ده خسران كتير أوي، لأن لا صوت يعلو فوق
صوت أذان ودعوة الله عزوجل ليك، ده غير إللي بيردد مع المؤذن بيكسب
آلاف من الحسنات.

وقف الجميع في صمت ينظرون لحالهم، ويرددون مع الأذان، ومنهم إلهي أول مرة يسمع الأذان بجهد، ويحس بيه وبعد أن انتهى الأذان عاد سامح قائلاً:

- عارفين الأذان إلهي كل يوم بنسمعه خمس مرات ده، معناه إيه وإيه رسالته ليكم؟
ظل الجميع في صمت إلى أن أردف قائلاً:

- الأذان بيبدأ ب الله أكبر: يعني الله أعلى وأجل وأكبر، من أي حد والدنيا دي كلها، وهو الغني عن عبادة، ولا يضره أي شيء، إن عصيت أو إهتديت فهو الغني، وأنت الفقير ليه أنت إلهي محتاجه فيبنادي عليك كل يوم خمس مرات، علشان يقولك أنا خصصت خمس أوقات ليك نتقابل فهم، لأنك محتاجني فتعالى قابلي، وأطلب وفوق كل ده هاغفرلك ذنوبك، عارفين المؤذن بيقولك حيّ على الصلاة ومعناها؛ تعالی على أفضل الأعمال، وهي الصلاة على وقتها ودعوة ربك للقائه، ومسارعه إلى إطفاء نار الذنوب، والقيود إلهي إتقيدم بيها في دنياكم .. عارفين معنى حي على الفلاح، يعني بيقولك: تعالی لبقاء مافهوش فناء، ونجاة مفيش هلاك معاها تعالوا إلى حياة جدد ما فيهاش ممات، ولنعيم ما بينفدش أبداً، وملك لا يزول، ولسرور مفيش حزن معاها، ولنور مافهوش ظلام، ولسعة معاها ضيق، إيه في الدنيا أكثر من كده يخليك ما تستجيبش للنداء إلهي ربنا كل يوم يقولك فيه تعالی أنا في انتظارك، أنت بتدعي إنك مشغول وعن مين؟ عن إلهي خلقي وخلقك وخلق الدنيا دي كلها.. أنت بجهد مسكين!، ومسكين أوي كمان، لأن الشيطان قدر يضحك عليك، ويصورلك إن إلهي بتعمله أهم من

مقابلة ربنا، ده أنت لما بتعمل مقابلة في شغل بتلبس أفضل ملابس عندك،
وبتحضر قبل المعاد.. ليه؟ علشان ده إللي هيشغلك وهتاخذ منه فلوس،
أقولك على حاجة؟
ثم صمت الجميع مستمعين له وأخذ هو يمسح دموعه التي فاضت منه
بدون وعي وأكمل قائلاً:

- أنت لو فكرت في الموقف ده بجد هتلاقي نفسك أشركت وأنت مش
حاسس لأنك خلّيت ربنا آخر مهامك وأولوياتك، بل واعتقدت بفكرك
الضيق إن إللي رايح ليه تعمل مقابلة شغل ما هو إلا مجرد عبد لله، وإن
رزقك بإيد ربنا بس، وبرغم كل ده وعميلنا السودان ربنا بيعطينا من كرمه
ولطفه، وبرحمته بينا، وكل يوم بيرزقنا واحنا بنعصيه بالنعيم إللي أنعم
علينا بهما، إجلس مع نفسك، وفكر لأن حياتك ونفسك تستاهل إنك تفكر
إزاي تعدي بها لبر الأمان لأن لفحة النار مش سهلة، ده أنت لسعه من نار
الدنيا بتخلّيك تنتفض.. ما بالك بالآخرة بقى!، واطمن وارتاح لأن والله والله
الذي تهتزله سبع سماوات مفيش نفس هتموت قبل ما تستوفي رزقها
وأجلها، فأجملوا في الطلب والسعي...

وقت المقابلة وجب الآن.. بينا يا حسن على المسجد نصلي، وإللي حابب
يزوره ويفضض ليه هو مستنيك دلوقتي، يا تدخّل بنفسك وبرضاك
وينولك من رحمائه، يا برضو هتدخّل بس غصب عنك وحاملينك فوق
الأكتاف... بس وقتها ما تلومش إلا نفسك، والإختيار ليك.
أدارسامح ظهره للمتجمعين حوله، ثم خطى بخطوات مُسرعة نحو
المسجد، وبرفته صديقه حسن ومن خلفهم حشد يريدون أن يلتقوا

ويتعرفوا بِمَن خلقهم ويستشعروا قُربَهُ.. فكل روح مِنهم مُتعبة كل التعب
من هذه الحياة المُرهقة..

وأثناء سيرهم للمسجد تكلم حسن سائلاً سامح:

- ما جاوبتنيش يا سامح؛ مش ناوي تقابل ولادك؟
- أنا في نظرهم مسافر... كفاية إني بكلمهم على التليفون، وبطمّنتهم
عليّا وبطمّنت عليهم، خَلّهم محتفظين بأخر صورة كانت جميلة ليا، لأنهم لو
شافوني دلوقتي ممكن إحتمال كبير يتصدموا من وضعي إليّ أنا فيه
دلوقتي، فخلّيني مسافر في نظرهم لأن؛
إليّ مسافريا صديقي ما بيرجعش، وبالذات السفر إليّ ما مِنوش رجوع
خلاص انتبى،
وإليّ بيتعود على السفر بيعيش دايمًا غريب حتى لو في وسط أهلّه، وأنا
في غربة ومستني الرجوع لوطني الحقيقي .

دلوقتي بس أنا حاسس براحة شديدة أوي جايز لأن القلب المرة دي
هيرتاح بجد بدون تزييف.

خرج سامح وحسن من المسجد بعد أن أدّيا الصلاة، ثم نظر سامح
لحسن قائلاً:

- أنا عايز أطلب منك طلب.
نظر له حسن بترحيب شديد قائلاً:

- أطلب يا صديقي وأخويا وكل حاجة ليا.
- أنا عايزك تهتم بينتك أوي.. حاول تعوّضها، كُن ليا أب وأم.. خليك صاحب ليا، وإوعى تقسي عليها.. القسوة وحشة أوي، هي جت للعنينا صفحة بيضا حاول تحافظ على البياض ده عندها لأنك مسنول عنها وإلي بيتخذك صديق مش هيلاقى غيرك عشان يفضفض ليا، يا ريتك تفهم الجملة دي أوي وتحفظها وتعلمها لغيرك، ويا ريتهم يفهموها..
أغبياء إالي فاكرين القسوة والشدة بتجيب نتيجة، بالعكس بيخلّوا أولادهم يدوّروا على العاطفة برة. وحابب أوصيك؛ خلّي بالك من ولّادي.. أنت أبوهم الثاني بعديّ.

ثم توقف سامح عن السير وأخذ يفكر للحظات ثم أدخل يده في جيب بنطاله، ثم أخرج منها ورقة قائلًا موجّهًا نظرته لحسن:

- خذ الورقة دي ما تفتحهاش إلا لما تحس بإحساس مُعيّن، وقتها أنت هتعرف بنفسك.

- ما تقولش كده، ربنا يبارك في عمرك، وبطل الأحاسيس دي أنت تمام وزى الفل وأنت إالي هتكبّر ولادك كمان، ويا سيدي عشان أريحك اتظمن وما تقلقش عليهم همّا في عينيا.

- أنا مش قلقان.. إالي رأف بيا وأنا في عالم تاني عن الدنيا دي هيرأف بهم وهما على قيد الحياة، وأنا سايبهم لربنا وهو مش هيضيعهم أبدًا؛
ساذجين أوي إالي بيكونوا خايفين من الموت عشان هيسيبوا ولادهم وكانهم هما إالي بيرزقوهم وبيحفظوهم من أي مكروه، يا ريتهم يفهموا إنهم مجرد أسباب والله وحده هو الرزاق وهو الحافظ، أنا همشي دلوقتي لأنني

محتاج أقعد مع نفسي وأفكر مع حالي، محتاج أروح لحد واحشني أوي
أتكلم معاه.

- هتروح على فين يا سامح؟
 - رايح أتكلم مع أميمة لأنها وحشاني أوي.
 - طب أنا هاجي معاك، ما ينفعش تروح لوحديك.....
- نظر له سامح مقاطعاً له قائلاً:
- لا يا حسن أنا محتاج أبقى لوحدي المرة دي، وما تقلقش علياً..
- المكان ده أنا حافظه صمّ وبقيت من أهله، ومش بلاقي راحتى الحقيقية غير فيه.
- وأخذ يبتسم مهوئاً قائلاً:

- وبعدين أنا بتسع أرواح يا صديقي.. إالي خألاني أعيش رغم كل إالي شوفته مش هيخليني أموت بسهولة كده.. ولا إيه؟
 - ماشي يا عم التسع أرواح ربنا معاك، وأنا هروح أشوف إيمان زمانها بتصرخ، وجارتنا ست كبيرة تلاقمها بتشد في شعرها.
- نظر سامح لحسن نظرات عميقة ثابتة وتبسم، ثم قال لحسن:

- بالحُضن يا حسن.
 - تعجّب حسن من طلبه لكنه فرح وابتسم ثم..
- أخذ الصديقان يتعانقان وكأنه عناق ما بعده عناق آخر، وشعر حسن أن هذا العناق ليس عناق مُحبٍ فقط، لكنه عناق وداع بلا رجعة، وألمه هذا الشعور ولكنه لم يجد سبيل إلا أن يُرَبّت عليه بِحُبٍ شديد قائلاً:

- خلّي بالك على نفسك يا سامح، أنت إلهي طلعت بيه من الدنيا دي،
ما تسبنيش لوحدي.

- مش هسيبك يا حسن.. لينا لقاء في مكان ما يتخيلهموش بشريا
صديقي.

أسوأ ما بالفراق لحظات الوداع، لحظة إدراكك أنك لن ترى هذا
الشخص مرة أخرى.

ترك الصديقان بعضهما البعض جسداً ولكنهما لم يتركا بعضاً قلباً ولو للحظة واحدة، وأخذ سامح يسير في الطرقات ينظر لمن حوله متفقداً أحوالهم.

ينظر إلى السماء.. الأرض.. الشجر.. النيل.. التراب، إلى طفل صغير، ورجلٌ مُسنّ يتوكأ على عُكازٍ ليقاوم شيخوخته، وآخر شاب فقد إحدى رجليه ولم يجد وظيفة يقات منها فأخذ يتعكز على عُكازين ليبيع سلعة ما، ولم يجعله العجز يستسلم ويجلس بل جعله يقاوم من أجل الحياة.

ثم أخذ ينظر إلى فتاة صغيرة تُريد عروسة لتفرح بها، وتُمارس دور الأمومة التي وجدت بالفطرة بها.

ونظر لرجل يقوّم امرأته ويُعَنِّفها، وهذه أيضاً فطرة الله جعلها في الرجال؛ القوامة والشدة والحكمة.

أخذ سامح يتأمل ويتدبر وينظر للأشياء وكأنه لأول مرة يراها ويستشعر بها عن قُرب، يستلذ بأحوال هذه الحياة وتضادها، ثم أخذ نفساً عميقاً ليحس بروعة الحياة؛

فمعنى الحرية النفسية الحقيقية هي عندما تتحرر من قيود الحياة وأصنامها الكثيرة، لتصبح مع الله فقط وقتها تَكُن حراً طليق النفس تستنشق هواء الحياة.

فهذه نعمة لا يدركها إلا من حُرِم منها.

وكذلك أي نعمة بهذه الحياة لا يشعُر بها الإنسان إلا بعد فقدانها، فهل من الممكن أن نتوقف لحظة لنشعر بهذه النعم؟

ولمَن لا يشعر فأقول له: اذهب إلى إحدى المستشفيات وانظر لأحوال الناس والامهم، اذهب إلى السجون لترى كم مظلوم وترى كم من غفلة أودت صاحبها بداخل قفص ليُحكَم عليه بالإعدام، اذهب إلى الملاجئ ودور الأيتام، إلى بلدٍ بها حروب وأناسها ينتظرون بأي لحظة قذيفة تُنهي حياتهم لتشعُر بالأمان، أنظر في الشوارع والطرق وأنت تجد من بلا مأوى وبلا غطاء يقيه من مطر الشتاء والهواء البارد.. فإنه لشعور مميت، إن كنت لا تشعر بالراحة رغم كل النعم فراجع جيداً علاقتك مع الله لأنها من المؤكد أن بها خلل.

وصل سامح إلى قبر أميمة وجلس على صخرة أمام القبر قائلاً رثاء:

اه على الأيام لما تفرّقنا عن أعز ما لنا
وتأخذ منا أحلامنا فُصاد عينا، وإحنا مغصوبين
واه على الأيام لما تفرّقنا عن أعز ما لنا
وإحنا مع بعضنا كنا مختلفين
ساعتها بس بنتمنى لو الزمن يرجع بينا
كنا نقرب في كل ثانية من بعضنا
ولا يوم يعدي علينا وإحنا عن بعض مشغولين
وأهي الأيام وتعلمنا، ودائرة بتجمعنا في نفس الطريق
وأهي ماشية الأيام في دائرة الحياة
ما بيحسش الإنسان بقيمة إلهي معاه

إلا لما يضيع ويكتشف إنه بقى وحيد
يا ريتنا بنتعلم، وللأسف بنتندّم
بس بعد ما نموت من جوانا واسمنا عايشين
سامحونا ياللي فارقناكم حاسين إحنا
قد إيه ظلمناكم وما كناش منكم قُربين
يا ريتنا لو نتعلم لسه الفرصة قُدامنا
نقرب من الباقيين .

سامحيني يا أميمة أنا قصرت في حقك كثير أوي، وربنا خد حقك مني،
ودلوقتي اتعلمت بس للأسف بعد فوات الأوان...
إتعلمت يعني إيه إهتمام بجد
يعني إيه حُب.. يعني إيه روح بتعيش معايا،
إتعلمت إني أعيش بجد.. إني ما أنشغلش بالزينة عن المكان، ما هو
المكان لوراح يبقى الزينة هتزين لمن؟؟

اتعلمت إن الدنيا خداعة وللأسف كثير بيتخدع فيها، وإن الكون مليان
بالمعجزات بس مين يبص ويتأمل بجد؟
اتعلمت إن الحُب إهتمام مش كلام، إن الحُب حياة.. أنفاس، ولو
انقطعت الأنفاس يموت القلب إلي بيه بنعيش...

اتعلمت أقرأ زي ما الكاتب الدكتور أحمد خالد توفيق -ربنا يرحمُه- كان
هدفُه الشباب يقرأ، ومش يقرأ وبس كدا.. لاء كان يقصد يقرأ ما بين

السطور، يقرأ الناس ويفهمها عشان يعرف يعيش وسطهم، دكتور أحمد كان حاسس بوحدة رغم كل إلهي حوالية وعشان كده كان بيحاول يلفت نظرهم وإنهم يقرأوه هو الأول، وللأسف ما شافش ثمرة القراءة دي غير بعد موته، وده خير كبير أوي....

اتعلمت إني أعيش كل لحظة كأنها اللحظة الأخيرة؛ زي ما رائد التغيير الدكتور إبراهيم الفقي كان بيقول -الله يرحمه-، لأنها جايز تكون فعلاً اللحظة الأخيرة، وإني أعلم الناس الخير لأن كل شئ في الأرض من ملائكة وعوالم الأرض والبحار والسماء يُصلُّون على مُعلم الناس الخير. عشان كده بطلت أتكلم على فلان وعلان، بطلت أطلع ألفاظ ما ترضيش ربنا لأنها جايز تكون اللحظة الأخيرة، ويا ترى لو كانت فعلاً اللحظة الأخيرة هيكون حلو إني أموت وأنا بقول لفظ مش كويس، أو بتكلم على حد أو بيم، أو بستقوي على ضعيف أو أيًا كان؟ يا ترى وقتها أقول لربنا إيه؟
عشان كده:

إتعلمت إني أفكر في أي حاجة قبل ما أقولها أو أعملها، وأشوف هي يا ترى هتكون في أي ميزان عند ربنا؟ عشان لو غلط ما أعملهاش ولا أقرب منها، ما هو محدش هينفعني لما أتعذب بسببها، ولو صح أعملها ولو في نظر الكون كله غلط ما يهمني شئ حتى لو هموت لأن: خسارة الناس تتعوض أما خسارة ربنا ما تتعوضش.

اتعلمت إني ما أستقلِّش بالكلمة ولا بالحرف لأنه كله بيتكتب، وبيتدوّن؛ الكلمة يا تكون حسنة يا سيئة مالهاش ميزان تالت للأسف...
والأكثر من كل ده اتعلمت إني أكون إنسان بجد قبل أي شئ لأن؛

الإنسانية مالهاش دعوة بدين أو طائفة أو مهنة أو سُلطة أو بلد أو مكان
أو زمان أو قريب أو غريب.. الإنسانية هي روح إنسان ليه حق زُته زيك في
الحياة ووجب علينا جميعاً نحترم الروح دي ونقدّسها ونحافظ عليها.

سامحيني يا أميمة، سامحيني كان نفسي أكون زوج جدير بيكي وبِحُبك
...ده

ثم أخذ بيكي حتى إمتلأت عينيه بالإحمرار الشديد، وإذ فجأة شعريَمَن
يُطبِط عليه قائلاً:

- مِسَامحاك يا سامح مِسَامحاك!!

نظر خلفه بهدوء، وما أن أدار وجهه للخلف أخذ يُحدِّق بعينه غير
مُصدق لما يراه ثم قال:

- أميمة!!! مش معقول! إنتي إزاي ظهرتي؟ إنتي مش ميتة دلوقتي؟
- أنا فعلاً ميتة بس أنت الوحيد إلي من حَقك تشوفني دلوقتي.
- ليه أنا بس إلي من حَقِّي أشوفك دلوقتي!؟
- لأنك إنت ميت بس لا زلت حيًا يا سامح.. يا ترى جاهز؟
أوما برأسه متعجبًا قائلاً:

- جاهز لإيه؟ وبعدين يعني إيه ميت لا زلت حيًا؟ هو في ميت بيفضل
حي!!؟

- يعني إنك تكون ميت بس لا زلت حيًا بأعمالك الخير، بأولادنا إلي
كل ما يعملوا حاجة خير بتعود لينا، بالحسنات الجارية إلي ما بتوقفش،
بثمرة جهدك وتأثيرك في الحياة.. لا زلت حيًا بكل واحد نصحتُه، وكلامك أتر
فيه وإتغير بسببك يا سامح، وبكل واحد علمتُه علم خير،
وبرضو فيه العكس وده الأصعب؛

في ناس بتموت وبتفضل حية بس بالأعمال السيئة، ومحدثش فاهم
النقطة دي؛ إن أصعب حاجة على الإنسان إنهُ يكون مات لكن عنده
سيئات جارية لسه شغالة لحسابه بعد الموت، زي مثلاً نشر حاجات ما
ترضيش ربنا أو أغاني سيئة تدعو للرديلة، أو صور فيها بنات ظاهرة أجزاء
من جسدها ما ينفعش تظهر للناس، بالمفيد كده أي حاجة تكون شرّ وفتنة
للناس تبعدهم عن ربنا..

أمّا الأقل صعوبة وده بيعتبر إنسان هنقول إنه كسب وهو إلي مات
ووقفت عنده السيئات، ولكنه برضو مالهوش أي حسنات جارية، وده
برضو خسران لأنه ما حاولش يسبب حساب حسنات تعينه في الرحلة إلي
هيكون فيها لوحده..

ودلوقتي بسألك تاني: جاهز يا سامح للرحلة الأخيرة؟؟
إنت قولت إنك غريب، ومستتي الرحلة لوطنك الحقيقي:
ودلوقتي ميعادك للرجوع للوطن الحقيقي

وطن ما فهوش فراق تاني

ما فهوش تعب ولا وهنّ

وطن ما فهوش أنانية ولا كبر

ولا نفاق ولا خداع

ولا كذب ولا حقد

ولا غلّ ولا شر

ولا ظلم ولا استبداد وقهر

وطن حقيقي.. وطن سعادة.. راحة.. خير فعلاً بجد

وطن ما لا عين رأت ولا أذن سمعت ولا خطر على قلب بشر.

واللي ما تعرفهوش يا سامح؛

إن الموت هو كل بداية حلوة يعجز الكلام عن وصفها بس بشرط إنك
تكون إنسان نقي بجد، إنسان بيرضي ربنا وبيعمل إلهي أمره بيه، إنسان
بيحسن للي أساء ليه، إنسان عايش لله وهُمَّه الله مش هُمَّه بشر فانيين.

وبرضو ممكن يكون الموت يا سامح بداية لكل شيء سيء بل أسوأ بكثير
أوي، حاجة كده ما تتخيلهاش ولا يتصورها عقل إيلي بيظلم وبيفتري
وبيتكبر على خلق الله، للي بيعصي ربنا ومش بيتوب للي بيعمل كل حاجة
سيئة ربنا نبي عنها. ولكن كل إيلي أقولهولك يا سامح إظمن، إظمن.

- وأنا جاهز يا أميمة ودلوقتي، بس عرفت إزاي الرسول صلى الله عليه
وسلم لما ربنا خيرُه بأنه يموت ولا يعيش لأبد الدهر، فكان إختيارُه الرفيق
الأعلى، لأن إيلي فوق أحسن بكثير أوي من إيلي تحت.. بس يا ريتهم يفهموا
ده، إيلي فوق أحسن كثير أوي من إيلي تحت، إيلي فوق أحسن كثير أوي من
إيلي تحت.

ثم نظر سامح للسماء وهو يبستم بشدة رغم كل ما شعر به من ألم ألمه،
ولكن شيئاً ما طمأنه وجعله لا يضجر لهذا الألم، بل ظل معلماً بشئ ما
هون عليه وجعله مبتسماً وتجمّد كل شيء به وهو على ابتسامته.

بينما حسن جالس يلعب ابنته إيمان التي تبتسم له ببراءة وصفاء، إذ
به فجأة شعر بقبضة في قلبه شديدة وخفقان، وما أن حدث هذا نظر
للأعلى والدموع تهمر من عينيه قائلاً:

- سامح!! سامح!! بقى كلامك يتحقق يا صديقي؟ هو ده إيلي اتفقنا
عليه بالسرعة دي؟
ثم قام مُسرِعاً إلى بنطالُه الذي يحوي بداخله الورقة التي قال له سامح
أقرأها عندما تشعر بشيء ما، ثم أمسك الورقة بيديه وأخذ يقرأ ما كتبه
سامح له بخط يده:

صاحبي ما تزعلش عليًا ولا تحزن يوم ليا

ده أنا في مكان أحسن بكثير

إفتكر دايماً ذكرياتنا وضحكنا وهمساتنا

وخلّي بالك دايماً هكون شايفك

إوعى البُعد يكسر أملك

خلّي أملك برينا كبير

سامحني يا خويا ويا كل إللي بتحبوني على التقصير

ده أنا مكنش بهمني إلا إني أشوفكم بخير

يا ريت في دعواتكم تفتكروني ولا يوم تنسوني

ده أنا عمري ما نسيت دعوة ليكم في سجدة

وأكيد بكرة هيكون أحلى

بس أنتم تحمدوا ربنا على إللي أنتم فيه

يا ريت في دعواتكم تفتكروني، ولا يوم تنسوني

ده أنا عمري ما نسيت دعوة ليكم في سجدة

صدقوني هتفرق كثير

ده في مكان الله وحده العالم بيه
وبتمنى تسامحوني وقولوا لأولادي يفتكروني
ويكونوا ليا حسنات كثير
ويا كل حد أنا عرفته يا ريت تسامحني على التقصير
ما هو أنا ما كنتش ملاك
أنا إنسان يعني بشرو ليا ذنوب كثير
ويا إلهي في يوم حبيتك سامحيني إني يوم جافيتك
محدث بيعرف قيمة الإنسان إلا لما يفقده..
وأنا للأسف فقدت كثير، وأنا للأسف فقدت كثير، وأنا للأسف فقدت
كثير.

إمضاء وبصمة
ميت ما زال حيا
سامح الحسيني

لم يتمالك حسن نفسه من سيل البكاء الذي انتابه وقال:
إنا لله وإنا إليه راجعون .

رايحين على فين؟

الحكاية لسه ما انتهت، إياكم تفتكروا إن إلي بي موت بينقطع: لاء ده بيكون عايش وسطكم وعارف كويس كل أخباركم وبيفرح وبيحزن ليكم، إتجهزوا كويس أوي للي جاي، لأنكم هتشوفوا وتعرفوا وتعيشوا كل حاجة محجوبة عن العالم الآخر وما بعد فناء الحياة ويوم العرض، بس هتشوفها بعيون سامح الحسيني

أشوفكم على خير في الجزء الثاني من (ميت ما زال حيًا ٢).

تمت بحمد الله (٢٧\١١\٢٠١٨)

وكانت يوم ميلادها وخروجها للنور يوم ٢٣/١/٢٠١٩

وحصلت على جائزة أوسكار من شركة إيجيبت ميديا بمحافظة دمياط

يوم ١٤/٢/٢٠١٩

وتم التنقيح بالرواية يوم ٢٩/١/٢٠٢١ للتجهيز للطبعة الرابعة

ويشرفني تقولوا رأيكم على الجودريدز

www.goodreads.com

شكر خاص لأبطال روايتي الأعزاء وعلى رأسهم البطل إلي أنا شخصياً
إتأثرت بيه، خلاني أضحك وأبكي حقيقي (سامح الحسيني)

وشكر خاص للبطل إلي عليمي يعني إيه حب وإهتمام ووفاء وقلب طيب
إنسان بجد

البطل (حسن)

شكر خاص جداً لرفيقة حياتي زوجتي والتي أثرت كل شيء لتبقى بجاني
رغم كل ما تجرّعته من معاناة معي ولا أنكر بل أشكرها من كل قلبي وأقول
لها:

شكراً على مساندتك ليّاً في أصعب أوقاتي، وإنتي تستاهلي الخير والحب
كله..

وشكر خاص جداً

لكل من ساهم ولو بالتشجيع في هذا العمل

شكر خاص جداً

لكل من أعطاني من وقته، وقرأ هذه الرواية

أسأل الله أن ينتفع بها وأن تكون الرسالة قد وصلت....

وأتمنى لكم حياة حقيقية أفضل.

محمودكمال

للتواصل مع الكاتب:

صفحة الفيس بوك الشخصية: mahmoud kamal

<https://m.facebook.com/mahmoudkamal2016>

الصفحة العامة للكاتب : محمود كمال – Mahmoud kamal

<https://www.facebook.com/Mahmoudkamal2018>

صفحة اليوتيوب

محمود كمال – mahmoud kamal

<https://www.youtube.com/channel/UCG1uBqLNGL6CwSfnfz>

bjfCw

من أعمال الكاتب

- رواية ندى الحب الذي لا يموت ٢٠١٨.
- ميّت ما زال حيًا وهي الرواية الحائزة على أوسكار ٢٠١٩ لأفضل رواية.
- أقدار مؤقتة ٢٠٢٠.
- ديوان خواطرية ٢٠٢١.
- وأيضًا مقدم عدة برامج على اليوتيوب
- برنامج الباشروائي
- برنامج التأشيرة (تأشيرة نجاح)

مراجع دينية تم الرجوع إليها

١ - كتاب رحلة إلى الدار الآخرة للشيخ محمود المصري.

٢ - كتاب الدار الآخرة للشيخ عمر عبد الكافي.

٢ - موقع موضوع ٣ دوت كوم

http://mawdoo3.com/%D8%A3%D9%88%D9%84_%D9%84%D9%8A%D9%84%D8%A9_%D9%81%D9%8A_%D8%A7%D9%84%D9%82%D8%A8%D8%B1

٣ - موقع موسوعة التابلسي

<http://www.nabulsi.com/blue/ar/art.php?art=7321&id=150&sid=739&ssid=768&ssid=769>

٣ - موقع الألوكة

[/http://www.alukah.net/sharia/0/115170](http://www.alukah.net/sharia/0/115170)

